






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.723







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.723




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.723




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.723



1. 6. 723








1. 5. 723

TRACTATVS  
DE PILEO,  
COETERISQUE  
CAPITIS TEGMINIBVS  
TAM SACRIS  
quam Profanis.

D. D. PETRO DE MARIDAT, *in magno Regis Christianissimi  
Consilio Senatori dicatus.*



1105

LVGDVNI,  
IOANNIS CHAMPION,  
ET  
CHRISTOPHORI FOVRMY, } M. DCLV.  
Sumptibus {  
in viâ Mercatoriâ, sub Signo Occasionis.  
CVM PERMISSIONE.



4  
IN EFFIGIEM D. DE MARIDAT,  
*huic opusculo praefixam.*

De tot honorificis Capitis, quæ pagina claudit,  
Tegminibus, nullum clare Senator habes;  
Nam vastum ingenium, spatiosaque gloria mentis  
Pileoli exiguo non valet orbe tegi.

A. S. C.

ALIVD.

Imposuit Capiti nullam sculptura coronam:  
Nam male tot meritum cingeret vna Caput.

B. D. S.

ALIVD.

Pileus est clipeus, Caput vndique muniat illis  
Quos tela inuidiæ non toleranda petunt,  
Ingeniosorum MARIDAT dominatus in orbe  
Et supra Invidiam, cur egeat clipeus?

I. D. C.

ALIVD.

Pileoli nulla in vultum diffunditur umbra,  
Sic candor animi & vera libertas patent.

C. D.







*Non potuit cælum Capiti par addere tegmen. ∞  
Hoc Cæli effigiem perficientis erit.*

*L. Sprinckel*







enim muneris, quod quidem inter maturioris prudentia viros censetur esse maximum, in te fortuna con-  
gessit, hoc virtutis tuae fructus est, hoc innata iustitiae  
decus, premiumque fortitudinis inaudita; à tuo tribu-  
nali longè arcet iniquorum adulationes, integritas  
vitae, mentis firmitatem in suscepto bene semel consilio,  
nec principum frangit auctoritas, nec magnatum  
emollit gratia, nec potentium flectere potest amicitia.  
Animos omnium, & eorum etiam, qui humanam  
videntur naturam exuisse suauitate morum inescatos  
ad te vel inuitos trahis, locus ex quo ius praepotestate  
dicis, munitum undique contra hostium petitiones  
propugnaculum est, portus, in quem secure, tutoque  
se recipiant, qui sibi à procelloso mari sentiunt immi-  
minere naufragium, carcer, in quo sub grauioribus  
catenis ingemiscit perfidia; palatium, in quo libere  
triumphat iuris dispensatio, caelum denique, ex quo  
sapientiae lux erumpit, quae obscuras & implicatas  
mille modis & flexibus dolorum ambages deregat,  
facileque dissoluit, o Tuum vitae felix institutum,  
qui natus es non tibi, sed publica tranquillitati, sed  
Ecclesiae bono, sed eius Patrum, quos eo, quo par est,  
honore colis defensionem. Ad te quippe undique accur-  
runt praeceres infulati, pendere volunt Ecclesiae firma-  
menta ex ore tuo res pauperum: quod sibi veritas  
& fortitudo consecrarunt, supremi illi caelorum ac  
terra domini tuo credunt patrocinio Christi patrimo-  
nium, ac ut uno verbo complectar, omnia dū illi sensi-  
bus



bus humanis aspectabiles tuo volunt stare arbitrio  
populorum vota, pacem Ecclesia, salutemq; fidelium,  
tu verò huiusmodi viris, in quibus non sine reuerentia  
cernis aliquid humano fastigio maius diu noctuque,  
alacriter te totum impendis, quanta huius animi de-  
bet esse mundities & magnificentia, quem charitas in  
Ecclesia causas penitus immergit? quanta pietas, qua  
te addicit pauperum & patrum utilitati? quam de-  
fecata est à terrena contagione mens illa, qua res Dei  
continuo versat, quanta iudicij maturitas, qua tam  
caute ac sollicite in eas incumbit, qua nec dignitate  
cedunt ulli, nec pondere? quanta lingua vis, qua una  
vel altera voce dum sacris principibus concordiam  
parit, subditis pacem affert, mutuòque vinculo nos  
connectit Deo.

Quid verò frustra in his diutius moror? quasi verò  
Res tibi aliter accidere possit, de beneficiis Dei sentis  
& loqueris iuxta Dei mentem & affectum, quia totus  
Dei beneficiū es quidquid es, merito ad id operis à Deo  
vocatus, ut in iis te ipsum & Deum amares, te ipsum  
ac Deum in iis amādo ita verè ac sincere de te loqui,  
& de eius beneficiis decernere cogitares quid sis, &  
quem te Deus effecerit praeclare nosti; cumque vides  
quā fuerit in te tuosque beneficus, Dei exemplo in  
illustres illos Christi pauperes beneficus omnino esse  
didicisti; quod autem mirum est, ita tuum est quod-  
libet quod à te prodit, ut etiam sit Dei beneficium,  
sed quem solum vis esse & dici beneficium, licet in  
ā 2 multos



6  
multos per te sit beneficus, ipse tuum vult esse, di-  
cique beneficium, dumque nihil tibi vis retinere,  
totum vult esse. Deus in tua potestate, o iacturam  
egregiam! ubi nihil amittitur, nisi quod malum est,  
totum que id lucramur quod bonum est, patere igitur  
ut tibi lingua saltem sim beneficus, tibi que quod  
tuum est tribuam quod tamen tuum esse non vis, be-  
neficum non poteris odisse, quia beneficus es: men-  
dacium mihi placuit quia tibi gratum, dum lingua  
beneficum me dixi futurum cum enim tibi nihil pro  
summâ tuâ modestiâ deberi contendas, beneficus  
tibi videtur quisquis de te minus dicit, quam quod  
debet: in aëre tamen tuo est, quisquis de te loqui  
aggreditur verborum inopia meritorum copiam non  
aquant, hinc fit ut missis verbis ad res ipsas ver-  
tar. Et commodum sanè detulit, ad me nuper unus  
è familiaribus apographum, in quo non minus iu-  
cunde quam erudite de iis omnibus differitur quæ  
ad Capitis vel ornatum vel commodum prout res  
exigebat ex patria more contulerunt varia tum  
statum tum hominum ingenia. Cum eum lectita-  
sem aliquandiu, animus fuit non ante lectionis  
eius modum facere quam totum planè percurris-  
sem, ita me demulcebat suavis ac multiplex re-  
rum quæ in eo latebant, eruditio, hac re non pa-  
rum delectatus vir, qui mecum erat omni scientia-  
rum genere perpolitus rei perficiendæ occasionem,  
quàm meditatus ante fuerat, avidè prorsus arri-  
puit




puir hortatus est ut eum facerem publici iuris,  
quod ego iam ( ut est mutua inter se amicorum  
consensio ) inter legendum animo praeceperam ac ne  
quid tam utile reipublicae literariae consilium pate-  
retur mora, aperuit nomen authoris, itaque calcar  
alte defixit, ut non parum incitauerit iam cur-  
rentem; mox ( ut his in rebus fieri solet ) huic ope-  
ri placuit ascissere Mæcenatem suum, qui libro  
et praesidio pariter esset et ornamento, quis autem  
potuisset te dignior legi ( Senator Amplissime )  
Cuius tanta est in huiusmodi studiorum foetus pro-  
pensio, si qui maxime refricant memortam amicis-  
simi viri, è cuius mente velut aurea scientiarum fo-  
dina et inexhausto arario sapientiae iam orbi no-  
ta, et ignota pariter eruuntur, patere tamen  
silentium nominis meum ne dum voluero placere  
tibi, celeberrimo scriptori, displiceam si nomen  
eius illustre, tenebris vel inuitus non credidero,  
Quae fluet ex istius voluminis lectione iucunditas  
huic iusto tuo dolori afferet leuamentum, quod  
enim prodit à virò magno mediocre non est, et in  
minimis ut plurimum operibus maxima inest se-  
ges gloriae si singularis periti cuiuspiam artificis  
accesserit industria, quanquam non impar est  
operi materia voluminis enucleatè proferentis quo  
genere ornamenti qualibet natio disiunctis tem-  
poribus pro multiplici sexuum, aetatum, ac  
dignitatum discrimine munitam illam arcem





8  
ac domesticam rationalis animæ speculam nobilissi-  
mam corporis humani partem excoluit & texit, quo  
quid pulchrius ad speciem, iucundius ad oblectatio-  
nem, ad eruditionem utilius possit reperiri non video.  
Cum se tibi sistere videbuntur quæ plus habent apud  
mortales & decoris & dignitatis, tuoque tribunali  
non cateruatim sed seorsim ad nutum imperantis  
supplices accedere, de quibus pro mentis æquitate  
sententiam feras, solemnibus tunc indicetur & ordinata  
totius pene orbis supplicatio quæ modo philosophos in  
lyceis, doctores in exedris, iudices pro rostris sedentes  
exhibeat; tum supremos duces ac principes in subli-  
miori sede Reges & imperatores in solio representet  
coronis & diademate redimitos, exinde subiciet occu-  
lis præfules & pontifices tum sacros tum profanos  
tiara, infulisque conspicuos, te dubio procul movebit  
ad miserationis affectum quia sapias, ridicula in  
multis huiusmodi varietas inuentorum dum aperit  
levitatem humane mentis, Catonianam morum seue-  
ritatem ad risum inflectet promicans è Senatorum  
honorariis cudonibus iubar tue gravitatis fiet orna-  
mentum in Augustis Regum ac Pontificum ornamen-  
tis, diuina maiestatis characteres miraberis & coles.  
Vale & Fruere.

CONSPE






## CONSPECTVS OPERIS.

- SECTIO I.  APITIS, in humano corpore dignitas.  
SECT. II.  Congruum fuisse, tantæ dignitatis membrum  
conregi, siue ad tutelam, siue ad honestationem.  
SECT. III. De Pileo naturali, vtrique sexui æquè communi.  
SECT. IV. De primo sacro inter Christianos Capitis tegmine,  
vtrique sexui æquè communi.  
SECT. V. De Operimento fœminei Capitis vniuersè.  
SECT. VI. Sigillatim, de profanis vsuariis Capitis fœminei in-  
tegmentis.  
SECT. VII. Sigillatim, de tegmine Capitis mulierum Deo deuot-  
tarum, & Sacrarum Virginum.  
SECT. VIII. Integumenta profana virilis Capitis in vsu communi,  
apud varios varia.  
SECT. IX. Tegmina Capitis mundanorum fastigiorum.  
SECT. X. Pileus Doctorum.  
SECT. XI. Integumenta Capitis sacrorum hominum, apud  
Ethnicos.  
SECT. XII. Tegmina Capitis sacrorum hominum apud He-  
bræos.  
SECT. XIII. Quæ nostrorum Pontificum, Cardinalium, &  
Episcoporum, Capitis tegmina,  
SECT. XIV. Pileus Sacerdotum & Clericorum.  
SECT. XV. De Camelauchis, & cucullo Monastico.  
SECT. XVI. De Galero Pontificia benedictione sacro.  
SECT. XVII. De Sudario, Capita mortuorum operiente.  
SECT. XVIII. De Tegmine Capitis Sanctorum.

ARGVMENT.





## ARGVMENTVM.



D T egmina humani Capitis, exponenda & illustranda aggressus sum, vt de Pileo quadrato tractationem exequerer. Cur autem de Pileo dicere cogitatio subierit, non puto obscurum. Gestamen est, quotidianum & vsuarium. Eo in templis, in foro, scholis, domi, alibi, teguntur Capita. Tanti vsus ac commodi tegumento, vicem (vt sic dicam,) nonnullam rependere, expositione eorum quæ ad illud attinent, quis improbarit? Pallium pererudita lucubratione celebrauit Tertullianus, occasione accepta ex scommate quo ob pallij gestationem à toga-to quopiam notatus erat. Calceum in Patris sui gratiam qui calceariam factitarat, docta nuper & amœna scriptione, exornauit alius. In rem vestiariam Romanam, complurium accuratæ scriptiones leguntur. Eandem ad sacros homines restrictam, alij diligenter sunt exsecuti. Ius itaque nobis esto, de hoc vestium veluti apice pauca proponere. Ne tamen ieiunior & hiulca videretur tractatio, de aliis item Capitis & virilis & fœminei tegminibus, siue sacris, siue profanis, (quæ quidem verè tegmina sunt, coronis seclusis) differere consilium fuit. Argumentum hæcenus intàctum. Nam aliò planè spectauit lucubratio Pandulfi Collenutij, cui titulum fecit, *Capitis & Pilei Diaiogus*, referente Lilio Gyraldo syntag. de Poëtis, qui cum anno 1507. rectè periisse testatur: fortassis ob improuidè communicata, quæ Caput eius sub Pileo agitarat.

## SECTIO





## SECTIO PRIMA.

### CAPITIS IN HUMANO *Corpore Dignitas.*



QVAM ob causam amputatis reliquis humani corporis membris benè multis, vita superstes sit homini, resecto autem Capite, absque dilatione moriatur, rationem reddit D. Ambrosius l. de Noë & arca cap. 10. quia [ Non est eadem cæterorum membrorum prærogatiua, quæ Capitis: Ideoque abscisso eo, unde sensus nostri in reliquum corpus prodeunt, moriuntur etiam omnia membra ] Idem l. 6. hexaëm. c. 9. in hanc rem egregiè. [ Cognoscamus (inquit) humani corporis fabricam, instar esse mundi. Siquidem ut cælum eminet aëri, terris maria, quæ velut quædam membra sunt mundi: ita etiam Caput, supra reliquos artus nostri corporis, cernimus eminere, præstantissimumque esse omnium; tanquam inter elementa cælum, tanquam arcem inter reliqua vrbs mœnia. In arce autem hac, regalem quandam habitare sapientiam, secundum Propheticum dictum, Quia Oculi sapientis in capite eius. Hanc esse cæteris tutiorem, & ex illa omnibus membris vigorem prudentiamque deferri. Quid enim robur & validitas lacertorum proficiat, quid velocitas pedum, nisi Capitis

A

·tis



2 *Capitis in humano corpore dignitas.*

tis velut Principis sui imperialis quædam adminiculetur potestas? Ex hoc enim, aut destituuntur vniuersa, aut omnia fulciuntur.] Quod S. Ambrosius humanum caput cum cælo & arce componit, astipulatores habet alios. Cum cælo suprema mundanæ huius fabricæ parte, Caput confert Artemidorus l. i. Onirocr. cap. 37. & lib. 2. c. 8. Fueréque ex priscis, qui *cæli* nomine Caput donarent, vt author est Eustathius Iliad. α. Ipsique Ægyptiorum Sapientes, humana specie Serapidis simulachrum effingentes, cælum ei imponebant pro Capite, vt idem testatur Eustathius: quem Ioanni Grammatico Hesiodi interpreti in hanc rem adiungens Ludouicus Cælius l. 20. cap. 13. ita scribit. [Idem Interpres, (*Ioannes*) alibi. Olympus cælum est, & vniuersus mundi ambitus, quod vndique colluceat. Sed & cæli quadam similitudine Sphæroides hominis Caput, in quo est τὸ ὁλοκαμπὲς λογικόν; id est hinc inde enitescens rationis facultas, *Olympus* dicitur. Sed & in primum Iliados Eustathius, εἰσὶν δὲ apud Homerum, ab antiquis pro Capite accipi scribit. Proinde Pallada, è cælo fingi descendisse.]

Quod præterea Caput S. Ambrosius nomine arcis imperialis donabat, bellè confirmatur à Theodoro to ferm. 3. de prouid. Vbi de Capite ait. [Illud arcis instar in summo ciuitatis huius (humani nimirum corporis) fastigio, situm conspice, in quo opulentissimus quoque hominis thesaurus, nempe cerebrum, quasi in munitissimo castro custoditur.] *Capitolium humani corporis*, scitè Caput nominat Isidor. Pelus. l. 5. epist. 249. tanquam arcem in corpore munitissimam. Hæc est arx sublimis; in qua iuxta Lactantium l. de opif. Dei cap. 8. mens homi-  
nis



*Capitis in humano corpore dignitas.*

3

nis Imperatrix, sedem fixisse videtur; quatenus ibi maximè ostentat vim suam, per connexam sibi in operando phantasiā. Vnde Caput *κεφαλή* dictum, notat Ethymol. quod sit potens in cætera corporis membra, & illis imperet. Hoc rursus accipe ex S. Ambrosio capite illo 9. [ Quid (inquit) sine Capite est homo, cum totus in capite sit? Cum caput videris, hominem agnoscis. Si caput desit, nulla agnitio esse potest; iacet truncus ignobilis, sine honore, sine nomine. Sola ære fusa principum capita, & ducti vultus de ære vel de marmore, ab hominibus adorantur. Non immeritò igitur huic quasi consultori suo, cætera membra famulantur, & circumferunt illud seruili gestamine, sicut Numen, atque in sublime locatum vehunt. Vnde censoria potestate, quò vult dirigit quorundam obsequia seruulorum, & præcepta singulis obeunda decernit. Videas, Imperatori suo singula gratuito stipendio militare. Alia portant, alia pascunt, alia defendunt, & ministerium suum exhibent; parent vt Principi, ancillantur vt Domino. Inde velut quædam procedit tessera; quam debeant pedes obire regionem, quæ militiæ munia manus consummandis operibus exequantur; quam venter abstinenti vel edendi formam, impositæ teneat disciplinæ. ] Insigniter in hanc rem idem S. Ambrosius l. de Arca & Noë c. 7.

Scripturas in eandem sententiam, his verbis profert Clemens Alexand. 4. Strom. [ Caput est quod principale, & quod principatum obtinet. Si est autem Dominus viri caput; mulieris autem vir; vir est Dominus uxoris, vt qui sit imago & gloria Dei. Quocirca dicit etiam

A 2

in



4 *Capitis in humano corpore dignitas.*

in epistola ad Ephesios; *Subiecti inuicem in timore Dei. Mulieres suis viris subiectæ sint, sicut Domino; quoniam Vir est caput mulieris, ut etiam Christus caput Ecclesiæ; ipse Saluator corporis. Sed sicut Ecclesia subiecta est Christo; ita etiam mulieres propriis viris in omnibus.* Apertè, loca Scripturæ quibus Christus dicitur caput Ecclesiæ, & Vir caput vxoris, præferunt eam capitis potestatem Imperialem, quam ex D. Ambrosio adduximus, & priùs etiam tradiderat Plato in Timæo illis in hanc rem illustribus verbis. [Est caput membrum corporis diuinissimum, reliquorumque membrorum Princeps, cui totum corpus connexum, dii subesse & parere iusserunt. Excogitauerunt enim motuum omnium quocunque esse queunt, compos id fore.]

An ob hanc ipsam rationem, cum cæteris humani corporis partibus varîa minuta Numina essent attributa, capiti vt principalissimo membro dictus est præesse, præses & caput Deorum Iupiter? Notauit hoc Fulgentius Placiades l. 3. mythol. in *Peleo*. Quod enim Pelei & Thetidis nuptiæ, procreationem hominis significarent, idcirco ex Domocride in Physiologicis, censet Fulgentius Poëtam finxisse, Iouem eò aduocasse omnes Deos, vt eorum cuilibet certum fœtus membrum concrederet. Et ipsum quidem Iouem sibi caput assumpsisse tutandum; aliis verò Numinibus, alia corporis membra adscripsisse; Mineruæ oculos, Iunoni brachia, pectus Neptuno, cinctum Marti, renes & inguina Veneri, pedes Mercurio. Adeundus qui hoc minutius prosequitur Adrianus Iunius l. 4. animaduers. c. 12. Itaque per caput, tanquam per rem maximè Sacram, & ipsi deorum supremo



*Capitis in humano corpore dignitas.* 5

premo additam, receptissimum erat concipere iuramentum, vt Athenæus l. 2. obseruauit. Præsertim verò iuramentum per Principis caput, habebatur solemnissimum. Quanquam despuendus est Iouius apud Zozi-  
mum l. 3. qui ad æternum cum Alarico bellum, se ob-  
stringens iuramento per Principis caput, ait huiusmodi  
iuramentum esse firmitus illo quod per Deum ipsum  
concipitur. Non refugisse sanè Christianos, huiusmodi  
iuramentum, & id pro magno iuramento habuisse,  
aciem mentis inter sic iurandum dirigendo in Deum,  
habetur ex Tertulliano c. 33. Apolog. respuente iuramen-  
tum per genium Cæsaris; approbante verò iuramentum  
per salutem, siue vitam, aut caput illius.

Manuducit hæc loquendi formula ad aliam, ex qua  
nobilitatem ac dignitatem capitis æstimare facile licet.  
Passim namque *Caput*, pro toto homine dicitur. Locutio  
est Græcis ac Latinis peruulgata. Græcis *charum caput*,  
pro amico, perpetuum propè est. Latini *mille capita*, pro  
mille hominibus dicere soliti: Et Tullius Philipp. 2.  
[Duo capita nata sunt, post hominum memoriam re-  
terrime & spurcissima.] Congessit multa in eam senten-  
tiam ex Latinis æquè ac Græcis Claudius Rangolius,  
1. Reg. 15. v. 17. q. 8. & Lælius Bisciola t. 1. subsec. l. 9. c. 7.  
addens, frequens esse Græcis, & Latinis, ac Hebræis, vt  
quicquid principale ac summum in re quapiam est,  
*caput* dicatur. Qua ratione Tullius l. 2. de offic. in omni  
procuracione negotij & publici muneris, *caput* esse ait,  
vt auaritiæ etiam minima suspicio pellatur. Plato in  
Gorgia, *fabulis caput addere* dixit, pro eo quod est per-  
fectionem ac consummationem illis apponere. Apud

A 3 Philo



6 *Capitis in humano corpore dignitas.*

Philonem l. de sacrif. Abelis & Caini, *caput negotiorum* dicitur finis & perfectio eorum. Delrio in hanc rem plura suppeditabit adagiali 87. vet. Test. quem adeat qui hæc Grammaticalia captat.

Mihi satius videtur, præcellentiam Capitis humani supra omnia membra, colligere ex eminentia & supremo in homine situ, ac ex illis quæ continet. Fixa in eo est sedes sensoriis omnibus, quæ nusquam alibi simul locum habent. Imo alibi solus tactus, qui omnium sensuum crassissimus & maximè materialis est, reperitur, quia ob vitæ indemnitate negari non potuit. Inhabitantes in capite artes omnes, ex Hippocrate epist. ad Philopœmenen. Leguntur in eo omnes affectus, iuxta illud Fabij XI. Instit. cap. 3. [Præcipuum in actione, sicut in corpore ipso, caput est, cum ad decorem, tum etiam ad significationem decoris. Illa sunt, ut sit primò rectum & secundum naturam. Nam & deiecto humilitas, & supino arrogantia, & in latus inclinato languor, & præduro ac rigente, barbaria quædam mentis ostenditur.] Vita uniuersa per caput dispensatur, & ex eo pender. Itaque Lactantius 6. instit. cap. 9. demonstrans omnes virtutes morales absque vera religione & fide inanes esse; & cætera iustum, si id desit, non viuere vita iustitiæ, sic differit. [Omnis iustitia eius, similis est corpori, caput non habenti, in quo tamen membra omnia & locis suis constant, & figura, & habitudine; tamen quoniam deest id quod est omnium principale, & vita & omni sensu caret. Itaque membra illa formam tantummodò membrorum habent, usum non habent; tam scilicet, quàm caput sine corpore. Cui similis est,

qui



qui cū Deum non ignoret, viuit iniuste. Id enim solum habet, quod est summum, sed frustra; quoniam virtutibus tanquam membris eget. Itaque vt sit viuū, ac sensibile corpus, & agnitio Dei necessaria est, quasi caput; & omnes virtutes, quasi corpus: ita fiet homo perfectus, ac viuus. Sed tamen summa omnis, in capite est, quod quamuis constare non potest sine omnibus, sine quibusdam tamen potest. Et erit quidem animal vitiosum ac debile, sed tamen viuet: Sicut & is, qui & Deum nouit, & in aliqua re peccat. Dat enim veniam peccatis Deus. Itaque sine membris aliquibus, viui potest, sine capite nullo modo.] Apertè supponit in hac ratiocinatione Lactantius, vitam vniuersam à capite esse, nec nisi eo incolumi posse consistere.

De capitis dignitate, & micante in eo Dei sapientia, pluscula vide apud R. P. Theophilum Raynaudum in scalis à visibili creatura ad Deum, gradu X I. Videndi insuper Riolanus l. 4. Antropographia c. 1. Tiraquellus ad l. 2. Genial. c. 19. initio. Cresolius 2. vacat. autumn. c. 1.

## SECTION II.

*Congruum fuisse, tantæ dignitatis membrum contegi,  
sive ad tutelam, sive ad honestationem.*

**Q**Vanti sit in homine, caput, constat ex dictis. Indidem verò eruendum est, consentaneum fuisse, vt membrum adeò nobile subduceretur iniuriæ, adhibito operimento, sine quo malè affici facilius posset, & incommodis patere. Et vt per ostium necessitatis subiuit gloria,



8 *Capitis contectio ad tutelam & honestationem.*

gloria, iuxta egregiam Gregorij Nysseni ratiocinationem homil. 3. in Eccles. & orat. de mortuis; par fuit, integumentum esse, quod honestando item capiti, suum usum haberet.

Aduersus primum finem adhibendi operimentum capiti, quo foueretur & prohiberetur iniuria, videtur adduci posse frequens olim usus (teste Polydoro) habendi semper caput intectum. Sic Ægyptij, tantum in grauissimo luctu operiebant capita; Extra eum euentum nudi erant, vt est apud Herodotum l. 3. *Sub initium.*

Iudæi in ieiunio & mœrore, operiebant capita, non quomodocunque, sed illud obuoluentes vndique, lacinia togæ ab humeris reducta. Et sic opertus incessit Dauid, 2. Reg. 15. fugiens truculentiam Absalonis. Item in ieiunio, quia lugebant, operiebant capita, iuxta illud. *Operui in ieiunio animam meam.* In mœrore item, ob defectum longum pluuiæ, Iudæi Ierem. 14. operuerunt capita. Reliquo tempore, nudis erant capitibus, vt contendit Sancius Actor. 19. num. 10. & Sopranis digress. de re vestiar. Iudæo. disp. 2. cap. 1. §. 1. refragante licet Abulensi in c. 13. Leuit. q. 10. qui passim, & in communi vita Hebræos (vti nobis nunc ex usu est) incessisse tecto capite existimauit; allegans quod Leprosi vetarentur capita operire Leuit. 13. & quod summus Sacerdos ibidem c. 21. caput aperire vetaretur. Quæ peculiare prohibitiones. Viderentur superuacaneæ, si Iudæi omnes in communi vita habuissent intecta capita. Quanquam apertio capitis super mortuo, vetita Sacerdoti, intelligitur de rasura. Cæteræ verò rationes, tantum probant, in certis occasionibus, Hebræos togam ad ceruices adhaerentem, regendo



*Capitis contectio ad tutelam & honestationem. 9*  
 regendo Capiti adduxisse, etiam si vt plurimùm, essent  
 intecto Capite, nec vllum haberent certam ac determi-  
 natum operimenti genus, Capiti duntaxat tegendo ad-  
 dictum, non galerum, non pileum, non aliud quidpiam  
 tale. Erant ergo nudi Capita, vt plurimùm, in vita com-  
 muni. Neque enim Capitis nuditatem excludebant te-  
 niæ illæ siue vittæ quibus fluentem cæsariem extra lu-  
 ctum coërcebant & religabant, non fœminæ tantùm,  
 sed & viri. Erant enim admodùm angustæ, putà mini-  
 mi digiti latitudine, & in modum coronæ cingentes  
 Capita, ad capillos circum tempora coërcendos. Vnde  
 quia tempore luctus, vel tondebatur coma, vel sineba-  
 tur fluere, dicebatur deponi corona. Et idcirco Ezech. 24.  
 vbi Deus vetat lugeri mortuos quos ipse letho daturus  
 erat, sic habetur. *Fili hominis, ecce ego tollo à te desiderabile*  
*oculorum tuorum in plaga, & non planges neque plorabis, ne-*  
*que fluent lachrymæ tuæ. Ingemisce tacens, mortuorum luctum*  
*non facies, corona tua circumligata sit tibi, & calceamenta tua*  
*sint in pedibus tuis, nec amictu ora velabis, nec cibos lugentium*  
*comedes.* Et mox ad omnes, ipse Ezech. *Filij vestri, & filie,*  
*gladio cadent; & facietis sicut feci, ora amictu non velabitis,*  
*& cibos lugentium non comedetis. Coronas habebitis in Capitibus*  
*vestris, & calceamenta in pedibus, non plangetis, neque flebitis.*  
 Quia vetabat luctum suscipi, vetat præter cætera luctus  
 argumenta, deponi coronam Capiti circumligatam, id  
 est tæniam seu vittam tenuem, quæ præ tenuitate non  
 non obstabat nuditati Capitis, in communi Hebræorum  
 vsu receptæ, vt assereram. Emanuel quidem Sa, ad præ-  
 dictum locum Ezechielis, censuit apud Hebræos, in  
 luctu v. g. deflendo mortuos, fuisse Hebræis in more,

B           aperto



10 *Capitis contectio ad tutelam & honestationem.*  
aperto Capite & nudis pedibus esse. At Bellarminus,  
prolatis variis scripturis, puta 2. Reg. 15. & 19. & Esther. 6.  
ac Isaia 58. confirmat, Hebræos in luctu operuisse Capi-  
ta, & quidem arctè & validè appresso tegmine. Hoc  
enim est quod ait, voluisse Isaia cum dixit loco anno-  
tato; *Nunquid hoc est ieiunium quod elegi, per diem affligere*  
*hominem animam suam? Nunquid contorquere quasi circulum*  
*Caput suum?* Hanc Capitis contorsionem quasi circulum,  
putat Bellarminus, aliud non esse quàm operire vndi-  
que Caput, & tegmen arctè constringere. Idem volebat  
David Psalmo illo 68. cum dicebat, *Operui in ieiunio ani-*  
*mam meam*; id est operui me, & texi Caput ieiunando.  
Hebræa habent, *Fleui in ieiunio animam meam*, id est  
adhibui luctus ac fletus signum, operiens Caput; Sic-  
que L X X. intellexerunt Hebræam vocem *flendi*. Nam  
sæpe verbum *flendi* sumitur pro fletus significatio-  
ne, siue pro nota luctus & doloris. Vt cum Ægyptij  
S. Hieronymus rectè accipit de signis luctus, per totum  
Genes. ultimo, dicuntur fleuisse Iacobum 70. die-  
bus: quod illud tempus adhibitis. Ratum igitur  
est, Iudæos in luctu & mœrore operuisse Capita,  
quamuis in communi usu nudarent Caput, vt affir-  
mabam.

Apud alias nationes, idem vsus frequens erat. De  
Annibale, Catone Uticensi, & Masinissa, notatum est,  
quantacunque cœli inclementia vrgeret, nunquam  
operuisse Capita. Idem passim seruasse Græcos, observa-  
uit Turnebus l. 8. aduers. c. 4. Idipsum de Romanis do-  
cet Kirchmannus l. 2. de funer. c. 1. Sopranis tract. de re  
vestiaria Hebr. disp. 2. cap. 1. §. 2. & Lipsius l. de Amphit.  
cap. 19.



*Capitis contectio ad tutelam & honestationem.* 11

cap. 19. qui excipit paucos euentus tantum, puta Sacrorum, Ludorum, Saturnalium, Peregrinationis, Militiæ. De Saturnalibus Turnebus 8. aduers. c. 4. accipit Martialem l. 11. epigr. 7. vocantem, *Romam pileatam*. In luctu item, operta fuisse Romanorum Capita, docet illud Persij Satyr. 3.

*Hesterni capite induto subiere Quirites.*

Alia lectio probata Schegkio in præmissis Epistola x. habet, *Capite obnupto*. Eodem referri potest, obnuptio Capitis suspendendorum infelici arbori, ut loquitur Liuius l. 1. memorans legem horrendi carminis. Et quamquam Tullius orat. pro Rabirio, id antiquatum docet; ynde Verrina V. crimini dat Verri, quod ciues Romanos obuoluto capite ad supplicium abduci mandasset; tamen initio alius vigoit vsus, qui item in aliis luctuosis functionibus tenuit; ut cum quis pro Republica se deuouebat & ruebat in mortem, velato Capite id faciebat, ut est apud Tullium l. 3. de natur. Deor. & apud Liuium l. 8. Tribunus item plebis, bonæ alicuius damnari consecraturus, Caput velabat tanquam in re luctuosa. Vide sis Tullium Orat. pro domo sua. In vere quod sacrum vocabant, & eade omnium proximo vereneratorum peragebatur, puerorum & puellarum velabant capita, sicq; extra fines suos exigebant, subducta majori crudelitati, hoc est morti; ut Festus tradit & bene illustrat Pithoëus l. 1. aduers. c. 6. Hæc ergo omnia, quod luctuosa & tristia essent, adhibita Capitis velatione peragebantur apud Romanos. & manauit is Romanorum vsus in Luctu, ad plerosque. Exemplum luculentum legitur apud Gregorium Turonensem in vitis Patrum cap. 6. *in fine*. Ait enim

B 2 mortuo



12 *Capitis contectio ad tutelam & honestationem.*

mortuo S. Gallo Episcopo Sanctissimo, Aruernenses viros, operuisse capita ut in morte vxorum.

Sed ut ad Romanos regrediar, quamuis in luctu, & aliis occasionibus ex Liuiio Signatis, operirent capita; Extra eos tamen euentus, erant intecto capite. Quæ potest esse idonea conciliatio, dissidij quod ea in parte agitat Pancirolus c. de Fibula. Tomo 1. qui est deperditorum.

Æquè primos Christianos, intecto capite exhibet Lucianus in Philopatore. Et persuasum sanè plerisque olim fuit, apertione & nuditate conciliari Capiti firmitatem, quod ex Varrone habet Plinius l. 28. cap. 6. & egregiè asseritur ex Syncesio in disputatione pro Caluitio; qua euincit, Capita excæsariata firmari & obdurescere; comata autem mollescere ac imbecilla reddi. Id quod multò magis valet de Capitibus artificioso regimine supra naturale capillorum operimentum obductis. Vnde Herodotus lib. 3. Persarum obtecta Capita, adeò fragilia fuisse tradit, ut iactu lapilli pertunderentur: contra quam deprehensum est accidere Ægyptiorum Capitibus à pueritia apertis. Videbantur enim ærea aut ferrea. Hæc sunt quibus primus ille finis tegendi humani Capitis, quati videtur.

Negari tamen non potest, quin nuditas Capitis ei plurimum incommodare possit. Nam idcirco non pauci, etiam cum vsus nudandi capitis vigeret, necessitate adacti, adhibebant Capiti integumentum. Notauit hoc de Augusto Suetonius cap. 82. Hippocratem, eam ob causam pileatum exprimit vitæ Auctor, quanquam non me latet, varietas placitorum de eo Hippocratis pileo, obseruata



*Capitis contectio ad tutelam & honestationem.* 13  
obseruata à Pierio l. 40. Sed quòd dixi, est verissimil-  
limum, Periclem à capite supra modum acuto, dictum  
*σχοινονέφαλον*, produnt pileo vti solitum, quo Capitis in-  
commodum arceret. L. Tarquinius pileum ab aquila  
ereptum, & altè subuectum, inox verò Capiti restitu-  
tum, habuit pro regni omine, vt narrat Dionys. l. 3. ha-  
bebat ergo pileum. Nummos quibus Constātinus Caput  
obuelatus exhibebatur, refert Eusebius l. 4. vitæ cap. 73.  
de plerisque gentibus idem contra Polydorum notat  
Broidæus l. 8. miscell. cap. 17. Quæ omnia docent, etiam  
cum vsus nuditatis Capitum vigeat, fuisse, qui ad fo-  
uendum Caput, illudque incommodis grauib. sub-  
ducendum, adhiberent integumentum. Idque demum  
in vsum communem transiit; ita vt extra sacra, aut nisi  
debita alteri cui quis astet veneratio, secus suadeat,  
Caput sit opertum atque contectum.

Aio, in sacris ex vsu communi nudari Capita, quod  
intelligo de vsu Christiano. Nam apud Romanos olim,  
& apud Hebræos, secus erat. Romani omnibus falsis  
Numinibus sacrificabant operto Capite, præterquam  
Saturno & Honori, ac Herculi. Causas vestigat Plotar-  
chus quæst. 11. & 13. Romana. In aliis sacris, operti capite  
erant. Et ex eo vsu, apud Minutium in Octauio, sic  
legitur. [ Nudi cruda hyeme discurrunt, alij incedunt  
pileati, scuta vetera circumferunt, pelles cædunt, men-  
dicantes vicarim Deos ducunt. *Tutulum* dictum illud  
Capitis operimentū, à Sacerdote sacrificante adhibiturum  
ex Numa Pompilio in Pontificalibus, notat Fulg. l. de  
vocibus antiquis V. *Tutulus*. Alia addit Gyraldus syntag.  
17. Histor. Deor. & Interpretes ad illud 3. *Æneid.* quo

B 3

Helenus



14 *Capitis contectio ad tutelam & honestationem.*

Helenus Æneam monebat, vt transgressus æquora, positis aris, meminisset.

*Purpureo velare comas adopertus amictu.*

*Ne qua inter Sanctos ignes, in honore Deorum  
Hostilis facies occurrat.*

Et ad illud.

*Et Caput ante aras, Phrygio velatus amictu.*

Lucretius lib.3. eodem respexit cum dixit,

*Nec pietas ulla est, velatum sapè videri,  
Vertier ad lapidem, atque omnes accedere ad aras;  
Nec procumbere humi prostratum, & pandere palmas  
Ante Delum delubra.*

*Velatum* ibi, non refertur ad lapidem, sed ad personam velatam, quæ versùs lapideum simulachrum velata vertebatur. Videndus Liuius lib.23. cum de Manilio Prænestinorum Prætor. Idem lib. 10. [ Si conspiciatur cum capide ac lituo, Capite velato victimam cædat. ] Varro l.4. de lingua Lat. *Ricam* ait, à ritu dictum, quòd Romano ritu, sceminae, sacrificium cum faciunt, Capita velent. Apud Propertium l 2. eleg.19.

*Ante tuosque pedes illa ipsa adoperta iacebit.*

Apud Plautum in Amphitr. actu 2. sc. 1. ab Alcmena parturiente, Dij operto Capite inuocantur: Et apud eundem in Curcul. actu 3. sc. 1. Vnus quispiam, operto Capite Æsculapium salutat. Alopsus Vates apud Valerium Flaccum l.5. Manes venerando, Caput obnubit. Et quia hic erat mos patrius Romanorum, Macrobius l. Saturn. cap 10. ritum sacrificandi Satuno. aperto Capite, vocat *institutum peregrinum*. Et l. 1. Saturn. cap. 8. ac l. 3. c. 6. vocat eum ritum *Græcanium*, à Romano quo sacrifican-

tes



*Capitis contectio ad tutelam & honestationem.* 15  
tes & orantes Capita operiebant, discrepantem. Nam  
Itali, Authore Ænea, operiebant Capita in religiosis fun-  
ctionibus, ut est apud Aurelium Victorem in Breuiario  
Rom. Histor. ac apud Festum V. *Saturnia*. Nec aliter ac-  
cipio, quod est apud S. Cyprianum initio libri de Lapsis,  
vbi describens constantiam SS. Confessorum, qui in  
tormentis fortes perstiterant, & urgentibus Ethnicis  
nunquam assensi erant ut sacrificarent, sic habet. [Illu-  
stres manus, quæ non nisi diuinis operibus assueuerant,  
sacrificiis sacrilegis restiterunt. Sanctificata ora cœlesti-  
bus cibis, post Corpus & Sanguinem Domini, profana  
contagia & idolorum reliquias respuerunt. Ab impio  
sceleratōque velamine quo illic velabantur sacrifican-  
tium Capita captiua, Caput vestrum liberum mansit.]  
Singularē est, quod velamentum quo Caput operieba-  
tur inter sacrificandum fidei, erat ex panno albo, ut  
notat Acron ad Odam 35. libri primi. (Iuxta Seruium  
in 1. Æneid. manus obducebatur panno albo,) Factum  
id, insinuando albori & puritati, quod pertinere potest  
illud Symmachi lib. 4. epist. 42. [Alba velamina, non  
Segmentati amictus, fidem vestiant.] Lique de usu Ro-  
manorū in operiendis Capitibus inter sacrificandum &  
orandum. In quam rem plura addensat Schegkius in  
Præmissis Epistola X. & Brissonus lib. 1. formul. pag  
mibi 40. Idem ab Hebræis seruatum, affirmabam. Tur-  
pe enim ac probrosum ducebant, orando aperire capi-  
ta: idque ab Hebræis haustum, in usu esse apud Tur-  
cas, scribit Giergiouitz l. 1. de Ceremo. Turcar. cap. 1. de  
Hebræis latè id prosequitur Abul. in cap. 13. Leuit. post  
q. X. cum de leprosi, Capite nudando. Obseruat enim,  
Hebræos



16 *Capitis contectio ad tutelam & honestationem.*

Hebræos cū alibi, tum maximè in templo, instantes orationi, velasse Capita, opertos caputiis: id quod eos fecisse docet imitatione Mosis, non audentis aspicere contra Deum, ad rubi conspectum, & idcirco abscondentis faciem suam tegendo Caput caputio. Sacerdotes quoque, idcirco ait Abulensis habuisse varia Capitis tegumenta, quæ ibi describit minutatim, vt sacris operando semper haberent Caput velatum, quod colligit ex c. 28. & 29. Exodi.

Causam huius ritus, sunt qui ad reuerentiam, ac veluti verecundiam comparendi coram Deo, reducant. Quod enim notauit Braslicanus in adagiorum farragine, Capitis operimentum, nota est pudoris. Qui enim verecundantur, (vt Theophrastus in characteribus dixit) faciem & Caput operiunt. Vnde apud Plautum non vno loco, frons perfricta & inuerecunda signatur his vocibus, *adeò nudo & aperto capite*. Et in conuiuio Alcinoi Odysseæ ß Vlysses canentem Demedocum audiens, pte verecundia Caput operit. Et apud Arbitrum iuuenis, *Execratus aniculæ insidias Caput operui*. Socrates apud Platonem in Phædro, ad parum pudicâ orationem, Caput operit; quem locum notauit Antonius Iulianus Rhetor apud Agellium l. 19. c. 9. Helenam verecundantem, Q. Calaber l. 14. paralipom. Caput operientem inducit. In ipsa denique diuina Scriptura, quod Cherubin suam ad Deum reuerentiam faciei operimento testantur, ad totius Capitis obnupationem pertinet. Atque ita Hebræam vocem *Panaf*, accepisse videtur Chaldæus Isaia 6. & passim Patres ac Interpretes, operimentum Capitis Seraphinorum, ad verecundiam eorum de suo imperfecto  
in



*Capitis contectio ad tutelam & honestationem. 17*

in Deum affectu, referunt, & ad metum reuerentialem, quo astantes tantæ Majestati corripiebantur. Similiter ergo possumus philosophari de ritu operiendi Capita inter orandum, apud Hebræos recepto. Nec multum abest, quod cum ritum Abulensis supra, refert ad subiectionem & timorem; quorum index est Capitis velatio; habere enim supra Caput aliquid, est signum subiectionis ac metus. Vnde Apostolus, velamen Capitis, vocat *potestatem*, quia est nota timoris & subiectionis, quæ spectabant ad legem Mosaicam in timore & subiectione constitutam. Nec minùs commodè S. Epiphanius Hær. 80. *qua est Messalianorum*, indictum Iudæis, in sacris operimentum Capitis, refert ad Christi Capitis nostri obductionem respectu Hebræorum. Neque enim patens illis & manifestus erat Christus, ut hodie est: Idcircoque Lecturi Mosis libros, velabant Capita.

Nunc è contrario, orantes & sacrificantes, Caput aperimus; Nam lex noua, est lex perfectæ liberratis, ut Iacobus c. 2. vocauit, nec timore, sed amore ducimur: quàm duorum Testamentorù differentiam, ipsis *Ecclesiæ* & *Synagoga* vocibus insinuatam, S. Augustinus frequentissimè agnoscit. Idcirco sacrificamus & oramus nudatis Capitibus. Ago de Catholicis. Nam Armenij, qui communi amictu sacrum faciebant, attendendi non sunt. [Eorum Episcopi, (inquit Isaac in 2. aduersus eos Inuectiua, hæresi 25.) ac Præpositi, nedum sacris operando Caput rectum habent; sed & inter celebrandum, duplex Capitis operimentum assumunt; sicque duplici pileo rem sacram peragunt.] Catholici è contrario ferè omnes, præ reuerentia nudant Capita super sacrificium.

C

Nec



18 *Capitis contextio ad tutelam & honestationem.*

Nec potest opponi positio amictus super Caput sacrificantis. Nam amictus super os Casulæ reuoluitur, ut notauit Rupertus l. 1. de diu. offic. c. 19. Tametsi primò superponitur Capiti, quia spineam Domini coronam exhibet. Idque spectantem Episcopum Alexandrinum, cum aliis quibusdam Episcopis, sacrificasse recto Capite, scribit Simeon Thessalonicensis; affirmans, visos sibi ea ratione meliùs repræsentare spineam Domini coronam, vel sudarium quod fuerat super Caput eius. Et de his valet quod Alcuinus l. 1. de diu. offic. c. 38. ait, Græcos inter sacrificandum gestare pileos, seu *Cuphias*. At è contrario Simeon Thessalonicensis ait, toto Oriente, (iis paucis quos referebam exceptis,) omnes Episcopos & Sacerdotes, aperto Capite sacrificare, ut iuxta Paulum honorent Christum Caput suum. Et quia par est, inter sacrificandum, esse eo habitu quo quis inauguratus est. Atqui is qui consecratur, accipit consecrationem Capite denudato, præsertim Hierarcha, cui in consecratione Caput nudatum habenti, liber Euangeliorum superponitur. Is usus est toto Occidente sacerrimus; ita ut ne pileolum quidem inter sacrificandum gestare liceat, vllauè id consuetudine præscribere, quæ potiùs vetustas erroris dicenda est, quàm consuetudo, ut benè ex S. Cypriano Epistola ad Pompeium, dixit Franciscus Meinardus disputatione de Iuribus Episcoporum pag. 59. agens contra perpaucos quosdam, etiam inter consecrandum Capite obuolutos; haud dubiè pileolo mobili. Neque enim qui sutiles ac textiles (ut Tertullianus loquitur l. de cultu fœmin. c. 7. alieni Capitis exuias Capitibus suis supparant in galeri modum, quasi vaginam  
Capitis,



*Capitis contectio ad tutelam & honestationem. 19*

Capitis, & operculum verticis, (*Calceum Capitis*, quod ex corio fiat, appellat Martialis l. 12. epigr. 45. alias 37. Vulgo *Perruque*) iubentur illud Capitis operculum sacrificando deponere; cum vnum moraliter faciat cum Capite, nec à coma natiua internoscatur; contra quàm accidit in calcantica siue pileolo, cuius idcirco vsum super sacrificium Ecclesiastica decreta planè vetant, vt refert Gauantus in Comment. ad Rubr. Missalis p. 2. titulo 2. Vnde tamen olim ad celebrandum ex causa cum pileolo, sat erat necessitas celebrantis, absque alia licentia, vt vult Vgolinus de potest. Episcopi c. 16. §. 2. n. 3. Saltemque sufficiebat facultas Episcopi, aut facultas Superioris, si ageretur de Regularibus; iuxta tradita ab Henrique l. 9. c. 26. num. 2. & à Laymanno tract. 5. c. 6. num. 6. tamen nunc, facultas dispensandi, vt sacrificetur cum pileolo, est solius summi Pontificis. Notatque Scortia l. 3. de Missa c. 4. Gregoriū XIII. ægre dispensasse cum Niciensi Episcopo, vt excepto Sacro Canone, posset esse opertus pileolo, reliqui sacrificij tempore. Excutit latè hoc ius nouum, Annellus Persicus lib. 2. de præcipuo Sacerdotis Officio c. 3. dub. 8.

Piis fidelibus ex vsu olim fuisse, pileolum deponere ad recitationem Euangelij, colligo ex Hildeberto in opere metrico de sacrificio Missæ, qui veniens ad ritum recitandi super sacrum Euangelij, ait.

*Plebs baculos ponit, stat, retegique Caput.*

Tres attingit vno versiculo sacros vsus, in reuerentiæ notam adhiberi solitos ad Euangelij lectionem, positionem baculorum, stationem, & Capitis retectionem. Positio siue abiectio baculorum, vel spectat depositio-

C 2

nem



20 *Capitis contectio ad tutelam & honestationem.*

nem ensis per accinctos, vti nunc assolet cum acceditur ad tribunal pœnitentiæ, vel ad sacram mensam: Nam præ reuerentia, & ad testandam subiectionem, qui accincti sunt ponunt gladios; quos non est nouum dici baculos; cum plerumque vagina, & operimentum externum ensis intus abdici, sit baculus viatorius, qua de re alibi ex Martiale, ipsoque Christo vetante vsum huiusmodi virgæ seu baculi, ense intus abdito velut grauidi, cum simplicis virgæ vsum alibi concedat Apostolis viatoribus: vel certè poni baculos cum audiebatur Euangelium, erat, baculum materialem qui ad manum alicui esset, deponere ad significandum non esse opus alio præsidio, homini qui Euangelio auscultaret. Addit Hildebertus steterisse populum. Assurgimus enim audientes Euangelium, ad obedientiæ significationem: idque fecisse etiam Regem & simul deposuisse diadema, S. Chrysostomus testatur hom. in illud, *attendite ne iustitiam vestram faciatis coram hominibus*. Stare enim, est expectantis nutum mandantis heri: quanquam stabant fideles incurui ac cernui, vt est apud Anastasium i. Decretali prima, & Pamelius in Liturg. initio quinti seculi, rectè illustrat. Retectio denique Capitis, non erat submotio galeri, qui in ipso Ecclesiæ ingressu submouebatur, multo magis inter audiendum sacrum. Erat ergo retectio Capitis, deposito pileolo. Nam si coram Rege Caput ad eò nudandum est, vt ne pileolus quidem conregens supersit; quanto magis coram Deo cuius vox est Euangelium, & qui adesse censetur, vbi adest Codex Euangeliorum, vt docebat ritus antiquus locandi super throno exquisitè ornato Codicem Euangeliorum in  
media



*Capitis contectio ad tutelam & honestationem.* 21

media Concilij aula; in signum præsentis & Concilio præsentis Christi; quod in Concilio Ephesino ac Florentino seruatum constat. Retegebat ergo Caput submoto pileolo plebs fidelis, cum Euangelium legebatur, astans venerabunda, & subiectionem suam testans Christo Regi suo, quasi præsentis; idque volebat Hildebertus. Quare multò minùs, Sacerdotem sacro operantem cum verbis Christi vtens, ipsius Christi Corpus conficit, obitque tremenda & horrenda mysteria, fas est pileolum Capite præferre, sed nudandum est Caput in subiectionis & reuerentiæ testimonium. Et ita accipienda est mandata sacris mystis apertio Capitis super sacrificium.

Fuisse hunc quoque vsum Græcorum Ethnicorum, vt sacrificarent aperto Capite, scribit ex Varrone Gyraldus Syntag. 17. histor. Deor. In ara maxima idem à Romanis seruatum, habet Macrobius lib. 3. Saturn. c. ex Balbo. Et rationem addit C. Bassus, quia ara maxima ante aduentum Æneæ in Italiam constituta erat; ante quod tempus ex vsu erat sacrificare aperto Capite; quod ab Ænea primùm, aiunt immutatum, ne in agri Laurentis parte sacrificans ab hoste perceptus abrumperet sacrificium cogeretur. Alij id referunt ad habitum simulachri, quod in ara maxima erat Capite operto. Ne igitur qui ibi sacrificabat Numen æmulari videretur, aperiebat Caput præter morem alibi receptum sacrificandi operto Capite. Sed ritus Romanis antiquiores in Italia, aliud ferebant; & aliud item (vt dixi) habuit vsus Græcorum, qui semper erant aperto Capite inter sacrificandum. Vtique ad testandam Numini subiectionem

C 3 in



22 *Capitis contectio ad tutelam & honestationem.*

in sacrificio quod ad supremæ Dei potestatis recognitionem dirigitur. Ac proinde qui illud obit, eo debet esse habitu, qui reuerentiam præferat, qualem ex communi sensu præfert Caput apertum.

Erat hæc (vt præmittebam) altera occasio aperiendi Caput: Ad venerationem quippè pertinere visum est, tam nobilis membri nudationem. Verum est, hunc usum non vbiuis olim viguisse, aut etiamnum vigere. Nam alicubi ad testandam venerationem, non aperiabatur Caput, sed Caput contectum inclinabatur, vel corpus vniuersum Capite aperto incuruabatur. Alibi osculum manui imprimebatur; de quo usu Pithæus l. aduers. c. 7. Sinæ, fronte humum feriunt, ex antiquo in hanc rem apud eos more. Caput autem aperire, apud eos more. Caput autem aperire, apud eos nefastum est, nec nisi iis qui ad supplicium rapiuntur, aperiunt Capita. Vnde qui ex eis fidem Christianam suscepere, tunc tantùm Capita aperiunt, cum ad Sacramentum Pœnitentiæ accedunt, vt criminosos se fateantur; aliàs autem operto sunt Capite. Et cum apud eos incongruentissimum esset, Sacerdotem sacrificantem esse aperto Capite, exoranda fuit facultas à Summo Pontifice Paulo V. vt fas esset tecto Capite sacrificare, qua de re inferiùs, cum de pileo quadrato. Iapones pedem calceo exuunt. At Romani, quod notauit Alciatus lib. 8. parergon. c. 10. Si tecti Capita in virum honoratum incurrerent, ea aperiabant. Idque Syllam erga Pompeium solum seruasse, Sallustius in fragmentis est Author, & Plutarchus in Causis. Nimirum signa reuerentiæ & honoris, cum sint ex instituto, possunt variis locis ac temporibus  
varia



*Capitis contectio ad tutelam & honestationem.* 23  
varia esse, imò pugnantia. Vfus tamen aperiendi Capitis  
ad testandam venerationem, videtur admodum con-  
gruus; quandoquidem membrum principalissimum  
hominis, veluti exponitur ad nutum eius qui honore  
dignus censetur.

Extra binas occasiones propositas, (sacrorum inquam,  
& venerationis deferendæ) vsurpatum iam olim meri-  
tò est; vt Caput tegetetur, ad tam pretiosi membri con-  
seruationem atque tutelam. Et ita primùm circa pueros  
ac infantes factum, appposito Capitibus eorum cu-  
cullo, qui postea adhibitus est erga Monachos, vt do-  
ceretur infantilem simplicitatem ac innocentiam custo-  
dire, vt philosophatur Cassianus l. i. de instir. cap. 4. &  
S. Dorotheus doctrina i. num. 17. adducendi infra sectio-  
ne 14. vbi etiam alia de hoc tegmine proferemus.

Per occasionem necessitatis tegminum Capitis, ad  
tam nobile membrum fouendum atque tuendum, aie-  
bam accessisse plerasque honorificas tesseras, tegminibus  
illis assutas aut impositas; vnde decus & honestatio  
Capitis in vsu omnium ferè gentium. Et sanè honoris  
insignia nullo corporis membro præferri conuenientiùs  
possunt, quàm Capite; quod & membrum nobilissi-  
mum est, & eminentissimum, atque adeò maximè  
conspicuum. Quæ enim è collo suspenduntur, vt tor-  
ques, aut thoraci vel pallio assuuntur, haud difficilè  
occultantur, & contuentium oculos effugiunt. Facilli-  
mè item visui subducuntur periscelides, quæ sunt in  
Anglia tesserae honoris amplissimi, & à Gallis antiquis  
vsurpabantur vt honoris notæ, de quo Henricus Cani-  
sius ad epistolam 38. Alcuini. At quæ Capite gestantur,  
occultari

occultari non possunt. Itaque non absque, pleraque huiusmodi honoris argumenta vel signa ad honestandum hominem instituta, Capiti imponuntur; quo ipso Caput quoque honestant atque condecorant. Neque verò Apostolus, docens gloriam viri esse habere Caput obtectum, & ignominiosum illi esse Caput habere nudatum, abhorret à sensu proposito. Tametsi mandat, virum orantem habere Caput nudum tempore orationis, quo homo sistit se Deo, illiusque imaginem in se repræsentat, per dominium quod nactus est in mulierem.

---

### SECTION III.

*De pileo naturali, utrique sexui æquè communi.*

**H**Abemus duplex, tegminum (ut sic dicam, capitalium munus, tutelam scilicet & honestationem Capitis: In quo utroque munere, perbellè natura arti præiuit. Quàm bellè enim coma Caput & tutatur & honestat? Tutamen est per se perspicuum: Nam & ad arcendum frigus, & ad depellendas iniurias Capitis ab aëris inclementia, nihil præsentius naturali hocce galero, ut vocat Chrysostomus hom. XI. ad pop. Venuſtas autem & condecoratio Capitis ab hac naturali calantica, eiusmodi est, ut meritò dixerit Dio Prusæus orat. 35. [Qualisnam fieri possit pileus, vel Arcadicus, vel Laconicus, qui melius Capiti quadret, quam sua coma?] Quid verò è contrario inuenustius, Capite caluo & capillis nudato? Renitatur quantumcunque  
Synesius,



Synesius, & collectis omnibus viribus ingenij quo valuit plutimum nitatur suadere, nihil decere Capitis elegantiae ob caluitium. Oculus ipse æquus æstimator, aliud statuit. Monstrant quod dico, artes caluorum aptantium Capiti galericulum; & subdititia coma imponentium oculis spectatorum, ne turpitudine nudi Capitis offendantur, quod ab Othone Imperatore factum, Suetonius cap. 12. testatur, & faceret de more in Phœbo derisit Martialis l. 12. epigr. 45. sic scribens.

*Hædina tibi pelle contegenti,  
Nuda tempora, Verticemque caluæ,  
Festiuè Phæbe tibi dixit ille,  
Qui dixit, Caput esse calceatum.*

Quod enim galericulus hic, ex pellibus & coriis pareretur æquè ac calcei, non inficet, Caput à caluo Phœbo calciari iocatur. Apud Ruffum Auienum carm. X.

*Caluus eques Capiti solitus religare capillos,  
Atque alias nitido vertice ferre comas.*

Ridiculum populo conspiciente, Caput exhibuit ab aduersis Boreæ spiraminibus.

*Nam mox detecto nituit frons nuda galero,  
Discolor apposita quæ fuit ante coma.*

*Capillamentum* vocat, còque calatum Caligulam exhibuit in eius vita Suetonius c. 10. Scio non semper galericulum tegendæ caluæ adhibitum, sed plerumque à fœminis quæ ægrius caluescunt, ad nigras vel albentes comas occulendas appositum, iuxta illud Tertulliani l. de cultu fœmin. c. 7. [Affligitis præterea, nescio quas enormitates sutilium atque textilium capillamentorum; nunc in galeri modum quasi vaginam Capitis & oper-

D                      culum



culum verticis, nunc in ceruicem retrò suggestum.] Et mox. [Si non pudet enormitatis, pudeat inquinamenti; ne exuias alieni Capitis, forsitan immundi, forsan nocentis & gehennæ destinati, sancto & Christiano Capiti suppare.] Ex variis alia in eandem rem corrogat Adrianus Iunius l. de Coma c. 7. Aliàs item adhibitum galericulum constat, ad capillos defendendos ab iniquatione: vel vt Plautinam vocem adhibeam *collutulatione* per vnguenta, iuxta illud Martialis l. 12. epig. 50.

*Ne lutet immundùm, nitidos ceroma capillos,*

*Hæc poteris madidas condere pelle comas.*

Itaque ad prohibendam capillitij natiui iniquationem, vel ad eiusdem colorem externa specie demutandum, & ementitionem personæ, (vt de Caligula in nocturnis discursationibus dixit Suetonius, & de Messalina Iuuenalis describens eam subeuntem Lupanar, nigrum flauo Caput abscondente galero, quod varij de galericulo accipiunt) adhibitum quandoque galericulum, & ita applicitum vt cutis vera videretur, admitto. Ex primaria tamen & frequentius recepta institutione, ad probum nudi Capitis auertendum videtur inductus, quia naturalis illius regminis defectus, non secus se habet ad humanum Caput, quàm viduitas foliorum ad arborem, & cornium à cornigeris animalibus absentia, vnde admodum deueniuntur.

Neque ago de fœminis solùm, in quibus argumentum magnum laudis, à coma ducitur, vt liquet ex poemate de coma Berenices: & è contrario, comæ & quidem promissæ, defectio in muliere, ducitur ignominia vt Apostolus quoque attigit, & pereleganter expressit

Apuleius



Apuleius l. 2. Miles. *non multum à principio*, sic scribens.  
 [ At verò quod nefas dicere, neque sit huius rei vllum  
 tam dirum exemplum, si cuiuslibet eximiae pulcherri-  
 mæque fœminæ Caput, capillo exspoliaueris, & faciem  
 natiua specie nudaueris; licet illa cœlo deiecta, mari  
 edita, fluctibus educata; licet inquam, Venus ipsa fue-  
 rit, licet omni gratiarum choro stipata, & toto Cupidi-  
 num populo comitata, & baltheo suo cincta, cinnama  
 fragrans, & balsama rotans, calua processerit; placere  
 non poterit, nec Vulcano suo. Quid cum capillis color  
 gratus & nitor splendidus illucet; & contra solis aciem  
 vegetus fulgurat, vel placidus renitet, ac in contra-  
 riam gratiam variat aspectum; & nunc vt aurum co-  
 ruscans in leuem deprimitur vmbram, nunc ceruina  
 nigredine cœruleos columbarum colli flosculos æmula-  
 tur, vel nunc guttis Arabicis obunctus, & pectinis ar-  
 guti dente tenui discriminatus, & ponè versum coarctus,  
 amatoris oculis occurrens, instar speculi reddit imagi-  
 nem gratiorem? Quid? cum frequenti sobole spissus  
 cumulat verticem, vel proluxa serie porrectus dorsa  
 permanat? Tanta denique est capillamenti dignitas, vt  
 quamuis auro, veste, gemmis, omnique cœtero mundo  
 exornata mulier incedat, tamen nisi capillum distrinxe-  
 rit, ornata non possit abire. [ Idem monstrat vsus de-  
 caluandi adulteras, de quo Petrus Faber l. 3. semestr.  
 c. 21. & 22. Fœminas item Christianas, ab Ethnicis igno-  
 miniae causa decaluatas, habetur ex Actis S. Martinæ  
 c. 6. quæ eam ob causam acriter expostulauit cum Ale-  
 xandro Imperatore. Idem habetur ex Actis S. Faustæ, &  
 ex Actis S. Charitinis.

D 2

Non



Non igitur de sequiori duntaxat sexu ago, non de-  
 uenustationem à defectu naturalis galeri agnosco; sed  
 etiam de viris, quos capillitio decorari monstratum est  
 à R.P.Theophilo Raynaudo in opella cui titulus: L A V S  
 B R E V I T A T I S, & illustrari præterea potest, ex eo  
 quod pulchritudo cœli, quæ iuxta Siracidem species  
 est in visione gloriæ, confertur cum pileo, à Iuliano  
 orat. 5. cum agit de pileo stellato Atydi per Cybelem  
 imposito; quasi eodem planè modo cœlum tellurem  
 condecoret, quo præclarum comæ tegmen nostra Capi-  
 ta. Quanquam non sicut venustas fœminæ ex capillitij  
 promissione proximè petita est, ita in viro, similem  
 comæ prolixitatem ad decus pertinere contendo; qui  
 sciam plerisque sapientibus, memorato proximè opere  
 adductis, quin etiam Apostolo; displicuisse in viris comæ  
 nutritionem. Præter cæteros verò S. Gestacus fertur in  
 comatos conclamasse; & capilli quos alicui resecurisset,  
 non renascebantur ultra mensuram à Sancto Viro defi-  
 nitam, ut est in eius Actis c. 9. S. Simeon Salus, petiit à  
 Deo & exoravit, ne cresceret coma Capitis sui. S. Gode-  
 fridus Ambianensis Episcopus, in die Natalis Domini  
 coram Roberto Flandriæ Comite, repulit super sacrum,  
 oblationem omnium prolixè comatorum instar mulier-  
 ularum. Quamvis igitur studiosa comæ nutritio, pro-  
 missionis eius affectatio virum non honestat; tamen  
 moderata comæ diffusio consentaneè ad vniuscuiusque  
 statum, non modicè confert ad virilem speciem. Adeun-  
 dus in hanc rem præter cæteros S. Ambrosius l. de Noë  
 & Arca cap. 7.

Nugiuendus quispiam, argumentum præterea duxe-  
 rit



rit ex alio naturali pileo : Nam est & alius infantium naturalis galerus , quem aliqui , & decori & tutelæ esse volunt. E triplici enim membrana qua fœtus in materno utero obuoluitur ; quarum prima *χρόιον* seu *secundina* appellatur ; secunda *ἀγαρόϊδης* à farciminis forma ; tertia *ἀμνιό* à mollitudine ; contingit interdum duas posteriores , faciem ac Caput infanris sic obuoluere , ut galeatum videatur. Nomen *Diadumeni* , tributum esse Imperatori , qui sic pileatus è matris utero prodierat , scribit Lampri- dius in *Diadumeno*. Et æquè obuolutum Ferdinandum Daualum prodiisse ex utero , notauit Paulus Iouius l.i. Piscar. inde coniectans eximij illius Ducis insignia deco- ra , postea consecuta. Quod si veritate niteretur , ( cum sit ineptum & vanum ) magnam Capitis ab eo tegmine honestationem contineret. Quando in hunc naturalem pileum incidi , nolo prætermiſſa quæ de eo scribit his verbis Anton. Mizaldus centur. i. memorab. n. 18. [ In- fantes plerique in lucem prodeunt , obducto Capite veluti pileo , aut vitta quadam membranosa , vel Capi- tio Monachali ; quod maritos in suspicionem suarum vxorum quandoque pertraxit , ut de historia testatur Antonius Guainerius. Ab eo tegmine , obitetrices & deliræ aniculæ , infantibus bona ex colore rubicundo ; vel mala ex nigricante , præſagire solent. Hinc sanè cre- diderim , Gallicum prouerbium natum fuisse , *il est nay coiffé* ; *natus est vittatus vel pileatus* , de eo cui ultro suppe- tunt bona , partumque est amplum à parentibus patri- monium. Non omittam , quod obstetrices apud non- nullos , magno solent vendere huiusmodi pileos infan- tiles , credulis aduocatis , qui hinc se adiuuari putant.



Auctor Leuius Lemnius. ] Locus Lemnij habetur lib. 2. de occultis natur. mirac. c. 8. Eſſeque eam fatuitatem olim Romanis Cauſidicis perſuaſam, Lampridius ſcribit in *Diadumeno*. Ego tametſi tutelam Capitis infantilis, dum in inferioribus terræ degit, ex hoc tegmine, non inficior; Tamen venuſtationem vllam Capitis, aut infantis ex eo operimento, vel præſignificationem inſignis alicuius dotis ei tegmini conſertam, non agnoſco; repudiauitque etiam eam prænunciationem Delrio 4. Magic. c. 2. q. 7. ſect. 1. tractans decimam quartam ariolationem. Itaque non vtor hoc naturali galero, ad monſtrandum, naturam arti præuiſſe in tutando & decorando per tegmina aduentitia Capite: quale argumentum ducebam ex vulgato naturali galero, ſiue ex capillitio. Præteriui eum naturalem pileum qui in puello Paderborma nato viſus eſt, vt ſcribit Petrus Seruius in opere de vnguento armario n. 33. Cum enim hæretica mulier Sacerdotibus Catholicis eſſet inſenſiſſima, puerū peperit amiſtū pileo & pallio Catholicorū Sacerdotum. Hoc dimiſi tanquam miraculo factum, vt quod bos vitulum pepererit cucullatū cum Lutherus cucullū abiecit, vt norauit in opere de Apoſtaſia c. v. *initio*. Theoph. Rain.

---

#### SECTION IV.

*De primo artificiali inter Chriſtianos Capitis tegmine, æque communi vtrique ſexui.*

**E**Xpoſitis naturalibus humani Capitis integumentis, progrediendum eſt ad artificialia; qualia per Satyram



*De primo tegmine Capitis Christianorum.* 3

ram quàm plurima congeffit Hadrianus Iunius in Nomenclatore num. 127. & 128. Sed rudibus duntaxat singulorum notionibus propositis prætergrediens, quod aliud non ferret institutum Lexicographi, cuiusmodi ipse eo loco erat. Vix plura dedit Lazarus Baiffius comment. de re vestiaria c. 19. & 20. quibus Capitis fœminei & virilis integumenta recenset. Quare relictus nobis est liber campus, in quo nemine præpediente exspatietur oratio.

Primum inter Christianos Capitis tegmen, sacrum est & utriusque sexui commune, & idcirco hîc attingendum. Hoc est, velamen impositum Capiti infantis baptizati. Non dico vestem candidam, cuius crebra fit mentio cum de Baptismi ritibus agitur, (tametsi hæc quoque *Velamenti* nomine insignitur à S. Ambrosio l. de iis qui myster. initiantur c. 7.) Sed ago de velamine soli Capiti imposito: quod item secerno à *corona*, quam ex usu erat imponi baptizatis, ex myrto, vel palma, aliisve similibus, ut disertè habetur in Ordine Confirmationis ex ritu Æthiopum, & apud Seuerum Alexandrinum, sub finem operis de ritibus baptismi: longè aberat ab huiusmodi florea corona, velamen Capitis de quo agimus; Erat enim ex panno. Vnde in Concilio apud Belluacum, cuius plagulam refert Gratianus de consecr. dist. 4. c. *Si qui voluerit*, (est numero 121.) vocatur *pannus*. A Nicephoro l. 3. c. 37. cum agit de baptismo pueri Hebræi, vocatur *arcana & mystica galea*. In Ordine Romano cum describitur ritus Baptismi conferendi Sabatho Sancto, vocatur *christale*. Sic enim ibi habetur [Depor-  
tantur ipsi infantes ante Pontificem, & dat singulis  
stolam



32 *De primo tegmine Capitis Christianorum.*

stolam candidam, & Chrismale, & decem siliquas.] Quæ verba expressit Albinus Flaccus lib. de diuin. offic. cap. de Sabatho Sancto.

Finem collati, recens baptizato, huius velaminis, attingit paucis verbis Glossa ad cap. *Si quis*, de consecr. d. 4. Quod enim baptizati vertex à Sacerdote liniretur Chrismate, oportuit Caput hoc tegmine obuolui, ne chrisma diffunderet. Et quia vnctio Chrismatis, Symbolum est vnctionis Sacerdotalis ac Regiæ, propterea veteres hoc velamen exponentes, aiunt, hoc velamen Regij diadematis, aut cidaris Sacerdotalis, Symbolum fuisse. Ad Sacerdotium Christianum latè dictum, quo omnes baptizati inaugurantur in Sacerdotes, iuxta S. Petrum, refert hanc vnctionem Tertullianus l. de baptism. c. 7. verbis illis. [Egressi de lauacro, perungimur benedicta vnctione; de pristina disciplina, qua vngi oleo de cornu in Sacerdotium solebant. Ex quo Aaron à Mose Vnctus est, vnde *Christus* dicitur à *Chrismate*, quod est, *Vnctio*, quæ Domino nomen accommodauit, facta spiritalis, quia spiritu vnctus est à Deo Patre.] Verum quia Reges non minùs quàm Sacerdotes inungebantur ad regiam dignitatem, idcirco ad ius regni in Baptismo collatum ei qui initiatur, refertur chrisma ab aliis Patribus, vt à Saluiano l. 3. de prouid. vbi ait, assignatum Christianis esse [generationis nouæ munus, sancti baptismatis gratiam, diuini Chrismatis vnctionem. Scilicet vt sicut apud Hebræos quondam, id est peculiarem ac propriam Dei gentem, cum Iudicarius honor in potestatem Regiam transcendisset, probatissimos & lectissimos viros, per vnguentum regium Deus vocauit in regnum, sic omnes homines



homines Christiani, cum post Chrisma Ecclesiasticum omnia Dei mandata fecissent, ad capiendum laboris præmium vocarentur ad cælum.] Quæ accipio de inunctione Chrismatis in Sacramento præcisè Christianis ad salutem necessario, hoc est in Baptismo. Eam enim Chrismationem à Sacerdote in vertice factam, aliam fuisse à Chrismatione Confirmationis, rectè agnoscit, priorem suam opinionem retractans, Pamelius ad librum Tertulliani de Baptismo num. 48. & benè assertitur à Feuardentio ad 1. Irenæi c. 18. n. 7. ac in appendice ad Castrum V. *Baptismus*, hæresi 8.

Commodiùs ad Regiam simul & Sacerdotalem dignitatem mysticè Christianis per Baptismum obuenientem, referri possit ea in Baptismate inunctio, per Chrisma, quod passim pro vtriusque dignitatis Symbolo proponitur. Ita insigniter Augustinus in appendice ad Sermones 40. nouos, Serm. 3. & creditus Cyprianus de vunctione Chrismatis. Itaque consequenter, hoc velamen ad vtramque illam dignitatem pertinere censetur. Ita perspicuè Rabanus l. 1. de instit. Clerico. c. 29. [Tegitur (inquit de baptizato,) post sacram vñctionem, Caput eius mystico velamine, vt intelligat, se diadematis Regij, & Sacerdotalis dignitatis portitorem, iuxta Apostolum; *Vos estis* (inquit) *genus Regale & Sacerdotale, offerentes vosmetipsos Deo, hostiam viuam, sanctam, Deo placentem*, & reliqua. Nam Sacerdotes in veteri Testamento, quodam mystico velamine, Caput semper orna-  
bant.] Iuo similiter serm. de Sacramentis Neophitorum. [Completo iam Baptismi Sacramentis, cum baptizatus de fonte ascenderit, sacro Chrismate vngitur in vertice,

E

vt



34 *De primo tegmine Capitis Christianorum.*

vt cognoscat se promotum esse in Regium genus & Sacerdotale; id est, vt à Christi consortio, vocetur *Christianus*, & æterni regni sit coheres, &c. Exinde traditur Christiano vestis candida; vt qui primæ natiuitatis decorem, vetustatis pannis obfuscauerat, habitu regenerationis, gloriæ præferat indumentum. Tegitur etiam post sacram vnctionem, eius Caput sacro velamine, vt intelligat se diademate Regni, & Sacerdotali, ( sicut dictum est ) dignitate potiri. ] Similia Gulielmus Durandus l. 6. ration. c. 82. num. 15. nisi quòd velamen de quo agimus, vocare videtur rotundam mithram, & ad Regnum mysticum referre; vestem autem candidam, ad Sacerdotium item mysticum. Græci tamen non inungebant verticem Baptizati, tamen hoc tegmen Capitis adhibebant in Baptismo, ad significationem mysticam, non Regni aut Sacerdotij, sed tutelæ militi Christiano in tam pretioso membro necessariæ. Vnde *galea* vocabatur, vt colligitur ex illo Nicephori loco, quo describit pueros imitantes ritum Baptismi. [ Lacinias vestis lineæ diuidentes in partes, simulachra amictus qui in talibus vsurpantur, faciebant, & super Caput mysticam galeam præclarè efformabant. ]

Quia verò omne decus nobis in Baptismo collatum, promanat à Christi sanguine, eius mentio facienda merito fuit in hoc Symbolo ornamentorum per Baptismum aduenientium. Baptismus sanè non est in aqua solùm, sed in aqua & sanguine, iuxta Apostolum. [ Quid est enim aqua sine Cruce Christi? Elementum commune, sine vllo Sacramenti effectui. ] Verba sunt S. Ambrosij l. de iis qui initiantur c. 4. Eoque spectauit Theophanes Nicenus



*De primo tegmine Capitis Christianorum.* 35

Nicænus l. contra Iudæos adductus à Turriano l. 2. de dogmat. character. vocans Ecclesiam, *Porphyræ*; & Christianos, *Porphyrogenitos*, quia nascuntur in purpura, hoc est in Christi sanguine; quo aqua, Christianorum vterus, perfundatus necesse est, ut ad Christiani regenerationem fiat idonea. Itaque ut id significaretur, panno illi de quo agimus alicubi insuebatur filum rubeum, ut scribit Gulielmus Durandus lib. 6. rationalis cap. 82. num. 17. & 18. ut intelligeretur aquas nostras genitales, rubrari sanguine; quod de mari rubro in nostri Baptismi typum dixit Prosper p. 1. de promiss. c. 38.

Gestabât Neophyti hoc Capitis tegmen per octiduum à Baptismo, æquè ac vestem candidam. Et ita colligitur ex D. Augustino serm. 160. de tempor. c. 2. ubi hæc præter cætera. [Hodie octauæ dicuntur infantium: reuelanda sunt Capita eorum, quod est indicium libertatis. Habet enim libertatem ista spiritalis natiuitas, propriè autem carnis natiuitas seruitutem.] *reuelata* post octiduum, ait Capita infantium; (quo nomine, ut mox exponit, etiam adulti corpore, tunc baptizati donabantur, quia facti erant infantes Dei;) At reuelatio illa Capitem, remotionem tegminis Caput operientis supponit. Itaque illuc usque, gestabatur sacrum hoc velamen: Et cum deponeretur, poterat adhiberi ad tegendum alium, quod de veste candida non erat in usu. Nam hæc unicuique propria erat, ut notauit Vicecomes lib. 5. de Baptis. cap. 15. & perspicuum est ex narratione quam de Murita & Elpidophoro contexit Victor Vticensis lib. 3. persecut. Vandal. At velamentum Capitis de quo agimus, poterat esse vsui in alio Baptismo, iuxta illud



36 *De primo tegmine Capitis Christianorum.*

Concilij Belluacensis apud Gratianum *c. Si Quis*, de consecrat. dist. 4. [Si quis voluerit chrismate pannum iterum linire, & super alium baptizatum mittere, non est absurdum.]

Duravit Velamen hoc Capitis recens baptizatorum, sat longo tempore; cum eius meminerit Iuo Carnotensis qui seculo duodecimo incunte florebat. Post illum tamen, videtur abiisse in desuetudinem. Vnde ab Hugone Victorino, (qui non ita multò post vixit,) nulla fit eius mentio, in satis minuta rituum Baptismi expositione, quam adhibet lib. 1. Erudit. Theolog. de Sacram. c. 19. & 20. Fini autem cui hoc Capitis tegmen deferuebat, nempe prohibendo effluxui sacri Chrismatis, eiusque dehonestationi, si Caput recens linitum mansisset intactum, alia ratione consultum est; nempe abstersione sacri Chrismatis, adhibito albo gossypio. Neque tamen prorsus oblitterata est usurpatio huius ceremoniæ, quandoquidem, (vt Pamelius notauit exponens ritus Baptismi in notationibus ad librum Tertulliani de Baptismo;) vsus etiamnum viget, vt post Baptismum & vnctionem verticis à Sacerdote peractam imponatur Capiti baptizati vestis candida; ad vsus antiqui memoriam, quo Caput baptizati obuoluebatur sacro tegmine, statim à baptismo & verticis inunctione.

---

S E C T I O V.

*De Operimento fæminei Capitis vniuersè.*

**A**D artificialia Capitis humani tegmina delabens, ordior à muliebribus; quod iuxta Apostolum maximè



ximè proprium sit fœminei Capitis, operiri. Priusquàm verò sigillatim dicam, prætermittendum generatim est aliquid de fœminei Capitis operimento.

Congruere fœmineo Capiti tegmen quo operiatur, Apostolus disertè tradit 1. Cor. 11. Vbi interrogatus à quibusdam Corinthiis, saluusne esse deberet mulieribus, vsus patrius procedendi aperto Capite, respondet id esse planè indecorum; nec tam videri debere consuetudinem, quàm corruptelam meritissimò recidendam. Et quanquam Apostolus non agit de mulieribus aliò quàm ad orandum procedentibus, & in templo vacantibus orationi; tamen rationes eius perspicuè ferunt, omnem fœminæ processum in publicum intecto Capite, esse indecorum ac refugiendum. Argumentatur ergo in primis Apostolus, ex eo quod mulier subiecta sit viro, velut Capiti suo, & toti è quo decisa est, vt benè expendit ibi creditus Ambrosius; ac proinde velanda sit in signum subiectionis. Perinde enim esse videtur, mulierem intonsam esse, ac inuelatam Tonsuram autem comæ muliebris (extra religiosum ritum de quo postea; & extra paucos euentus ex causa idonea, quos Apostolum non exclusisse, benè notat. Turrianus ad l. 1. constit. Clem. c. 3.) omnes habent vt probrosam, quia amolitur naturale signum subiectionis, viro à muliere debita. Et idcirco Tertullianus l. de corona militis cap. 14. tegmen Capitis fœminei, vocat *humilitatis fœmineæ sarcinam*. Et l. de vel. Virg. c. 17. vocat *iugum illarum*. Concilium Gangrense c. 17. vocat *subiectionis memoriam*. Chrysostomus 1. Cor. 11. *Signum muliebris subiectionis*. Roborat Paulus hanc argumentationem, à contrario. Probrosam quippè



est viro, Caput inter orandum obtegere, quia ipse Deo soli subiectus est; & principatus diuini terrena imago. Vnde non debet subiectionis ad terrenum quippiam indicia præferre, sed Caput habere nudum.

Agit (vt vides) Apostolus, de viro & fœmina orantibus; & hanc in signum subiectionis, vult, precando ad Deum adire contactam: Illum verò in signum exsolutionis à mulieris potestate, vult esse nudo Capite inter accedendum ad Deum. Si tamen aliquando testanda viro esset sua ad Deum subiectio, non vetaret Apostolus, virum donare tegmine Capitis eam subiectionem testante. Quo pacto eliditur apparens collisio Apostoli, & Auctoris homiliæ de vno legislatore, perperam inscriptæ Diuo Chrysostomo. Is quippè Auctor expendens amictum Pontificis Aaronici, cuius prima pars erat tiara Caput operiens, sic disserit. [ Quandoquidem Pontifex Caput erat populi, par erat cum qui Caput esset omnium, in Capite eius rei symbolum exhibere. (Absoluta siquidem & remissa auctoritas ferri nequit; quæ verò sui imperij symbolum impositum gerit, legi subiicitur & paret.) Itaque iubet, Caput minimè esse nudum, sed coopertum, vt discat populi Caput, se Caput habere. Idcirco etiam in Ecclesia cum ordinatur Sacerdos, Euangelium Christi, Capiti imponitur; vt discat, quamuis sit omnium Caput, se tamen legibus istis subiici; & cum qui omnibus imperet, legis imperio subesse, eumque qui omnibus dat mandata, à legibus mandatum accipere: Propterea nobilis vir quidam ex veteribus, cui nomen Ignatius, quique Sacerdotio simul & martyrio decoratus fuit, ad Sacerdotem quendam scribens dicebat;

nihil



nihil sine tua voluntate geratur, neque item tu quicquam absque Dei facias voluntate. Quod igitur impositum habeat Euangelium Pontifex, signum est, cum esse sub potestate constitutum. Propterea dicit Paulus de muliere quæ velamen habebat, quod erat imago potestatis. Erat igitur tiara, figura potestatis.]

Esto igitur, si quando viri ad Deum subiectio sit testanda, operiat vir quoque Caput suum; at in quotidiana precatone in publico Ecclesiæ cœtu, vbi promiscuè viri mulierésque conueniunt, par est, vt gloriam & imaginem Dei se exhibeat, atque adeò præferat apertum Caput. Neque ob præsentem Angelos necesse est Caput operiat, cum ipse quoque sit quodammodò Angelicæ dignitatis, vt S. Basilii l. de vera virginit. philosophatur. Mulierem verò quia propter virum facta est, ei que reuerentiam & obedientiam debet, par est habere Caput obductum, siue (vt Apostolus loquitur,) potestatem, ἐξουσίαν supra Caput habere *propter Angelos*. Id est, vt malos Angelos inter orandum & de spiritu concipiendum, ea signi subiectionis suæ ostentatione confundat, vt S. Paulinus Epistola 4. ad Seuerum scitè & piè admodum differit. Quanquam de sensu qui magis literæ inhareret, actum plenè in tractatu de sobria sexus mollioris per sacras homines frequentatione cap. 8. à Theoph. Rayn. Sed hæreamus in loco proposito.

Vox ἐξουσία, quam ibi usurpat Apostolus, propriè sonat potentiam, & auctoritatem. Vnde quod Latine apud Marcum c. 6. legitur, *dedit eis potestatem spirituum immundorum*: Et Ioannis 1. *dedit eis potestatem filios Dei fieri*; Græcè est ἐξουσία. Et apud Lucam c. 22. *qui potestatem habent*  
*super*



40 *De tegmine Capitis fœminei vniuersè.*

*super eos, benefici vocantur;* Verbum Græcum est, ἐξουσία quod sonat, principari & dominium habere, vt etiam Plato epist. 3. *Νύμφην ἐξουσίας* facultatem & ius dominandi appellauit. Mulier ergo orans debet habere super Caput potestatem, id est tegmen Capitis quod testetur mulieris subiectionem ad virum, & viri in eam principatum, & auctoritatem à Deo naturæ institutore collatam. Eaque gestatio adeò decet mulierem, vt accipere vel habere potestatem, passiuè intellectum, idem sit quod esse fœminam. Locus est in eam rem insignis, Ecclesiastici 47. vbi Siracides describens probrosam Salomonis mulierositatem, ait. *Inclinasti femora tua mulieribus, potestatem habuisti in corpore tuo, dedisti maculam in gloria tua.* Quid sit Salomonem habuisse in corpore suo potestatem, varij variè exponunt, vt latè prosequitur Pineda l. 7. de Salom. c. 7. n. 4. Nam aliqui id accipiunt de miro Salomonis corporeo robore in consuefcendo mille vxoribus. At hoc est à scopo Sapientis alienissimum. Iansenius accipit de potestate, veriùs licentia, abutente suo corpore. At textus primigenius apertè sonat subiectionem, siue potestatem passiuam, non actiuam. Verus itaque & genuinus Siracidæ sensus est, exprobrare Salomoni, non quod habuerit ipse potestatem & dominium in corpus suum; sed quod præ summa eneruatione corporis per monstrosam libidinis effrœnationem, adeò degenerasset à mascula fortitudine, vt veluti transisset in fœminam; ita videretur habuisse in corpore suo potestatem, id est tegmen fœminei Capitis, indicem effœminationis, & veluti degenerationis in mulierem, præ subiectione naturali ad virum, obnoxiam potestati siue velamento.

Qua



Qua ratione, de Hercule effœminato dictum est act. 1. Hippol. *Crinem mihi præsit.* Et Phryges ab effœminatione, dicti *Phrygia*. Eadem loquendi forma, Ioannem VIII. quod à mascula Nicolai decessoris fortitudine desciscere visus esset, iactatum est, esse fœminam. Vnde fabula de Ioanne Papissa, quam mēdacij & nugacitatis ferè frustra reuincunt, Panuinius, Baronius, Remondus, ac Leo Allatius; cum verissimus sensus ex quo Ioannes audiuit fœmina, sit quem attigi. Et è contrario, mulieres si quæ virili animo, quasi in viros euasissent, donatæ sunt nominibus masculinis; vt Melania dicta est *Melanius*, vel *Melanium*; Albina audiuit *Albinus*, vt benè notauit Rosuedius ad epistolam 44. S. Paulini. Et S. Franciscus referente Pisano l. 3. conformit. 4. part. 2. Iacobam matronam Romanam masculæi pectoris, volebat vocari *Fratrem Iacobum*. Salomon ergo habuit in corpore suo potestatem, non secus ac Hercules canente Deianira, nullam muliebritatis notam reiecit. Et idem de Sardanapalo habet Iustinus l. 1. & de quodam Syriæ Rege Dio orat. 4. Mulier autem, hanc potestatem viro probrosam habere debet. Nam si omittat demissionem suam signo illo externo testari, incurrerit in odium Sanctorum Angelorum Ecclesiæ præsidum, qui superbam, & debitæ viro reuerentiæ ac subiectionis signa dedignantem, auersabuntur. Hæc Apostoli argumenta, vniuersaliter probant, decere vbiuis in publico fœminas, velamentum Capitis. Et hanc fuisse Apostoli mentem, confirmat, Tertullianus l. de vel. Virg. *ferè per totum.* De Melania Romana ita scribitur in eius vita apud Surium Tomo 1. Vnde liquet de eius mente in hoc negotio, & de B. Pauli iuxta eam

F      sententia.



42 *De tegmine Capitis fœminei uniuersè.*

sententia. [Erat quidem hæc lex apud Romanos, vt nulus vir nec mulier ad Imperatorem aut Imperatricem operto Capite accederet. Ea verò legem nihil curans velata accessit: non Tyrannorum mores, sed Pauli legem maximè dicens oportere conseruare; qui non finit mulieres nudo Capite incedere.] Latè de hoc Apostoli præscripto, præter Interpretes ad hunc locum, Andreas Saussayus l. de mystic. Galliæ scriptor. in Paulo ritu 10. & in S. Lino præcepti Paulini renouatore, ritu 2. qui rectè notauit, Centuriatores centur. 1. l. 2. c. 10. occasione illius præcepti allatantes S. Linum, quod ad rem minimam & Pontificia cura indignam descenderit, proponendo præceptum de velamine Capitis muliebris, non aduertisse, se eadem operâ Apostolum impetere, cui non est visum indignum Apostolica cura, eò se dimittere. Ita Illyricus & socij spurcitiam suam atque lasciuiam proidentes, quibus obnubi muliebria Capita ita vt liberè non pascant oculos plenos adulterij, indignum visum est Pontificia sollicitudine.

Explorata ergo est mens Apostoli, de mulieribus in publico velandis. Idem semper tulit omnium benè moratarum gentium vsus. S. Macarius homil. 12. *sub finem*, ait mulieres Apostolorum tempore, loco velaminis habuisse crines passos. Sed hoc non video quàm verè dicatur. Apud Hebræos enim iam à gentis exordio velari ac contegi sexus fœminei Capita, ex vsu fuit. Ita ferunt verba Abimelechi ad Saram diuina reuelatione ab iniuria ereptam. *Hoc erit tibi in velamen oculorum, ad omnes qui tecum sunt, & quocunque perrexeris memento te deprehensam.* Sensus est, Abraham verè vir tuus, cui te restituo intactam,



Etiam, erit pudicitiae tuae protector, cui hoc veluti flammeo, quali nubentes & illuc usque intactæ, sponso traduntur, te addico puram. Idque omnibus in quos incidēs testatum volo. Vtere hoc flammeo, ut omnes te uxorem norint; ac deinceps quisquis Abrahamum esse virum tuum rescierit, à te & ancillis tuis oculos auertat. Munusculum quo te dono, erit omnibus in signum quod sis velata, & viro astricta. Quare ne deinceps illius coniugium verbo eiures. Memento te hac ex causa, deprehensam in simulatione periculosa, & specie mendacij, quæ posset in causa esse ut ab alio tanquam viro non alligata, vitiareris. Itaque *velamen oculorum* de quo agit Abimelech, est tegmen subducens oculis contuentium, Caput & faciem Saræ. Ita cum locum exponunt, Prado in cap. 12. Ezech. ad vers. 18. & Delrio ad c. 20. Genes. Nec me mouent quæ in contrarium latè vrget Salazarius cap. 3. Isagoges in Cant. §. 4. (in quem his pridem conscriptis incidi,) & Martinus Roa tom. 2 singular. l. 3. c. 4. subdens c. 5. suam expositionem, qua vult, *per velamen oculorum*, significari prætextum, ne videatur & incurrat in oculos domesticorum Saræ, iniuria ei illata, cum abducta est in domum Abimelechi. Sed non adscribo; quia nulla erat iniuria Saræ, quod ad regium coniugium non renitens & viro non addicta (ut putabatur, & vir eius asserebat) abduceretur ipso insuper eius fratre existimato, optimè propter eam habito. Deinde proposita interpretatio videtur distorta, & omnibus retrò Patribus incomperta, nec ab vlllo interprete hætenus tradita: Apud Lippomanum quidem, in catena ad eum locum, inter omnino mul-



44 *De tegmine Capitis fœminei uniuersè.*

tas istius loci Interpretationes, refertur vna qua operimentum oculorum sumi dicitur pro prætextu excusationis à Sara adhibendæ, & ad domesticos, & ad externos, cum audituri essent tantam Abimelechi erga Saram liberalitatem. Sed neque ea interpretatio quadrat; cum potius in suspicionem vocanda videretur Sara, præ tanta largitate. Et hic prætextus est longè alius, quàm qui ab Auctore cum quo agimus, proferebatur. Quare sistamus in assignata primùm interpretatione, quæ & simplicissima est, & genuina; fertque, velationem faciei fœminæ, inter Hebræos iam à tempore Abrahami inualluisse.

Vsus iam tunc vigens apud Hebræas mulieres, deinceps tenuit, ita vt Tertullianus l. de corona militis c. 4. dicat; [Apud Iudæos tam solemne est fœminis eorum velamen Capitis, vt inde dignoscatur.] Quod statim confirmat exemplo Rebeckæ, ad primum Isaaci conspectum, inuadentis peplum quo velaretur: & exemplo Susannæ, quæ cum iudicio sisteretur, Danielis 13. operata erat Caput, pro more cœterarum mulierum Hebræarum. Quanquam à spurcis senibus qui videbantur regere populum, iussa est discooperiri, reipsa quidem vt vel conspectu tantæ pulchritudinis fœdam cupiditatem pascerent quatenebantur, vt Scriptura notauit; in speciem autem, vt ostenderent, Susannam fidem coniugij violasse. Idcirco enim in sacrificio Zelotypiæ num. 5. Mulier adulterij suspecta, adducebatur ad Sacerdotem Iudicem, Capite nudato, vt insinuaretur eius impudentia; qua transgressionis cubilis sui insimulabatur. [Detecto Capite, (ait S. Cyrillus l. 14. de ador. cum Numerorum

rum



rum locum versans ) mulier ad Iudicem ducitur, id est non consueto decentique ornatu. Et quænam est huius rei ratio? Dedecoris namque crimen est, & turpitudinis accusatio. Recordare verò, mulierem, aperto Capite orare Deum, à Paulo legis peritissimo non permitti; cum velari eam debere ex ipsa naturæ lege ducto argumento, probet. Nam comæ ( inquit ) ei pro velamine datæ sunt. Non ergo decenti ornatu mulier erat, quæ de indecenti crimine accusabatur. ] Itaque decens & consuetus mulierum Hebræarum habitus erat, Capita habere contecta.

Idem apud alias gentes vsus viguit. De Græcis mulieribus habetur ex Apuleio l. 7. Miles. vbi Græcæ mulieris Caput, mitella textili opertum repræsentat. Nec obstat quod Plutarchus l. de Apophtegm. Laconicis in *Charilla*, & Clemens Alex. 2. pædago. c. 10. docent Virgines Lacænas intecta facie, mulieres operta prodiisse in publicum: quod hæ maritum iam nactæ cui soli placere deberent, faciem meritò tegerent, extra domum, & viri conspectû: illæ faciem ostentarêt, & quasi publicarent; inde si placerent, captandæ à maritis. Hoc inquam, antedicta non cōuellit. Neq, enim virgines Lacænæ erant intecto capite tametsi erant intecta facie; quod utrūque habebāt mulieres iam viuis addictæ. Propterea enim in earum mundo muliebri, numerabantur *Faciales*, vulgo *masques*. Vnde in veteribus Glossis adductis à Rigaltio ad Onofandri Strageticon. cap. 1. *ἡ δὲ προσωπίδιον*, *Da facialem*. Fuisseque olim eas larvas, purpureas, idem Auctor demonstrat. Plinius lib. 12. cap. 14. *personas* vocat. Potuerunt igitur Græcanicæ illæ virgines, nudari faciem tecto Capite.



46 *De tegmine Capitis feminei vniuersè.*

De Romanis mulieribus velato Capite procedentibus; sicut mares nudo & aperto, testis est Plutarchus q.14. Rom. Idque astruunt exempla; non vulgarium modò mulierum, sed etiam Augustarum, Liuiæ, Marcia, Faustina, quas nummi antiqui Capite obducto repræsentant, addito lemmate PVDICITIA. Poppæam item Sabinam, Neronis coniugem, tradit Tacitus l.13. Annal. nonnisi velatam, (quia sic decebat) & infrequenter in publicum prodiisse. Quid quod Valerius lib.6. cap.3. scribit C. Sulpitij Galli vxorem, à marito reiectam, quod Capite aperto foris versatam cognouisset? Etiam barbaris mulieribus perpetuum fuisse Capita tegere, Tertullianus auctor est l. de vel. Virg. cap.17. referens, Arabicas mulieres, non Caput modò habuisse tectum, sed & faciem, contentas dimidiam frui lucem, procedendo; vnum duntaxat oculum liberatas, ne totam faciem prostituerent. Idque apud eas suo tempore retentum, ait S. Hieronymus in c. 4. Esaia.

Inter Christianos quoque, huiusmodi velamentum nubentibus esse iam olim adhibitum, docemur ex S. Ambrosio qui lib.3. de Virgin. cum retulisset exprobratum sibi esse quod puellas nubere prohiberet, consecrans eas integritati, responderet: [Vtinam possem, flammeum nuptiale pro integritatis mutare velamine.] Et lib. de viduis. [Suasimus (fateor) vt vestem mutares, non vt flammeum sumeres.] Scitè in exhortat ad Virgines, cum præmisisset; Virgines esse nubes leues & lucidas, addit è contrario de coniugatis.



tis. [ Nubes sunt & graues nubes, quæ nupserint. Namque à nubibus, verbum *nubentium* tractum arbitror. Denique operiuntur vt nube, cum acceperint nupturæ velamina. Et verè graues nubes, quæ sustinent sarcinam Matrimonij. Nam etiam grauari aluo feruntur, cum semina conceptionis acceperint. ] Non pugnat hæc notatio *nubendi*, cum ea quam ex ipso S. Ambrosio lib. i. de Abrah. cap. 9. retulimus superiùs, ducta ex eo quod puellæ Caput, obumbretur pudoris gratia. Nam *nubes* quoque, ab operiendo & obnubendo sunt dictæ. Quæ nubendi & nuptiarum notatio, Ælio & Cincio apud Festum V. *Nuptiæ*, meritò est probata, explosis aliis friuolis notationibus ibidem adductis. Quod ergo inter Christianos quoque, sponsa nubens velamine operiretur & obnuberetur, meritò verba quoque *nubendi*, & *nuptiarum*, apud nos vsurpantur. Apud S. Ambrosium, quia hoc velamen à Sacerdote imponebatur, vocatur *velamen Sacerdotale*. Sic enim habet Epistola ad Vigilium. [ Cum ipsum coniugium, velamine Sacerdotali & benedictione sanctificari oporteat, quomodò potest coniugium dici, vbi non est fidei concordia? ] Et eodem pertinet quod Siricius Papa, Epistola ad Mediolanenses contra Iovinian: ait; [ Nos sanè nuptias non aspernanter accipimus, quibus velamine intersumus. ] Videtur hanc ob causam, hoc est quia velamen à Sacerdote imponebatur, & certa prece sanctificabatur, dictum esse *cælestè velamen* à Nicolao I. ad Consulta Bulgar. c. 3. cum explicat ritus nuptiales Latinæ Ecclesiæ; vbi etiam addit, tale velamen non suscipi in secundis nuptiis,



48 *De tegmine Capitis feminei vniuersè.*

nuptiis, sicut neque suspicitur benedictio, quia receditur ab unitate cui soli Deus in coniugiis benedixit. Quod autem Nicolaus, non puellæ duntaxat, sed vtrique coniugi velamen à Sacerdote impositum significet, non est opus eo loquendi modo dictum arbitrari; quod ob nexum, quod vnius proprium est, alteri item adscribitur: Sed potest simpliciter accipi ut sonat; cum hodièque, in plerisque Ecclesiis is usus vigeat; ut sponsus & sponsa inter exprimendum coram Sacerdote consensum, velo operiantur. Sicut olim, sub thalamo, id est sub velo suspenso vtrumque inumbrante, contrahabatur nuptiale fœdus, ut aduertit Sancius proleg. 3. in Cant. & in c. 2. ad illud, *Sub umbra illius quem desideraueram sedi*; sub quam umbellam quia sponsus & sponsa admodum ornati subibant, nihil mirum, solem orientem, Psal. 18. dici procedere ut sponsum de thalamo.

Fuere tempore Tertulliani, quibus videretur usum adeò vniuersalem tegendi fœminea Capita, ab Apostolo ad Corinthios firmatum, ad solas fœminas virum expertas pertinere; saltem in templo. Nam extra templum quidem, usum vbiuis receptum seruabant, ut disertè tradit Tertullianus cap. 13. cuius hæc est oratio. [Quid singula persequor? Solemnem manifestæ paraturæ totam circumferunt mulieritatem. Sed virginari volunt sola Capitis nuditate, vno habitu negantes quod toto suggestu profitentur. Si propter homines habitu abutantur, impleant illum etiam in hoc, ut & apud Ethnicos Caput velent. Certè in Ecclesia Virginitatem suam abscondant, quam extra Ecclesiam celant. Timent extraneos; reuereantur & fratres: aut constanter audeant & in



in vicis Virgines videri, sicut audent in Ecclesiis. Laudabo vigorem, si aliquid & apud Ethnicos Virginitatis nundinarint. Eadem natura foris, quæ intus; eadem institutio, apud homines & apud Dominum, eadem libertate constat. Quò ergo foris quidem bonum suum abstrudunt, in Ecclesia verò promulgant? ] Hanc abusio- nem, Tertullianus toto eo libro potenter euertit; vt Virgines quoque, etiam in templis, tecta debere præferre Capita, accuratissimè confirmat. Nec assentior nupero scriptori qui disp 3. de re vestiaria Iudæorum c. 1. §. 6 librum illum à Tertulliano iam Montani somniis dementato conscriptum ait, & contra vsum Ecclesiæ Virgines habendi inuelatas, pugnare contendit. Sed hæc omnia gratis dicta sunt, & præter cæterorum om- nium mentem.

Quoad fœminas verò, supponit Tertullianus, vt per se notum ex vsu receptissimo, & Apostoli mandato, in- dubiè ac nemine refragante illas astringente, neque in templo, neque alibi, potuisse tegmen Capitis abijcere. Vnde cap. 17. sic concitatur in quasdam mulieres ad quas orationem conuertit, post discussam Virginum causam. [ Sed & vos admonemus, alterius pudicitia (hoc est coniugalis) mulieres, quæ in nuptias incidistis; ne sic à disciplina velaminis exolescatis, ne quidem in momento horæ, vt quia reijcere illa non potestis, alio modo destruatis, neque tectæ, neque nudæ incedentes. Mitris enim & lanis quædam non velant Caput, sed con- ligant à fronte quidem protectæ: quâ propriè autem Caput est, nudæ. Aliæ modicè linteolis, (credo ne Caput premant) nec ad aures vsque demissis cerebro tenus ope-  
G riuntur.



riuntur. Misereor si tam infirmo auditu sunt, vt per regmen audire non possint. Sciant, quia totum Caput mulier est. Limites & fines eius, eò vsque porriguntur, vnde incipit vestis. Quantum resoluti crines occupare possunt, tanta est velaminis regio, vt ceruice quoque ambiantur: Ipsæ enim sunt quas subiectas esse oportet; propter quas potestas supra Caput haberi debet; velamen iugum illarum est. ] Tantùmne? Protensius certè tegmen, passim fuisse adhibitum, mox dicam. Sed Tertullianus Capitis tegmen, *ne in momento quidem hora reiiciendum*, quod in omni rigore, ac etiam intra domesticos parietes, præferre mulier teneretur, exponere eo loco contentus fuit. Et mox idem Tertullianus, Angelum in somnis Christianæ cuidam fœminæ, velaminis spatia metatum esse, à Capite ad lumbos vsque, testatur. Itaque quod cap. 15. dixerat, velamen fœmineo Capiti esse galeam, & clypeum protegentem aduersùs ictus temptationum, aduersùs iacula scandalorum, aduersùs suspensiones & susurros æmulationum, accipiendum est de clypeo oblongo, quales olim in vsu, maiorem partem corporis obtegentes. Quanquam aliquæ adeò tenuibus velis operiebantur, vt subtus posita retiola crines complectentia apparerent, & capillorum elegancia in oculos incurreret. Quod cauendum monebat S. August. epist. 109. verbis illis. [ Ne sint vobis tam tenera Capitum tegmina; ne retiola subter appareant. ]

Quod tamen, etiam domi velari mulierem volebat Tertullianus, ex austeriore eius genio profectum est, nec ab Apostolo Patribusve inductū. Clemens certè Alexandrinus pereleganti in hanc rem locò, contrarium tradit.

Ita



Ita enim habet l. 3. prædag. c. 11. *Sub finem.* [Mulier semper tecta sit, nisi domi fuerit. Est enim honestus habitus, & ex quo nihil possit offensionis suscipi. Ipsa enim nunquam labetur, si & verecundiam & vestem ante oculos posuerit; nec ad peccati lapsum, alium prouocabit, dum vultum suum aperit. Hoc enim verbum requirit, quandoquidem conuenit eam tectam orare. Dicunt autem, *Æneæ* vxorem propter insignem honestatem, ne cum Troia quidem caperetur, perterritam, se detexisse: sed etiam dum ab incendio fugeret, mansisse coopertam.] Eiusdem operis l. 2. cap. 10. *ad finem* Clemens cum retulisset laudes, à petulantibus quibusdam tributas fœminis, quarum intectas partes quaspiam conspexissent, addit: [Nolo pudicas fœminas præbere talium laudum causam, iis qui per huiusmodi laudes, vt probrum eis afferant, venantur. Nec verò solùm calcaneum nudare est prohibitum; sed etiam Caput tegere, & vultum adumbrare iussum est. Neque enim honestum est, corporis pulchritudinem, esse hominum aucupium.] Hæc ratio tegendi Caput mulieris, non vrget eam, cum intra domum versatur. Video S. Ambrosium adscribi Clementi. Nam lib. 1. de pœnit. c. 13. præfatur, non esse alligandum sinui ignem impuri amoris, qui edaci flamma libidinis consumat animam, ideòque coërcendum esse vultus alieni aspectum, addit. [Vel consuetudo nos doceat: Ideò velamine obnubit Caput suum mulier, vt etiam in publico rita verecundia sit; non faciliè vultus eius in adolescentis oculos occurrat; nuptiali velamine tecta sit, ne vel fortuitis occurribus pateat ad vulnus, vel alienum, vel suum. Sed vtrumque, suum vulnus est. Quod si

6 2

tegmene



52 *De tegmine Capitis fœminei uniuersè.*

tegmine Caput velat, ne temerè aut videatur, aut videat, ( dum enim Caput velatur, vultus absconditur ) quanto magis velare se debet pudoris tegmine, vt etiam in publico, habeat suum ipsa secretum? ] Quin etiam iuxta creditum Ambrosium 1. Cor. ii. Apostolus mandans vt fœminæ Caput velent, non agit nisi de Ecclesia & conuentu publico ad psallendum, vel etiam prophetandum. Sic enim format Apostoli eo loco argumentationem. [ Mulier ergo idcirco debet velare Caput, quia non est imago Dei, sed vt ostendatur subiecta. Et quia prauaricatio per illam inchoata est, hoc signi debet habere, vt in Ecclesia propter reuerentiam Episcopalem, non habeat Caput liberum, sed velamine tectum: nec habeat potestatem loquendi, quia Episcopus personam habet Christi. Quasi ergo ante iudicem, sic ante Episcopum, quia Vicarius Domini est, propter reatus originem subiecta debet videri. ] Affine est quod Tertullianus l. de Cor. milit. c. 4. obseruat, Susannam in pomario, & ( vt ipse vocat ) in stadio mariti, aperto visam Capite, in iudicio tamen comparuisse velatam, quia rea venerat, erubescens de infamia sua. Mulier ergo in Ecclesia, coram Episcopo Iudice & locum Dei tenente, velatur, de suo reatu & inuecto per eam peccato erubescens; Domi autem ad Caput velandum non adigitur, quicquid Tertullianus affirmarit, contrarium vt proximè audisti, de Susanna fassus. Quod Laurentius Landtmeter l. i. de vetere Clerico & Monacho part. i. cap. 3. ex Oecumenio 1. Cor. ii. & ibidem Estio, perpetuum ipse quoque, operimentum vbiuis mulieri indictum contendit, audiendus non est.

SECTIO



## S E C T I O VI.

*Sigillatim de profanis & suariis Capitis fœminei  
intégumentis.*

**Q**uia iuxta Apostolum, prius est animale quàm spirituale, & ex seculi fœminis Virgines Deo dicatæ oriuntur, recensebo sigillatim primo loco, tegmina profana mulierum seculi, deinde ad sacrarum mulierum intégumenta progrediar, quæ ad eò sunt illis congruentia, ut Tertullianus l. de vel. Virg. c. 16. hortetur Virgines, assumpto velamine mentiri aliquid coniugij, ut statum Virginum seruire possent: Nam subiectio ad virum per velamen expressa, earum maximè propria est, quarum est ad virum conuersio; hoc est quæ nupserunt. Vnde aliquatenus se nuptas mentiuntur, quæ assumunt eam notam, coniugatarum præcipuè propriam. Itaque iure ordimur à tegminibus profanis fœminarum de seculo, siue quæ iam viris seruiunt, siue quæ destinantur ut seruiant, & *Virgines hominum* nominantur à Tertulliano eodem libro c. 3. nec semel alibi.

Inter hæc Capitis tegmina, ordiendum à flammeo quasi initiante mulierem. Nonius enim, flammeum ait regmen esse quo Matronæ Capita operiunt, utique cum nubunt, & Matronæ primùm dicuntur. Vnde Tacitus annali 15. propudiosas Neronis cum Pythagora pocillatore ut viro nuptias referens, cum reliqua omnia in nuptiali pompa adhiberi solita, auspices, faces nuptiales, thorum genialem, interuenisse docet, tum nominatim

G 3 ait,



54 *De tegmine profano Capitis feminei.*

ait; [Imperatori impositum flammeum.] Et Quintil, declam. 306. vetulam nubentem alloquens; [Operis (inquit) flammeo canos.] E contrario S. Hieronymus in Epitaphio Paulæ, ut Virginem notaret consecrandam, ait; [Neptis, Christi flammeo reservatur.] *flammeum* porrò aliqui dictum volunt à flaminica, quæ eo semper utebatur, nec facere diuortium poterat. Benè, nisi geminum *m* obstaret, & à colore potiùs ductum fuisse id nomen, suaderet: Erat enim primùm flammei, id est lutei coloris, Plinio teste l. 21. c. 8. & iuxta illud Lucani lib. 2. Pharsal.

*Lutea demissos velarunt flammea vultus.*

Sicut luteos nubentis succos, Seneca exhibet in Medæa. Et insinuat Catullus apud Brissonium de ritu nupt. pag. 29. Postea tamen mutatus est flammei color. Nam album fuisse Festus docet; purpureum verò antiquus Interpretes Iuuenalis ad Satyr. 6. Vtrumque colorem nectit S. Isidorus, adductus cap. *Femina* 30. q. 5. alborem referens ad vitæ munditiam, purpuram verò ad sanguinis posteritatem; Ni mauis eum colorem cum eodem Iuuenalis scholiaste, referre ad ruboris custodiam eo colore insinuatam; in quem suem adhibitum nubentis Capiti tegmen, & ab ea obnuptione dictas nuptias, S. Ambrosius auctor est l. 1. de Abrah. c. 9. Ad imitationem nuptialis huius velaminis, & ob proportionem cum eo, velum consecratum quo piæ Virgines Christo nubebant, dictum flammeum, proximè dixi ex Hieronymo & infra plenius prosequar. Quanquam quod Latinus Interpret vitæ Chrysostomi, per Georgium Alexandrinum cap. 55. cum de sacris Virginibus, abrepto Capitis operimento dehonestat



*De tegmine profano Capitis fæminei.*

55

dehonestatis agit, Græcam Georgij vocem *μαφόρις*, expressit per Latinam vocem *flammei*, perperam expressit, ut mox patebit.

Mitra tamen si nomen est polysimon, propriè tamen significat tegmen Capitis muliebris. Non dico significare vestem (ut malè aliquibus visum apud Petrum Fabrum l. 1. Semestr. cap. 15.) Sed tegmen Capitis. Varias quas dixi huius vocis notiones, recensuit Paschalius l. 4. de cor. c. 20. & 21. Nam interdum quidem, sumitur pro nocturno virilis Capitis pileolo: aliàs pro fascia, seu lamina pectus muliebre contutante, cuiusmodi item areas mitras interiùs, circa imam ventris partem gestabant prægnantes, ad maiorem fœtus securitatē & indemnitatem, easq; mitras in primo partu soluebant, & Dianæ appendebant: quod dicebatur *Zonam soluere* iuxta Paschaliū: reclamantibus omnibus aliis, qui solutionem Zonæ, referunt ad cinguli nouæ nuptæ ex lana ouis confectō, & vincto nodo Herculano, exsolutionem per virum. Videtis Brissonium de ritu nupt. pag. mihi 25. Sed & *mitra* notio pro Diademate, non infrequens antiquis. Cæterum maximè propriè, mitra tegmen fuit ad fæmineum Caput operiendum. Sed aliquandò quidem, sonat Capitis muliebris redimiculum, è quo pendebant fasciolæ quæ *phylla* dicebantur, quod florum instar dependerent, ait Onuphrius in calce libri de vocibus Ecclesiasticis obscurioribus. De hac *mitra* notione, pro fascia citra apicem capillos obligante, videndus Ludou. Cœlius l. 16. c. 10. & Pradus ad c. 21. Ezech. ad illud *tolle cidarim*. Hoc sensu, Judith. c. 10. dicitur imposuisse *mitram super Caput suum*. Et apud Nasonem in Epistola Deianiræ ad Herculem, subsannatur vir,

*Ausius*



*Ausus & hirsutos mitrâ redimire capillos.*

Id quod etiam Iarbas 4. Æneid. ridet in Paride, cum  
 femiuirô comitatu. Et l. 10. ridentur Troës obfessi, habentes  
 redimicula mitræ. Aliàs verò mitra, integrum Capitis  
 tegmen signat. Quæ videtur notio *mitræ* apud Papi-  
 nium libro 9. vbi Atlantiades negans se effœminatum,  
 ait, haudquaquam deformes vertice mitras induimus.  
 Lyranus Iudith. 10. muliebri huiusmodi Capitis tegmen  
*Calanticam* esse censet. Ipse *Cuffam* vocat Gallicè *vne coiffe*.  
 Et suffragatus videtur Seruius ad locum Maronis anno-  
 tatum, qui pileum contraponit mithræ; & hanc muliebri  
 Capiti tegendo, illum virili addicit. Vtraque ex variis  
 locis Auctorum illustratâ mitræ forma, per multiplica-  
 tas spiras, variis locis ac temporibus habuit locum. Qua-  
 re non abs re, mitram inter Capitis fœminei tegmina  
 recensitam volumus, non inter nuda ornamenta; cuius-  
 modi erant *vittæ*, siue Matronales multiplices, siue Vir-  
 ginales simplices, de quibus plenè Bernartius ad librum  
 5. Thebaidos *sub finem*. Matronales autem duntaxat aut  
 Virginales vittas dixi, quia famosis mulieribus, æquè  
 vittarum ac stolæ vsu interdicebatur. Vnde Naso, scripta  
 obscœna non pudicis sed impudicis scripta excusans,  
 aiebat.

*Scripsimus hæc illis, quarum non vitta pudicos**Contingit crines, nec stola longa pedes,*

Et idem iterat, negans se de illis, aut ad illas scripsisse,

*Quas stola contingi, vittæque sumpta vetat.*

Præterea alibi, sic canit in eandem sententiam:

*Este procul vittæ tenues, insigne pudoris;**Quæsiq; regit medios instira longa pedes.*

Non



Non potuit distinctius, vittas pudicis innuptis aut nupris mulieribus adscribere.

Stolam Caput quoque mulierum operuisse, monstrat illa eius descriptio apud S. Isidorum l. 9. cap. 25. [Stola matronale operimentum quod cooperto Capite & Scapula, à dextro latere in lævum humerum mittitur. Stola autem Græcè vocatur, quod superemittatur. Eadem, & *ricinium* Latino nomine appellatum, eo quod dimidia eius pars retrò reiicitur, quod vulgò *Mauortem* dicunt. Vocatam autem dicunt *Mauortem*, quasi Martem. Signum enim maritalis dignitatis & potestatis, in eo est. Caput enim mulieris vir est; inde & super Caput mulieris est.] Hæc stola, metonymicè esse videtur illa instita insigne pudoris in Matronis, de qua Ovidius l. 1. de Arte proximè adducto disticho.

*Estè procul vittæ tenues, insigne pudoris*

*Quæque tegis medios instita longa pedes.*

In eodem libro, ut proximè quoque referebam, pudicas describens, vocat,

*Quas stola contingi, sumptæque vittæ vetat?*

Matronarum quippè honestarum propria erat stola, iuxta illud Cæcinæ Severi apud Tertullianum l. de pallio c. 4. [Matrona sine stola, in publico?] Et consonat illud Martialis,

*Quis floralia vestit, & stolatum*

*Permittit meretricibus pudorem?*

Et Flaccus l. Serm. Satyr. 2. eodem respexit, cum dixit.

*— Sunt qui nolunt tetigisse nisi illas*

*Quarum subsuta talos tegit instita veste.*

Quia solæ Matronæ pudicæ, stolatæ erant; & stolam

H ad



58 *De tegmine profano Capitis fœminei.*

ad talos vel medios pedes demissam, ambebat instita. Et idcirco interdum *stola*, pro matrona vsurpatur, ut apud Papinium corruptos mores sub Domitiano describentem.

*Omnia plebeio teritur Matrona tumulu.*

*Hinc eques, Hinc iuuenum cœtu stola mixta laborat.*

Probrosum enim antea erat, Matronam & honestam mulierem, in publicum procurrere. At si absque stola apparuisset, exautorasse se videretur; & Lentuli Auguris consultis, pro stupro erat pœna, ait Tertullianus c. illo 4. libri de pallio.

Quod addebat S. Isidorus, *Mauortem* ad stolam & fœminea Capitis operimenta pertinere, firmatur ex Servio ad 1. Æneid. ubi ait; [Ricinius dicitur, ab eo quod post tergum reijcitur, quod vulgo *Mauorte* dicitur.] Similiter Nonius. [Ricinium, quod nunc *Mafortium* dicitur.] Suidas cum *oridemnone* idem esse ait. Passio Pauli, ex Lino, & Beda in Martyrol. 20. Septembris Faustam & Plautillam Mauorte opertas Capita, referunt. Et idem ipsum fuit tegmen Capitis S. Soteris, quæ palmis cœdi iussa; [ubi audiuit hanc vocem, vultum aperuit; soli invelata atque intacta Martyrio;] ut de ea loquitur S. Ambrosius sub finem exhortationis ad Virg & lib. 3. de Virg. attingens martyrium, huius *pie* (ut vocat) *parentis*, ac *auctoris generis sui*. Quomodo ergo Virginis, ut habent tabulæ Ecclesiasticæ 10. Februar? Erat itaque *Mauors* huiusmodi, aut *Maphorium*, ut ex Glossis Arabicis Latinis habet Meursius, & Suidas ac Phauorinus; vel *Mafors* V. Litera pro *digamma* F. & vicissim de more vsurpata: Erat inquam *Mauors*, tegmen, sed latius & potentius, quàm ut Caput solum



solum contegeret. Vnde S. Hieronymus epist. 22. sugillans  
sacras Virgines ineptientes, & luxum secularem absurdè  
vsurpantes, ait præter cætera. [ Et per humeros Hyacin-  
thina lana, mauorte volitans. ] Vbi Marianus, notari  
ait Virginum illarum vanitatem, quæ Mauortem vt ex  
Cassiano l. de habitu Monachi cap. 7. patet, angustum  
alioqui amictum adeò laxum haberent, vt per humeros  
quos tegebat, vna cum eo Hyacinthina læna illi adiun-  
cta velare videretur. Longè etiam ampliorem Mauortem  
exhibent acta Concilij Pictauiensis, in causa Regiarum  
puellarum, & Abbatissæ cœnobij Sanctæ Radegundis,  
Hæc enim à puellis accusabatur, quod ex Mauorte ho-  
loferica, per Didimiam donata Ecclesiæ, ornasset spon-  
sam neptem suam, iis in illam vsurpatis, quæ pallæ alta-  
ris ex tali Mauorte confectæ superfuissent. In statuis,  
eandem Mauortis formam conspici, notat Baronius  
anno 593. num. 80. rectè à matronali Mauorte & præ-  
longa & laxa, angustam monachorum breuemque Ma-  
uortem secernens de qua rursus Cassianus l. 4. c. 13.

Pallia fœminea, quæ item prælonga & laxa erant,  
Caput quoque operiebant. De cuiusmodi pallio, valet  
quod Genes. 24. Rebecca aduentantem Isaacum spon-  
sum audiens, citò pallium suum arripuit, & vultum ope-  
ruit, vt Tertullianus exponit l. de vel. Virg. cap. 11. nec non  
S. Ambros. l. de Isaac c. 2 ac Hieronym. in c. 3. Esaiæ & scitè  
S. Paulinus in Epithal. Iuliani & Iæ, sic canens.

*Pulchra Rebecca sacrum cum Sponsa veniret ad Isaac*

*Simpliciter velo tecta pudoris erat.*

*Non legitur variis venisse ornata lapillis,*

*Sed super obducto prædita palliolo.*

H 2

Quo



60 *De tegmine profano Capitis fœminei.*

*Quo pudibunda suum texit velamine vultum,  
Oblatam sponsi Virgo pauens faciem.*

Esse nuptialem amictum, & vnà cum Capite faciem quoque velasse, ait Nyss. hom. 12. in Cant. *ἡ ἑστῶσα* dixere LXX. quod esse æstium peplum, Pollux docet, ac Suidas, & benè Lippomanus Genes. 38. vers. 14. vbi de theristro quod Thamar ementiens fornicariam, sumpsit. Hebrææ siquidem mulieres, peplum à Capite ad talos ferè demissum, gestare solebant; quo Virgines & faciem quantum per viæ initionem licebat, & corpus totum operiebant; Vxoratæ corpus quoque, dempta facie; Fornicariæ autem habitum Virginum ementiebantur, & se totas peplo contegebant, vt fecit Thamar Gen. 38. Vnde quod Cant. 1. ait Sponsa, *ne fortè vagari incipiam*, iuxta textum primæum, sic habetur. *Cur ero quasi desuper amicta*, id est, *velut meretrix huc illuc oberrans*, quæ est superamicta, & contexta per totum, præferens externa specie Virginem, vt procos faciliùs abducat? Idem LXX. Ezech. 16. voce nouata, huiusmodi theristrum dixere *τρηχάπτερον*, de qua voce pulchrè ibi S. Hieronymus, qui vertere maluit, *indui te subtilibus*: quia hoc peplum valdè tenue erat & subtile, interque ea textilia numerandum, quæ Seneca *nebulam lineam, & ventum textilem* appellauit. Idem Hieronymus ad Lætam, statuit hoc pallium esse pudicitiae signum, & humeros texisse docet in Epistola de suspecto contubernio.

Quid est autem, quod Luitprandus Cremonensis Episcopus suam ad Nicephorum Phocam legationem describens, Imperatorem Græcorum, ait fuisse theristratum? Idem lib. 3. Historiæ cap. 5. ait, Imperatorem  
penè



penè laceratum fuisse, per canes ab Hugone Rege missos, eo quod Græcorum more opertus theristro, veluti monstrum canibus apparuisset? Num Theristrum à viris quoque, Capiti tegendo adhibitum? Idem Luitprandus describens eandem legationem suam ad Nicephorum Phocam, pag. 102. [ Cum pileatus equitarem (inquit.) Méque Curopalates à longè prospiceret, filio celeriter directo, mihi mandauit, fas non esse, quempiam, vbi Imperator esset, pileatum, sed theristratum incedere. Cui; mulieres, inquam, nostræ tiaratae, & theristratae, viri equitant pileati. ] Aliud planè est virile hoc theristrum à fœmineo, quod peplum à tegendis ἐν θέσει, hoc est in æstate & caumate, fœmineis corporibus, est denominatum, vt S. Hieronymus docet Isaia 3. & in Hebraicis Traditionibus, vtroque notans, esse pallium & genus Arabici vestimenti, quo mulieres Arabiæ ac Mesopotamiæ tegebantur. Cum Maphorte, aut ( vt ipse loquitur ) Maphorio, *theristrum* confundit Philo Carpathius in cap. 5. Cant. Apud Suidam, Maphorium est operculum Capiti colligatum κεφαλόδεσμον, vt apud eum, videre est V. κρήδεμνον. Apertius verò Eustathius Iliad ζ. κρήδεμνον ait Capitis esse velamentum ad humeros vsque demissum; quod ne ventorum vi decuteretur, Capiti obligaculo quopiam astringebatur; vnde à Suida κεφαλόδεσμος est appellatum. Hoc igitur breue Capitis operculum, quod non nisi ad humeros demittebatur, viris quoque in vsu erat, vt habetur ex Cassiano *Maphortem* illud denominante l. de hab. Mon. cap. 7. meminitque eiusdem *Maphortis*, cui postea pallij nomen indit Fortunatus l. 2. de vita S. Hilarij. Sed & Tertullianus l. de Pallio c. 14.

H 3      Herculem



62 *De tegmine profano Capitis fœminei.*

Herculem in Theristro fuisse referens, huiusmodi ma-  
phortem signabat.

Calyptram, Delrio Genes. 24. v. 75. agens de pallio  
quo Rebecca se operuit, censet idem esse quod *theristrum*  
& *flammeum nuptiale*. Hadria Iunius, quorumvis fœminei  
Capitis tegminum nomen esse vult, calyptram. Verùm  
propriè calyptra, erat speciale Reginarum tegmen: vt  
propterea Aëtio pictor, apud Lucianum, Alexandri &  
Roxanes nuptias repræsentans in tabula, expresserit  
Alexandrum detrahentem Reginæ calyptram. Plato  
item in Alcibiade 1. meminit agri in Perside cui nomen  
erat *Reginæ calyptra*, quia agri illius prouentus erant at-  
tributi Reginæ in sumptus Calyptræ. Sicut pendi soli-  
tam Reginæ Lusitaniæ, nomine foccorum, certam pen-  
sitationem Acta S. Xauerij produnt. Similia ex Tullio  
Verrina 5. Athenæo ac Diodoro notat Briffonius lib. 1.  
de regno Persar. pag. 100. Leges item Dausquejum ad  
orat. Basilij Seleuc. de Adamo. Videtur Calyptra idem  
esse cum *Regillo*, quod Reginas operuisse & inde nomen  
traxisse ait S. Isidorus l. 19. Orig. c. 25. Inter supellectilem  
Deorum atque Dearum, enumeratam ab Arnobio in  
calce libri sexti, habentur *caliandria*, aut vt alij legunt  
*caliendra*; quæ videntur esse Regilla & Calyptræ Dea-  
rum, vt exposuit Turnebus lib. 23. aduers. cap. 27. dicens  
idem esse quod *recina*, vtique restricta ad Reginas, cu-  
iusmodi censebantur Deæ omnes. Rursusque l. 7. cap. 20.  
*caliandria* Arnobij arbitratur esse ea Capitis operimenta  
quæ Græci *ἡλυντρεα* vocant: quo allegat illud ex 1.  
Serm. Flacci Satyr. 8. — altum Saganæ *Caliandrum*, vbi  
non omnes Interpretes veram illius vocis notionem ex-  
presserunt



preſſerunt. Lambinus enim & alij quidam, Gualtero non improbane, exponunt comam aſcitiſſimam. Sed quod dixi, verius videtur. Meminit item *Caliendri* tanquam fœminei pep̃li, Tertullianus cap. 4. de pallio, expoſtulanſ, ſui æui fœminas eieraſſe omnia quibus oberrare facile, & videre ac videri prohiberentur; & inter cœtera, *Caliendrum* prætermiſiſſe commemorat.

---

SECTION VII.

*Sigillatim de tegmine Capitis mulierum Deo deuotarum, & ſacrarum Virginum.*

**V**T in cœteris omnibus præluce exemplo par erat ſeculi mulieribus atque Virginibus, mancipatas Diuino obſequio fœminas, ſiue viduas, ſiue quas Tertullianus l. de vel. Virg. c. 3. nominat *Virgines Dei*; ita hac quoque in parte, ſtudioſè præluxerunt, cum ſedulò velantes Capita, tum adhibentes tegumentum quod modeltiam & humilitatem inſinuarer. Nec obelt quod aliquando legimus, Virginem ſacro velamine operiendam non eſſe, ante annum ætatis quadrageſimum. Sic enim edicitur in Concilio Agathenſi cap. 19. & in Concilio Cæſarauguſtano c. 8. firmatū que in Majoriani Imperatoris Nouella. Imo apud S. Gregorium l. 3. epiſt. 11. dicitur, non niſi ſexagenariam, eſſe velandam. Hoc inquam non abelt antedictis. Quamuis enim velamen ſacrum quod certo ritu ab Antilitate conſecratur, alicubi non imponebatur ei quæ longi illius temporis in Conciliis prædictis præſcripti virginitatem non probaſſet; tamen cum multo



64 *De tegmine Cap. sacr. virg. sigillatim.*

multo antè virginitatem profiterentur, hoc est anno ætatis 16. vel 17. (vt habetur ex S. Basilio Epist. 1. ad Amphilocho. cap. 18. vel anno 25. vt est in Concilio Carthaginenfi III.) nemo non videt velamine vfas; id quod S. Ambrosius infinities testatur, sed expressissimè l. 3. de Virgin. At S. Gregorius non agebat de velo consecrationis, sed de velo prælationis. Vetat enim eligi Abbatissam ante eam ætatem. Et verisimile est irrepsisse mendum; ac vbi legitur *velari permittat*, legendum esse *creari permittat*, vt benè coniecit vir doctissimus Petrus Monodus in Hierologio V. *velum prælationis*. Omitto paucas quas occulta flamma concupiscentiæ, in ipsa sacra vita vastabat, quas pœnitebat professionis, & pigebat confessionis; (verba sunt D. Augustini l. de Sancta Virginit. cap. 34.) addens de aliis: [ in quibus est quidem placendi appetitus, aut de elegantiore vestitu quàm tantæ professionis necessitas postulat, aut Capitis ligamento notabili, siue pro tumidis vmbonibus capillorum, siue regminibus ita teneris vtuntur, vt retiola subtùs posita appareant. ] Has liquet non fuisse de Capite obtegendo sollicitas; sed quæ initæ professionis memores erant, magno studio, ea quoque in parte seruiebant modestiæ, & humilitati decenti sacram Virginem.

Habemus studij prædicti insignia exempla in Actis Sanctorum. Ac primùm Sancta Matrona, cùm deserto ex reuelatione marito, inter viros specie Eunuchi, professæ esset vitam Monasticam, deprehensa ex diuino viso à Bassiano Abbate, audiuit increpantem; [ Quomodo cùm sis mulier, ad Diuina Sacramenta accessisti nudo Capite, & in pacis salutatione os tuum securè exhibuisti fratribus? ]



fratribus? ] Illa verò ait Metaphrastes sanctæ mulieris  
exercitationem describens 8. Nou. [ Quod ad diuina  
quidem dona attinet ( inquit ) simulans imbecillitatem,  
non omnino auferens tegmen quod erat in Capite, ita  
ad Sacramentorum accedebam communionem: Chari-  
tatis autem apud fratres signum, nunquam recusabam.  
Neque enim hominum vultibus, sed hominibus Ange-  
licam imitantibus imparitilitatem, meipsam offerre  
existimabam. ] Admisit exultationem Bassianus, sed ita  
vt adderet, [ de cætero ô filia, oportet te vittam tuo Ca-  
piti imponere, propter legem naturæ. ] Non existimabat  
pius Abbas, fas sibi esse dispensationem interponere in  
ea lege quæ mulierem, etiamsi Deo addictam, iubet  
Caput contegere. Acta Sanctæ Melaniæ iunioris, quæ  
à marito Apeniano ex consensu diuulsa, Deo se manci-  
parat, aliud studij prædicti exemplum luculentum conti-  
nent, vt iam supra retuli. Contra legem namque vigen-  
tem apud Romanos, vt nullus vir, nec mulier ad Impe-  
ratricem operto Capite accederet. Melania legem nihil  
curans, velata accessit non tyrannorum mores, sed  
Pauli legem maximè dicens oportere conseruare; qui  
non finit mulieres nudo Capite incedere. Sic ibi de ac-  
cessu S. Melaniæ ad Verinam Imperatricem. Describens  
item res gestas S. Rictrudis Hugbaldus Elnonensis. refert  
eam perempto Adabaldo Coniuge, cum à Dagoberto  
Rege ad alias nuptias destinaretur, super conuiuium cui  
Rex accumbebat, velum è sinu promptum, suo Capiti  
imposuisse, signum addicti Deo obsequij, & alieni à  
mortalibus nuptiis animi. [ Vt verò ( addit Hugbaldus )  
quod in interiori gerebatur homine, id etiam exterior

I

præ



præ se ferret, sicut mentis mutarat habitum, ita mutauit & corporis, &c. Imposuit autem Capiti, tetrum quendam amictum, ut interioris hominis luctum & poenitentiam designaret. ]

Quis hic esset teter Capitis amictus, Rictrudi impositus, æstimare posse videmur, ex operimento Capitis quòd adhibebat inter Tabenniosiras sancta illa Virgo anonyma, cui cognomen fuit *Salem*, id est, *insana*, iuxta Palladium cap. 41. Laus. vel à *Damone vexata*, iuxta Pelagium l. 5. vitæ Patrum libello 18. num. 19. Eam in Parthenone, trecentarum, iuxta Palladium, imò iuxta Pelagium quadringentarum Virginum, vilissimis quibusque coquinæ ministeriis addictam, & verè iuxta Prouerbum *spongiam Monasterij*, omniumque sororum peripsama, Spiritus Sanctus per Pitirum; siue Poyterium Abbatem, cui ab Angelo est antelata, similem fecit in gloria Sanctarum & magnificauit. Monitus enim est Abbas, ut in eo Pathenone quæreretur Virginem ipso religiosiorem; & notam accepit; [ Vnam ex ipsis illic inuenies, habentem in Capite coronam, ipsamque cognosce te esse meliorem. ] Corona illa quæ esset, sic paulo post exponitur à Pelagio. [ Cum ad eum fuisset exhibita, vidissetque panno frontem ipsius inuolutam, proiecit se ad pedes ipsius. ] Palladius distinctius [ Aliarum quidem Virginum erat eiusmodi habitus, ut essent tonsæ & haberent cucullos in Capite. Ipsa verò panno Caput obuoluta, obibat earum omnium ministerium, &c. Ea ergo adducta, vidit magnus, eius faciem, & pannum in Capite & fronte eius, & cadens ad pedes eius dixit ei, Benedic Amma. ] Aiebam operimentum vsuarium quod à S. Rictrude adhibitur



hibitum Capiti referebat Hugbaldus, fuisse huius rationis; fasciam scilicet crassam & vilem, in modum coronæ, inconditè obuoluentem Caput & in frontem vsque demissam, cuiusmodi est plerumque in vilissimis ancillis, & rusticanis mulieribus, tegmen Capitis. Quanquam velum quoque à S. Amando consecratum, quod sibi super conuiuium testem calcati seculi imposuerat, adhibuisse non dubito. Sed ea ancilla Dei, anonyma, pro more cœterarum eius oræ Sanctimonialium tonsa erat, quod de Sancta Rictude non est proditum.

Hoc ipsum seruatum esse in Monasteriis Orientalibus, tradit in hunc modum S. Hieronymus Epist. 48. [Moris in Ægypti & Syriæ monasteriis, vt tam Virgo quam vidua, quæ se Deo voverint, & seculo renunciantes, omnes delicias seculi conculcarint; crinem, monasteriorum matribus offerant desecandum; non intecto postea contra Apostoli voluntatem incessuræ Capite, sed ligato pariter ac velato: Nec hoc quispiam, præter tondentes, nouit, & tonsas: nisi quod, quia ab omnibus fit, penè scitur ab omnibus. Hoc autem duplicem ob causam, de consuetudine versum est in naturam: vel quia lauacrum non adeunt; vel quia oleum nec Capite, nec ore norunt; nec à paruis animalibus quæ inter cutem & crinem gigni solent, & concretis sordibus, opprimantur.] En defectum capillum, nec tamen intectum Caput; sed ligatum pariter & velatum per Sanctas Virgines & Viduas. De vsu illo tondendi sacrarum Virginum Capita per Orientem, est locus illustris in Actis S. Synclericæ, conscriptis per S. Athanasium cap. 2. Postquam enim narrauit, eam parentibus defunctis accepta

I 2            secum



fecum sorore cœca, distribuisse omnia sua in pauperes, subdit [ Accersito sene quodam prouectæ ætatis, curauit præcidi comam Capitis sui. Tunc enim primùm dicitur abieciſſe omnem κόσμον, hoc est mundum & compturam. Nam in vsu erat apud mulieres, vt comam vocarent κόσμον, & cum comam poneret, dicebantur posuisse mundum & compturam. Erat autem præcisio ista comæ, symbolum iam animum purum esse, & expurgatum ab omnibus superfluitatibus & excrementis: Et tunc primùm dignata est, vt solemnî nomine vocaretur Virgo.] Fortassis, quia coma muliebris, est nota potestatis viri in mulierem, iuxta Apostolum; vt significaretur, per additionem puellæ ad Dei obsequium, excussum ab ea esse iugum virilis potestatis, idcirco attondebatur. Sed sunt præterea mysticæ causæ complures, de quibus Hipparchus non indiligenter. §. 5. à num. 9. De vario varijs in locis vsu tondendi aut non tondendi Moniales, latè Bened. Haëstrenus lib. 5. disquis. Monastic. tract. 9. disp. 6. Neque verò eum vsu sacra virginum Capita attondendi, absolutè reprehendit S. Hieronymus, cum epist. 22. ait [ Sunt nonnullæ exterminantes facies suas, vt appareant hominibus ieiunantes; quæ statim vt aliquem viderint, ingemiscunt, demittunt supercilium, & operta facie, vix vnum oculum liberant ad videndum: vestis pulla, cingulum facceum, & sordidis manibus, pedibusque venter solus, quia videri non potest, æstuat cibo. His quotidie psalmus ille canitur; *Dominus dissipauit ossa hominum sibi placentium*: Aliæ virili habitu, veste mutata erubescunt esse quod natæ sunt; crinem amputant, & impudenter erigunt facies Eunuchinas. Sunt quæ ciliciis vestiuntur,



*De tegmine Capitis sacr. Virg. sigillatim.* 89

vestiuntur, & cucullis fabrefactis, vt ad infantiam redeant, imitantur noctuas & bubones.]

Non reprehendit ( vt dicebam ) in his Virginibus & deuotis mulieribus S. Hieronymus, crinem amputatum & opertam faciem, vix vno oculo ad videndum liberato; quæ ipsa in aliis probauerat. Reprehendit ergo duntaxat, vanitatem ex qua, ista fiebant ab aliquibus, præsertimque refectionem capilli fœminei, vt mares viderentur, veste etiam muliebri in masculinam commutata, sanè illaudabiliter. Aliquando quidem ex peculiari inspiratione Spiritus Sancti cui nulla lex est posita, Sanctæ mulieres, viros habitu sunt ementitæ vt Eugenia quæ *Eugenius* dicta est; Euphrosina quæ *Smaragdus*, Pelagia quæ *Pelagius*. De Antonina, Theodora Alexandrina, Athanasia, Susanna, Marina, Anastasia patricia, Anna Matrona, Apollinari, Glaphyra, Iachelina, Hildegunde, Raderus in Virid. p. 1. 4. & 20. Septemb. Hallucinatus tamen quoad Annam Matronam quæ dicta est *Euphemianus*, vt est in Menæis 29. Octobris. Ipse verò Euphemianam quandam excogitat, quæ dicta sit Euphemianus, ab Anna Matrona diuersam. Suppetunt item aliarum multarum exempla; Anonymæ apud Sophronium in Prato c. 170. & Papulæ apud Gregorium Turonensem de glor. Confess. cap. 16. Videndus Baronius anno 316. & anno 527. Honestauit hunc agendi modum peculiaris afflatus Spiritus Sancti, cæteroqui enim prostat diuinum edictum ne fœmina virili schemate amiciatur, nec vir fœmineo, prospiciente Deo ne viri effœminentur, & mulieres sint plus æquo viriles, vt disserit Philo l. de fortitudine. Itaque meritò arguebantur à D. Hieronymo,

I 3 quæ



quæ talia præstabant, præsertim ad vanitatem aucupandam.

Tectum igitur atque ligatum erat sacrarum Virginum & viduarum Caput, nonnullo tamen discrimine, & inter ipsas, & inter seculi mulieres. Nam viduæ non velabantur eo velamine ritibus specialibus consecrato; quod erat Virginum proprium; iuxta illud Gelasij Epist. ad Lucaniæ Episcopos, postquam edixerat seruanda in velandis Virginibus. [Viduas autem velare, Pontificum nullus attentet, quod nec auctoritas diuina delegat, nec canonum forma præstituit. Non est ergo penitus vsurpandum; eisque sic Ecclesiastica sunt ferenda præsidia, vt nihil committatur illicitum.] Donauit quidem velamine consecrato S. Rictrudem Viduam B. Amandus, vt supra ex Actis eius retuli; sed id de simplici quapiam benedictione veli, accipiendum est, longè alia ab ea, qua vela sacrarum Virginum consecrabantur. Nisi à S. Amando bona fide factum est; ex ea abusione quam Gelasius improbauit, nondum tunc extirpata inter suos. Passim velum viduis impositum, vocabatur *velum conuersionis*, nisi si aliquando latè accepta voce, consecrari dicebantur viduæ quoque, quatenus Deo se addicebant. Qua ratione in Concilio Aurelian. cap. 3 (quod refertur 27. q. 1. can. 16.) Sic edicitur. [Viduas quæ spontanea voluntate, ab altari conuersionis sacræ velamen suscipiunt, decreuit S. Synodus, in eodem proposito permanere. Non enim fas decernimus, postquam se Domino semel sub velo consecrauerint, iterum eis concedi; Spiritui Sancto mentiri.] Latè accepta voce, (vt præmissi,) dicitur vidua consecrare se Deo sub velo, & sacræ conuersionis



fionis velamen suscipere, quamuis abesset consecratio  
solemnis, adhiberi solita in velatione & vera consecra-  
tione Virginum. Et idcirco Gelasius scribens ad Episco-  
pos Lucaniæ c.23. disertè ait, viduas sub nulla benedi-  
ctione velari. In Concilio Nicæno can. 19. ex Arabicis,  
benedictio viduæ præ benedictione Virginis, dicitur  
*benedictio Laica*, quod est additum valdè diminuens, &  
penè sonans profanam & non sacram benedictionem.  
Et in Concilio Triburiensi cap. 25. dicitur; [ Vidua si  
sponte, velum conuersionis, quamuis non sacrum, sibi  
imposuerit, & in Ecclesia inter velatas, oblationem  
Deo obtulerit, velit, nolit, Sanctimonix habitum vltè-  
riùs debet habere: licet Sacramento formare velit, eo  
tenore velamen sibi imposuisse, vt deponere possit.]  
Aliqui codices mendosè legunt, *velum conuersionis*. Nam  
quamuis apud S. Gregorium l.7. epist. 18. conuersatio su-  
matur pro vita religiosa, tamen vt plurimum ea vox  
non nisi addito adiuncto quopiam, *Sancta* videlicet, aut  
*sacra*, eam habet notionem. *Conuersio* autem vt patet ex  
toto titulo de conuers. coniugator. absolutè & simplici-  
ter tribuitur iis qui soluto per viduitatem, aut vltro dis-  
sociato quoad conuictum coniugio, renunciant seculo.  
Eiusmodi itaque erat velum viduarum Deo se addicen-  
tium. Vide sis Suarem tract. 9. de relig. c.11.

At Velum Virginum sacrarum, illud erat quod Ter-  
tullianus l. de vel. Virg. c.10. *Honorigeram notam Virginitatis*,  
appellauit: *qua Virgines suspiciantur & circumspiciantur, &  
magnificentur à fratribus*. Et cap. 16. vocat *armaturam pudor-  
is, vallum verecundie, murum sexui femineo structum, qui  
nec Virginis emittat oculos, nec admittat alienos*. A D. Ambro-  
sio



sio in confutatione relationis Symmachi pugnantis pro præmiis Vestalium Ethnicarum, vocatur *ignobile velamen*, *usu nobile castitatis*. Opponit enim velum Sacrarum Virginum Christianorum, vittis quas Capita Vestalium Ethnicarum decorasse testatur. Id quod etiam Prudentius lib. 2. contra Symmachum attigit, cum dixit de Vestali.

— Sedet illa verendis

Vittarum insignis phaleris.

Idemque describens Vestalium capillum in spiras quasdam plexum & diuisum, tum vittis illigatum, ait;

*Perfundunt quia colla comis bene, vel quia cingunt*

*Tempora teniolis & licia crinibus addunt.*

Præ illa ergo Vestalium, diaboli Virginum, vanitate in Capite ornando, velum Christianarum Virginum Deo dicatarum, dicitur à S. Ambrosio *ignobile velamen*, quia constabat crassa & vili materia, & personæ seculum calcanti, & fastui ac pompis secularibus abrenunciante deseruiebat; dignitate tamen & significatione mystica erat nobilissimum, & nota sublimissimi in Virgine gradus.

Hoc ut intelligatur, recolendum est, velum hoc consecratum impositum esse sacris Virginibus ad imitationem quandam veli quo Virgines seculi obnubebantur cum viris tradebantur, vnde *nubendi* & *nuptiarum* vocabulum, ut supra notavi ex S. Ambrosio l. 1. de Abrah. c. 9. Obseruatque Varro l. 4. de lingua Lat. & Arnobius lib. 3. mare dici *Neptunum*, quia terras *obnubit*, id est operit, ut nubes cælum, voce deriuata à *nuptu*, id est, *opertione*; à quo *nuptu* dictæ *nuptiæ*, quia quæ viro tradebatur, velamine



velamine obtegebatur Caper. l. de Orthogr. [ Vir ducit, mulier nubit, quia pallio obnubit Caput suum genasque. ] [ etiam apud Ethnicos, ( ait Tertull. l. de vel. Virg. cap. 11. ) velatae ad virum ducuntur. Si autem ad desponsationem velantur, quia & corpore & spiritu, masculo mixtae sunt, per osculum & dexteram, per quae primum resignarunt pudorem spiritu, per commune conscientiae pignus quo totam condixerunt confusionem; quanto magis tempus illas velabit; sine quo sponsari non possunt, & quo urgente, sine sponsalibus Virgines desinunt esse? ] Itaque Virgo seculi nubens, tegebat Caput, siue obnubebatur, indeque *nupta* dicebatur, ut supra contra aliam vocis illius notationem à Festo adductam, dixi.

Per proportionem ergo ad hoc velamen carne nubentium, Virgo sacra velamen accipiebat, quia spiritualiter Christo nubebat, ut loquitur S. Innocentius I. Epist. 2. ad Victricium Rhotomag. cap. 12. Idque est quod S. Hieronymus epist. 27. intendebat, cans, *Socrum Dei*, Matrem Virginis Deo consecratae. Risit quidem hoc Ruffinus, inuehens in S. Hieronymum. Sed huius auctoritas in Dei Ecclesia est longè potior, & idcirco illi inhæremus. Verum est, primariam Christi viri sponsam, esse Ecclesiam, è qua progignitur Christo noua soboles, ut Apostolus sæpè tradit, & declarat latè Theophilus in Tractatione de Cereò Agno. Tamen ad Virgines quoque sacras, ut Ecclesiae partem lectissimam, eadem denominatio extenditur. Sunt enim ipsae quoque, absque macula & ruga, ac dignae Christi consortio, quia Ecclesiae & Christi coniunctionem purissimam congruè repraesentant. Vnde quia in iis quae sunt

K. vitiatae,



vitiata, deest mystica illa significatio, etiam si vitiata  
 essent ante Baptismum, ex D. Augustino l. de bono  
 coniug. c.18. velari & consecrari non possunt Valétque id  
 etiam quando vitiatio, sine culpa, & renitente puella  
 interuenisset, ex S. Leone Epist. 87. c. 5. Et verum quidem  
 est ex doctrina S. Augustini l. Ciuit. c.18. quamuis renilus  
 ille possit ad renitendam formaliter virginitatem & ius  
 ad aureolam sufficere; tamen eiusmodi puella defectu  
 significationis proposita, consecrari non potest. Sicut  
 neque Catechumenus bigamus, admitti potest ad ordi-  
 nes, ob exclusionem significationis prædictæ per biga-  
 miam. Esto, in foro Ecclesiæ, valeat quod Rupertus af-  
 firmat l. de læsione Virginit. cap.16. corruptam occultè,  
 posse velari & consecrari. Virgines autem, & materialiter  
 & formaliter, hoc est vitij cum Virginitate materia-  
 liter sumpta pugnantis expertes, quia aptè Christi cum  
 primaria sponsa sua nitentissimam conjunctionem re-  
 præsentant, meritorè censentur sponsæ Christi. Quid in  
 hanc clariùs, quàm quod spirituale hoc nubendi genus  
 esse, ait Optatus lib. 6. & ideo acriter expostulat, quod  
 Donastitæ, soluerent crinem ancillarum Dei, quasi eas  
 iam Christo nuptas vellent sponso non demortuo qui  
 in æternum viuit & viuet, nubere iteratò. Sed præclare  
 præter ceteros, has nuptias spirituales expressit Auctor  
 libri ad Virginem lapsam (siue Ambrosius, siue quispiam  
 alius) cap. 5. [Non es (inquit) memorata diei sanctæ  
 Dominicæ resurrectionis. in quo diuino altari te obtulisti  
 velandam. In tanto itaque solemnī conuentu Ecclesiæ  
 Dei, inter lumina illa, splendida, inter candidatos Regni  
 cœlestis, quasi Regina Regi nuptura processeras. Non es  
 memorata,



memorata, qualis allocutio facta est illa die ad te: Aspice filia, & intueri, & obliuiscere populum tuum, quia ipse est Dominus Deus tuus. Aspice ergo quantus ad sponsi tui, & Domini nuptias conuenerit populus. Seruare te oportuit fidem, quam sub tantis testibus pollicita es, semper cogitare cui virginitatem spoponderis. Facilius te oportuit sanguinem cum spiritu fundere, quam perdere castitatem tuam. His tunc in illo die consecrationis tuæ dictis, & multis supra castitatem tuam præconis, sacro velamine tecta es, ubi omnis populus dotem tuam subscribens, non atramento, sed spiritu, pariter clamauit, *Amen*. Vincor lachrymis, cum hæc recordor, compungor stimulis cum hæc exempla considero. Nam si inter decem testes confectis sponsaliis, nuptiis consummatis, quæuis viro fœmina coniuncta mortali, non sine magno periculo perpetrat adulterium; quid putes fore si inter innumerabiles testes Ecclesiæ, coram Angelis, exercitiibus cœli, facta copula spiritalis, per adulterium soluitur? Nescio an possit ei digna mors, ac poena cogitari. Dicer aliquis; Melius est ergo nubere, quàm vri. Hoc dictum ad non pollicitam pertinet, ad nondum velatam. Cæterum quæ se spopondit Christo, & sanctum velamen accepit, iam nupsit, iam immortalis iuncta est viro. Et iam si voluerit nubere, communi lege coniugij, adulterium perpetrat, ancilla mortis efficitur.] Vocat *sacrum velamen*, quia & conceptis precibus consecrabatur ab Episcopo solo, & ad altare Dei conferebatur: de quo extat apud eundem Ambrosium insignis locus l. i. de Virgin. *in ipso fine*. Et sicut in Ecclesia, non omnes dies sunt Nuptiales, ita neque Virginum consecratio atque velatio.

K 2

Constat,



76 *De tegmine Cap. sacr. virg. sigillatim.*

Constat, diem dierum reginam (vt dicam cum Nazianzeno orat. 19. & 42. Augustino q. 121. ex utroque mixtim, Ephremo serm. de Cruce Domini, Epiphanio orat. de resurr. Dom.) his nuptiis fuisse solemnem, consentaneè ad latum postea à Gelasio decretum episto. ad Episcopos Lucaniæ: qui tamen alios præterea dies his Virginum cum Christo nuptiis addicit, his verbis. [Deuotis quoque Deo Virginibus, nisi aut in Epiphaniarum die, aut in albis Paschalibus, aut in Apostolorum natalitiis, sacrum minimè velamen imponant, nisi forsitan (vt de Baptismo dictum est,) graui languore correptis, ne sine hoc munere de seculo exeant, implorantibus non negetur.] Collati die Paschatis, velaminis meminit S. Ambrosi. ad Virg. laps. c. 5. & in exhort. ad Virg. Quanquam Liberius Papa, S. Marcellinam ipsius S. Ambrosij germanam, in Saluatoris natali, velo sacro contexit; vt scribit ipse S. Ambrosius initio libri tertij de Virgin. Et maximè accommodatum censer fuisse talibus nuptiis eum diem, quo Virgo posteritatem acquisiuit. Et *bonas* eiusmodi *nuptias* appellasse in sua allocutione Liberium, ibidem testatur S. Ambrosius. Postea Alex. III. dominicæ cuius diei, velaminis impositionem addixit, de tempor. ordin. lib. 1. tit. 11. c. 1.

Tandem solemnitatem hanc habitam esse Nuptialem (vt præmissi,) monstrat Augustinus Epist. 179. gratulans Probæ Demetriadis auæ, & Iulianæ matri, nobilissimæ illius Virginis consecrationem, ait id esse *cæleste consortium*, idest, coniugium, (vt mox subdit,) quod non habet finem. Et in calce Epistolæ, missum ad se velationis apophoretum, testatur. Vnde licet æstimare, summam



summam solemnitatem qua hæ sacræ nuptiæ peragebantur, cum in eis darentur apophoreta, vt assolet in magnificentissimis nuptiis. Nomen ipsum *veli sacri*, confirmat quod dico. Dicebatur enim [flammeum Virginale, ad imprecationem Pontificis Sanctum operiens Caput;] vt est apud S. Hieronymum Epist. 8. *Christi flammeum consecrans puellam* vocat Epist. 48. At hæc vox, vt apud Nonium videre est c. 14. est vox Matronalis, & ad coniugio illigatas pertinet. Et idem de *Mitella* vel *mitrella* dici potest, vt ex Apuleio 7. Miles. habetur. Et tamen eo nomine, Afri Christiani donabant operimentum Capitis sacrarum Virginum, ex lana auro ac purpura contextum, vt est apud Oportum lib. 6. vbi flebiliter expostulat, Virgines sacras spoliatas mitrellis ab Episcopo impositis, cineribus asperfas Capita, & salsa aqua perfusas, vt exuerent primam consecrationem; & ritu Donatistarum de nouo consecrarentur, vel potius profanarentur, soluentes iteratò crinem; idest repetentes ritum illum qui in nuptiis crinium solutione adhibebatur. Veteres enim cœlibari hasta quæ in corpore gladiatoris abiecti occisique steterisset, nubentis Caput comebant, iuxta illud ex 2. Pastor.

*Nec tibi quæ cupida matura videbere matri,*

*Comat Virgineas hasta recurua comas.*

Aberrant, qui *hastam recuruam* interpretantur calamistum; Quid enim calamistro & hastæ? Agit igitur de hasta cœlibari, sacra Iunoni Nuptiarum præsidi, quæ de nomine Sabino *hastæ*, dicebatur Iunonis Curetis nomine. Videsis Philippum Beroaldum initio Annotationum, qui alia in eam rem ex Felto & Plutarchi proble-



78 *De tegmine Capitis sacrarum, Virg. sigil.*

matris adducit. Sensus ergo Nasonis est, mense Febuario, quem eo libro describit, supersedendum fuisse nuptiis, & hastæ cœlibaris admotione, ad discriminandam nubentium comam, eo quod nuptiæ eo mense (quippe parentalibus addicto,) futuræ essent ominosæ & inauspicatæ. Eiusmodi ritum cœlibaris hastæ, suo tempore desueuisse, Arnobius l. 2. sublatis ritus enumerans, ita monstrat. [Cum in matrimonia conuenitis, toga sternitis lectulos, & maritorum genios aduocatis, nubentium crinem cœlibari hasta mulcetis?] Quasi dicat, non sanè quoad hastæ gladiatoris admotionem. Nam solutio crinium nouæ nuptæ, retenta videtur, etiam post Arnobium; & inde fortassis manauit ut Virgines nondum Viris addictæ, dicerentur *esse in capillo*, quod multis testimoniis confirmat Hotomanus in Dictionario Feudali V. *In capillo*. Ex tali ergo usu soluendi nouarum nuptarum crines, impij Donatistæ, Virginum sacrarum pridem Christo iunctarum crinem soluerunt, quasi tunc primùm nubere Christo, sponso immortalis; cuius connubium (quantum ex ipso est,) nunquam soluitur. Concinne ergo Afri Christiani, regumentum Capitis matronarum coniugio illigatarum, accommodabant Christi sponsis, tanquam ei sancto fœdere copulatis; nisi quod cum mitra matronarum esset amplior, Virginum verò sacrarum angustior, illa simpliciter *mitra* dicebatur, hæc *mitrela* vocabatur; siue *mitella* eliso r: quo pacto ea vox legitur apud Tullium orat. pro Rabirio, & apud Apuleium l. 6. Miles. *Mitrulam* dixit Solinus c. 30. agens de basiliscò. Aurum huic mitræ Virginum intexebatur. Sic enim accipio quod Optatus lib. 6. hæc signa professæ voluntatis describens, vocat *mitrellas aureas*,



*aureas*, quas à Donatistis projectas queritur, ut alias imponerent. Nihil quippè est necesse, arbitrari, hæc Capitis sacrarum Virginum ornamenta, apud Afros fuisse ex puro auro, vel etiam ex Circello auri solidi integrata esse, qualem in Romani Pontificis Callisti II. phrygio expressit Sugerius Abbas in vita Ludouici Crassi. Aliena esset hæc structura à Virginum sacrarum statu, ut per se liquet. *Aurea ergo mitrella* dicitur, quæ ex aureis aliquot filamentis intexta erat, cuiusmodi haud ita pridem erat tegmen Capitis Matronarum nostratum. Purpura verò tangebantur hæc Sacrarum Virginum mitellæ, ut Optatus docet, ad significandam transcriptionem earum in domum Regis æterni: id quod significasse clauum purpureum vestibus Monachorum assutum, docet S. Dorotheus doct. 1. Nisi malis eam purpuram referre ad sacrarum Virginum perpetuum Martyrium: quo etiam in Monachis referri potuit illud assumentum purpureum. In quam rem plenè actum est in Tractatione de Martyrio per pestem p. 1. quoad martyrium Virginitatis c. 4. quoad Martyrium verò Religiosæ vitæ c. 3. Quanquam autem hæc sacrarum Virginum calyptra, ut plurimum *mitella*, vel *mitrella* dicebatur, ut præmonui; quæ verò matronarum Capita tegebat, simpliciter nominabatur *mitra*; tamen aliquando *mitra* nomen, pro Virginibus erat in usu, iuxta illud Optati l. 2. de Felice Donatistarum Episcopo agentis. [Compressam ab eo puellam cui mitram ipse imposuerat; à qua paulo ante *Pater* vocabatur, nefariè incestare minimè dubitauit.]

Quandoquidè igitur velamen consecratum, erat flammæam nuptiale Christo nubenti, meritò affirmabam, summam esse



esse huius velaminis nobilitatē, nec à D. Ambrosio dictum esse *ignobile*, nisi ratione materiæ. S. Augustinus, velationē Demetriadis nobilissimæ Virginis ex Anicia familia celebrans ep. 179. decus ab huiusmodi velo, præfert dignitatī Consulari, quæ apex erat & vertex dignitatū seculi: & gloriosius esse decernit illi familiæ, Virgines Christi fœminas habere, quàm Viros Consules, mundum. Concludit verò. [Magis itaque gaudeat puella nobilis genere, nobilior sanctitate, quod sit per diuinum consortium præcipuam in cœlis consecutura sublimitatem, quàm si esset per humanum connubium, prolem propagatura sublimem.] Quanquam quia apud Deum, nulla dignitas æquè honestat, atque gratia interior virtutes habens comites, iure S. Ambrosius in Instit. Virginis c. 17. antepōnit velamini adeò nobili & augusto, velamina virtutum, sic commendans Deo sacram Virginem quam tunc consecrauerat. [Non solitaria dos pudoris est. Succingat sacræ Virginis crinem, modestia, sobrietas, continentia, vt virtutum accincta comitatu, purpureo Domini sanguinis redimita velamine, mortificationem Domini IESU in sua carne circumferat. Hæc sunt enim meliora velamina, quæ sunt indumenta virtutum, quibus culpa obtegitur, innocentia reuelatur.] Hoc dixit S. Ambrosius eodem loquendi modo, quo S. Augustinus, maternitatem B. Virginis quæ eminentissima est dignitas, postponit Sanctimoniam qua Christum corde concepit.

Vt hic velaminis Virginei puellam Christo planè addicentis nexus cum Christo esset expressior, ea externa specie eius efformationem præferibebat Petrus Abelardus, quæ ad id esset accommodata. Sic enim Sanciebat  
epist. 8.



epist. 8. [Vela sponsarum Christi, non de serico, sed de tincto aliquo lino panno fiant. Duo autem velorum genera esse volumus; ut alia sint scilicet Virginum iam ab ipso (sponso Christo) consecratarum, alia verò minime. Quæ verò pudicarum sunt Virginum, Crucis sibi signum habeant impressum: quo scilicet ipsæ integritate quoque corporis, ad Christum maximè pertinere monstrentur: Et sicut in consecratione distant à cæteris, ita & hoc habitus signo distinguantur: quo & quique fidelium territi, magis abhorreant in concupiscentiam earum exardescere. Hoc autem signum virginalis munditiæ, in summitate Capitis, candidis expressum filis virgo gestabit. Et hoc nullatenus antequàm ab Episcopo consecretur, gestare præsumat. Nulla autem alia vela, hoc signo insignita sint.]

## SECTIO VIII.

### *Integumenta Profana Virilis Capitis in usu communi, apud varios varia.*

**P**ROFANA & Sacra fœminei Capitis tegmina, prosecuti hactenus sumus. Nunc ad virorum integumenta progredimur, initio facto à tegminibus profanis vsuariis; dicturi consequenter de tegminibus sacrorum hominum. Inter profana tamen, secernemus tegmina Capitis quæ in usu communi vsurpabantur, ab iis quæ potestatum sublimiorum propria erant, apud Romanos, Græcos, & Barbaros.

Ac primùm quod ad tegmina capitis Romanorum in

L

com



82 *De tegmine Capitis profano virorum.*

communi vſu attinet, reſcolendum eſt quod ſect. 2. præmiſimus, Romanos paſſim Capitibus nudatis inceſſiſſe, extra Sacra, ludos, Saturnalia, Peregrinationem, Militiam, grandis Luctus expreſſionem, ac nominatim Damnationem; ac cum Sol aut imber aliúdue ſimile incommodum vrgeret. Tunc enim Capita tegebant, vt Lipſius l. de Amphit. c. 19. & 20. eruditè monſtrat. Tegebant autem vel togæ parte, vel palliolo, vel pileolo, aut galero, ac poſterioribus etiam temporibus, linteolo. Quod de toga dixi, diligenter exponitur ab Octauio Ferrario l. 1. de re veſtiaria c. 10. & 11. Monſtrat enim exeri ſolitum è toga brachium, & ſummam togæ oram à dextro humero defluxiſſe. Eandem tamen togæ partem deiectam cum res ferebat, facile fuiſſe reuocatam; ita vt Caput tegeret, aut inuolueret. Rectè ſummam togæ oram inſeruiſſe tegendo Capiti tradit; contra quàm Lipſius, qui imam togæ laciniam ad velandum Caput tractam cenſuit. At veteres nummi & lapides, planè monſtrant, trahi ſolitam partem togæ ſuperiorem ad ceruicem quæ dextro humero deiiciebatur, & ſiniſtro inſidebat. Idémque habetur ex facto Cæſaris, qui caſurus, Caput vt in magno luctu obuoluit, ſimúlque ſiniſtra manu ad ima crura togam deduxit, honeſtati conſulens, vt narrat Suetonius. Et idem feciſſe Pompeium cum oppreſſus eſt, ſcribunt Dio atque Plutarchus. Non nego, quin aliquando rejecta ſit pars togæ inferior, ad Caput ea inuoluendum. Sic enim Scipio Naſica, togam imam in rugas contractam ac complicatam Capiti impoſuit, vt eſſet ei pro galea in ſubito contra Gracchos incurſu, de quo Plutarchus. Et idem videtur accidiſſe iis qui præ deſperatione, in ſummo

mo



*De tegmine Capitis profano virorum.* 83

mo discrimine Caput inuoluebant reducta toga, aut quibus obtorquebatur collum, vestis circa illud astrictione & inuolutione. Sic ille apud Flaccum l.2. Sat.4.

*Nam malè re gesta; cum vellem mittere operto*

*Me Capite in flumen, dexter stetit.*

Et Liuius l.4 agens de plebe famem non ferente. [Capitibus obuolutis, se in Tiberim præcipitauerunt.] Similiter Tullius. Orat.6. in Verrem. [Quem obtorta gula, de conuiuio, in vincula atque in tenebras abripi iussit.] Et Orat 7. [Ciues Romanos, Capitibus inuolutis ad necem rapiebat.] Idque est quod obtorto collo, & faucibus intortis vel adstrictis, aut ceruice astricta tractos aliquos, legimus apud Plinium l.7. §.44. Iuuenalem Sat.10. Suetonium in Iulio cap.62. Tacitum l.4. annal. & alios. Veste enim ab imo reducta, & supra Caput ac circum collum & fauces intorta, rapiebantur. Et hæc videtur ea multa toga de qua Naso §.Fastor.

*Non pudet, & vultus velamine celat amictos*

*Oraque sunt multa, regia tecta, toga.*

Tegebantur igitur Romanorum Capita per togam, vel summam, vel imam reductam. Facta tamen interdum contextio Capitis, adhibito palliolo. Sic enim Suetonius Claudium ægrum, Caput palliolo texisse scribit, cum ludum gladiatorium memoriæ matris ederet. Tullius item testatur, Pisonem inuoluto Capite prodiisse soleatum; quod de inuolutione Capitis pallio facta necessariò accipitur, cum neminem soleatum, (qualis tunc Piso erat,) simul fuisse rogatum, idem Tullius doceat Philipp.2. & orat. pro Cælio. Disertè Seneca epist.14. de Mæcenate. [Hunc esse qui in tribunali, in rostris, in

L 2 omni



84 *De tegmine Capitis profano virorum.*

omni publico cœtu, sic apparuerit, vt pallio velaret Caput, exclusis vtrunque auribus,] Plautus item in Curcul. [Isti Græci palliati, Capite operto qui ambulant.] Denique Petronius. [Operaueat Ascyltos pallio Caput.] Et: [Coccino pallio adrasum incluſerat Caput.]

Aliàs pileo, aut galero, vel linteo factam obductionem, monstrant varia Autorum loca. Nam pileo vsum Tarquinium, constat ex eius abreptione & in Caput repositione per aquilam, vt est apud Dionysium Halicarn. l. 3. De Nerone sic Suetonius. [Post crepusculum, statim arrepto pileo vel galero, popinas inibat.] In saturnalibus (quippe liberrimæ vitæ diebus,) vsurpatus pileus, nota libertatis. Eoque spectat illud Martialis.

*Permittis puto pileata Roma.*

Item illud eiusdem.

*Dúmque decent nostrum pilea sumpta louem.*

De pileo incantato Sereniani Ducis, affectantis Imperium, Ammianus lib. 14. A nonnullis adhibitus pileus Thessalicus siue petasus, de quo mox. Et ita de Augusto, Suetonius. [Domi non nisi petasatus sub Diuo spatibatur.] In militia vsus erat pileorum ex pellibus quos *Pannonios* vocat Vegetius lib. 1. cap. 20. ex pellibus inquam ouium villosis, vt ex Athenæo lib. 6. habetur. Passim tamen pilei è lana conficiebantur: cuiusmodi plerunque sunt pileoli lecticarij: quali vsum S. Bernardum, eoque in Hispaniam transmissio, edita esse miracula, scribitur lib. 4. vitæ cap. 4. Aliàs pilei, apud Romanos è lacernis cæsis concinnabantur, vt apud nos pilei quadrati: quod ex Papinio & Martiale scribit Pierius l. 40. c. de pileo. Pleniùs in eam rem Magius l. 3. Miscell. c. 7.

Quod



Quod de linteolis tegendo Capiti usurpatis addebam, ad posteriora tempora pertinet, & tanquam molliorem sapiens, sugillatur à S. Hieronymo ad Pammach. verbis illis. [Caput opertum linteo, galeam recusat.] Ad Marcellam quoque, comatos linteatosque iuvenes, improbat. Aliter tamen accipiendum est illud Saluiani lib. 7. de prouid. quod vir eruditus, in hunc quoque sensum allegauit; [Cum muliebrem viri habitum sumerent, &c. & foemineis tegminum illigamentis Capita velarent.] Aio hæc tegmina à Saluiano memorata, non fuisse tegmina linteolorum viris aptata; sed verè fuisse tegmina foeminea, quæ spurci illi, emittentes sexum, assumebant; cum omni detestatione proscissi ibi à Saluiano, & à S. Asterio homil. in festum Calendarum, ac etiam à S. Maximo homilia de iisdem Calendis. Quare tale Capitis tegmen, non est inter virilia Romanis recepta numerandum.

Venio ad virilia Capitis tegmina à Græcis usurpata. Nam Græci tametsi passim nudis erant Capitibus; tamen aliquando ex iisdem causis ex quibus Romani, assumebant pileos. Negat id vniuersè Polydorus lib. 3. de Inuent. rerum cap. 18. Sed rectè affirmat Brodæus lib. 8. Miscell. cap. 17. Sic Vlysses pileatum, plerunque exhibent. Et Hippocratis imago, pileata viscebatur. Castores item soliti pingi cum pileis quia Lacones fuerant, quibus pileatis pugnare mos fuit, ut Festus scribit. Itaque Catullus *pileatos fratres* vocauit eo Scazonte.

*A pileatis, nona fratribus pile.*

Quem verò latent pilei Thessalici, & Macedonici, & Atheniensium crobili? De Thessalicis galeris, arcendo

L 3      Soli



86 *De tegmine Capitis profano virorum.*

Soli accommodatis, multa habet Adrianus Iunius lib. 2. animaduers. cap. 6. Erant enim marginati, ac iidem cum Petafo; quales sunt galeri nostrates: At pilei communes, marginati non erant sed quales pilei nostri dormitorij. Communis Macedonum pileus, erat *Causia*, ex Polluce lib. 10. cap. 36. Quanquam enim erat Regibus *Causia* peculiaris, cui diadema apponebatur, ut ex Plutarcho in Demetrio, & Athenæo lib. 12. liquet, eratque etiam potentioribus Macedonibus certum *Causiæ* genus illustre supra communem omnibus *Causiam*, ut demonstrat in Ecumene Plutarchus; tamen pileus quoque vulgaris Macedonicus, *Causiæ* nomine donatus est: sicut Tiara apud Persas, & popularis, & Regius pileus erat. De huiusmodi *Causia* communi accipiendus est Strabo lib. 15. cum ait risisse Calanum, conspecto Onesicrito, Alexandri ad Indicos Philosophos Legato, ferente *Causiam*. Hoc ipsum esse quod Demosthenes Orat. de legatione malè obita, vocauit *πικίδιον* malè à Budæo transformatum in *comam ascitiatiam*, notauit, Adrianus Iunius lib. 2. animaduers. cap. 6. Vetus Ethymologicum, *Causiam* confundit cum *Camelaucio* de quo postea. *Crobylum* Atheniensibus erat Capitis inuolucrum *Causiæ* & tiaræ simile. Quanquam est *crobyli* apud Tertullianum lib. de vel. Virg. cap. 10. alia notio: sumit enim *crobylos*, pro plexis crinibus; & Atheniensibus tribuens cicadas pro insigni & nota, *Crobylos* sumpsit pro Scrobiculis, seu Scrobulis, & foraminulis aurium, ad inferendas gemmas. In altera verò editione, sumpsit *crobylum*, pro *strobulo*, siue pro nuce pinea ex auro, quod erat Barbarorum gestamen. Verùm bis impegit Rhena-

nus;



nus; cum *crobylus* nusquam tale quid sonet, ut benè aduertit Adrianus Iunius lib. 2. animadu. cap. 1. Apud Thucydidem in 1. & Lucianum in Nauigio, Crobylus sonæ plexum crinium desinentem in acumen; quo etiam pacto sumpsisse videtur *Crobylos*, Terrullianus. At apud S. Asterium homil. in Festum Calend. *Crobylus* pro tegmine Capitis fœminei accipitur, in ea acri castigatione virorum effingentium se in mulieres, & vestitum quoque muliebrem adhibentium, quasi pœniteret illos esse quod erant, ut S. Maximus eandem insaniam castigans dixit homil. de Calendis. Apud Athenienses, *Crobyli* erant pilei ad tegenda virorum Capita quales ante descripsi.

Tiara passim tegebat Persarum Capita, indèque apud omnes conspicui Persæ. Vnde astus Cimonis, qui nauibus aliquot Persicis interceptis, ut est apud Diodorum lib. 11. fefellit & oppressit Persas, nihil sibi metuentes à nauibus quarum vectores tiaris insignes, Persas se esse mentiebantur. Erat porrò tiara quintuplex, ut eruditè prosequitur Paschalius lib. 10. de Coro. Vnus erat omnibus communis; alter procerum; Iudicum tertius; quartus sacrificantium, de quo Valerius Flaccus;

*Subligat extrema patrium ceruice tiaram.*

Quintus ac postremus, majestati Regiæ peculiaris. Hærendo autem in tiara omnibus apud Persas communi, S. Hieron. Daniel. 3. ait, genus fuisse pileoli Persis Chaldæisque commune. A mitra secernebatur, quod tiara in occipitio substringebatur. Vnde illud docti Poëtæ in 8.

---Et



— *Et longæ redimicula mitra,*  
*Maonia mentum mitra, crinémque madentem.*  
*Subnixus, &c.*

Plerisque Barbaris, fuere in usu pilei, sed variè efformati. Parthi ex usu patrio, pileati procedebant. Vnde Parthos *pileatos* dixit Martialis lib. 10. epigr. 22. Et in nummis quos Goltzius exhibet, Romano Imperatori, ob recepta à Parthis signa de Romanis exportata, supplex proponitur Parthia, pileum demissè porrigens. Apud Scythas, soli honorati erant pileati. Videndus Lucianus de Scyth. & Dionys. Traianus, cum de Decabalo. Garamanta pileo usi, ex dimidio ovo struthionis in æquas partes diffisso. Ex vno quippè tali ovo duplex pileus efformabatur absque margine, ut Lucianus in Diapsade tradit. Eaque formâ visitur pileus in nummo Gordiani Imperatoris, ut refert Pierius lib. 40. cap. *de pileo*; addens, se in nonnullis statuis ac nummis, observasse aliqualem sursum versus tantisper inflexum pilei marginem extremum; alibi verò deprehendisse, pileos alia forma effictos; nunc admodum patulis marginibus, nunc caua parte pressos, alios planos, plerunque eadem ex parte acuminatos. Pileus seu potiùs perasus Æthiopum, adeò patet, referente Nicolao Godino lib. 1. de rebus Abassino. cap. 12. ut decem hominibus inumbrandis par esse queat. Pileos Sinarum describit Trigaultius lib. 1. de Sinica expedit. cap. 7. & 8. Moscorum nobilium pileos, sic describit Sigismundus Herbestenius. *[[Vestes habent oblongas, pileos albos apicatos ex lana coacta,*



coacta, qua penulas Barbaricas confectas videmus, solidosque ex officina gestant.]

Tegmen Capitis quod Turcæ Turbantem vocant, satis accedit ad tiaram Persicum popularem; Græci recentiores vocant *Φασάλιον* quasi fasciam complicatam. Greterus ad lib. 2. Codini cap. 5. deriuat vocem *Turbant* à Corybantio Græcorum. Huiusmodi Turbantes, albos gestant Turcæ. At Tartari, (& ipsi quoque Mahumero mancipati,) virides habent; hoc Tartatorum Capitis tegmen sic describit Martinus Martinius in historia de bello Tartarico. [Biretum Capiti æquale, rotundum gerunt, at humile. Hoc pretiosæ pellis fascia per circuitum ambit, ad duorum vel trium digitorum latitudinem: Ea plerunque Castoris vel Zibellinarum est. Hæc pellis, aures, frontem, ac tempora, à frigore defendit. Quantum verò Bireti supra pellis fasciam eminet, tantundem rubra byssus vndique sparsa tegit, vel nigri aut purpurei equorum crines, quos pulcherrimè tingere norunt. Planè res commoda satis, & non inconcinna.] Est igitur ruber Tartatorum pileus (nunc saltem;) olim viridem fuisse produnt; rubrum autem pileum gestant Persæ, qui Mahumeti sub Ali sunt addicti. Nec mirum colore turbantum dissidere, qui implacabiliter dissident occasione superstitionis, aliter à Turcis, à Persis aliter acceptæ, vt fusiùs tradunt Ioan. de Barros decade 2. Asiæ lib. 10. cap. 6. Orosius de rebus Eraman. lib. 10. Sansouinus de reb. Turcicis, Florim. Remondus de Hæreseos naturalibus lib. 1. cap. 4.

Quod hic ruber pileus transferit in notam discriminatoriam Sectæ, ac Imperij, perstringo eius initia per-

M

paucis.



paucis. Ales ergo frater patruelis Mahometis, ac gener, ipsi defuncto succedens, legem socii suis interpretationibus adeò interpolauit, ut planè alia videretur. Itaque Homar, affinis Mahometis, pro legis à Mahomete propositæ integritate, & recepta interpretatione, acriter aduersus Alim certauit; vnde superstitionis in duas sectas discissio, hodièque vigens, manauit. Arabibus Homaris Sectatoribus, Persas Ali addictos, non secus ac exleges, & desertores, ac legis patriæ corruptores auersantibus; nec Persis mitiùs agentibus in Arabes Homari addictos. Cùm autem non exiguo tempore pars Homaris præualuisset, exortus est circa annum Christi 1370. qui se ex Ali prognatum diceret *Sofi*, & acerrimus vindex sectæ ab Ali constitutæ haberi vellet, & reuera esset. Is ergo ut suos ab Homaritis discriminaret, pro lineo albo turbante quo Homaritæ utebantur, in memoriam duodecim filiorum Hocemi Alis filij, turbantem instituit è cuius medio pileolus acuminatus è lana constipata colore rubro confectus & senis vtrique gradibus distinctus, accommodatè ad contractionem vel diffusionem emicaret. Eum pileum, notam sectæ Persicæ Ali inhærentis, Ismaël Sophi potentissimus Rex Persarum, Vsumcassanis ex filia nepos, magno studio, & partim blanditiis ac precibus, partim vi & armis, vsurpari à multis populis curauit, magna Turcarum concitatione; qui aduersarios ob rubros pileolos, exprobraturi defectionem à Mahomete, vocant *Kisulbassi* hoc est *Capita rubra*. Sicut à lana qua constant pileoli illi, sunt qui velint Persarum Regem per excellentiam dictum *Sofi*, quod nomen Arabicè *lanam* sonat, cum Turbantes Turcici sint lintei. An

ex



*De tegmine Capitis profano virorum.* 191

ex veteri usu Regum Ægyptiorum? horum enim iudic o, lanæ vestes profanæ erant, vnde linteis in templis utebantur, & funebres tunicas quibus in sepulchra religione consecrata inferrentur, habebant linteas. Id quod Orpheo & Pythagoræ addicti, seruabant. Causas scrutantur Plutarchus tract. de Iside & Philostratus libro 8. vitæ Apollonij, Apuleius in Apologia, & qui *linigeros* dictos, *linigeræ* item denominatæ Isidis Sacerdotes, enucleant apud Iuvenalem Satyr. 6. & Martialem lib. 12. epigr. 29. Quod si Tertullianus lib. de coro. mil. cap. 8. linteum quo se Christus ad lauandos Discipulorum pedes præcinxit, vocat *propriam Osiridis vestem*, idcirco ita locutus est, quia iidem erant Isidis ac Osiridis Sacerdotes. Sed de his alibi.

---

SECTION IX.

*Tegmina Capitis Mundanorum Fastigiorum.*

VS CEPI agendum de tegminibus. Itaque non huc aduocabo coronas, quæ duntaxat Caput cingunt, non etiam obtegunt. Verum est, coronam Imperatoriam esse supernè opertam, & vt Anastasius Bibliothecarius in Leone III. appellat, *epanoclistam*; id quod etiam de Pontificia còrona est admittendum. Cæterorum verò Regum ac Principum coronæ radiatæ, supernè patent; vel (vt veriùs dicam,) supernè patebant, non ita pridem; quamuis abusione ab vno temerè cœpta, omnes ferè Regiæ coronæ, aliter nunc habeant. In coronarum ergo tractationem à tam multis conscriptam, non est consi-

M. 2. lium



92 *De tegm. Cap. mundanorum fastigiorum.*

lium excurrere, sed in tegminibus principalibus sistam, initio facto à tegminibus Capitis summorum Dynastarum; tum progrediendo ad ea quibus inferiores Magistratus operiebantur.

Imperatores Romani, in bello, & ubi operiri Capita mos erat, Pileis Laconicis contecti Capita, describuntur à Synesio in orat. de regno. De fastu namque & pompa Augustorum sui temporis multa prælocutus, qui Homericam imprecationem, (lapideam scilicet tunicam,) in seipsum trahebant, gemmis ubique & lapillis distincti pavonum instar, interrogat; [ Num melius nunc vobiscum agitur à quo hæ circa Reges ceremoniæ institui cœperunt, latibulisque vos lacertarum in modum continetis; ægrè, si fortè ad Solis splendorem prodeuntium, ne vos homines esse, homines ipsi deprehendant? An potius tunc cum exercitibus præficiabantur homines in propatulo vitam agentes, Sole adusti, reliquòque in victu, sine vlllo artificio simplices: non Dithyrambicum ac Tragicum timorem spirantes, sed Laconicis pileis tecti, quos in statuis pueri spectantes derident; quòsque senior plebs, felices fuisse non putat, immò verò si vobiscum conferantur, planè infelices.] Nec ita multo post, describens, Carinum Imperatorem in fines Parthorum progressum, aduenientibus Parthorum Legatis, detractò pileo, caluum Caput ostentasse ait, minatumni satisfacerent iustis Romanorum postulatis, ferro & igni vastandum perbreui omnem hostilem agrum: Territumque Carini abstinencia & magnis animis Parthorum Regem, qui tiara & Candye ornabatur, cessisse ei, cui ex vilissimis lanis, amictus, pileusque essent.]  
Itaque



Itaque Carini pileus laneus erat.

Imperatores Constantinopolitani, in usu communi utebantur pileo, ut videre est apud Codinum de offic. Constantinopol. cap. 6. num. 18. Eum verò pileum, (ut ibidem additur,) in solemnitatibus, mutabant alio tegmine; puta *crinonia*, vel *tetraphyllo*. Crinoniam à specie lilij nomen invenisse, existimat Gretserus ad eum locum lib. 3. commentar. cap. 1. §. 8. ut & tetraphyllum, censet sic denominatum, à quatuor foliis. Idem Codinus c. 6. n. 36. meminit variorum Imperatorij Capitis tegminum, ac nominatim eius quod dicebatur *Tropæuchia*, à tropæo seu trophæo; & *Justinianei*, quod scilicet Iustinianus assumpsit. Certant de eius tegminis forma Alemannius ad arcanam Procopij historiam, & Gretserus tomo 3. de Cruce lib. 1. cap. 20. & ad Codinum in supplemento pagina 304. & 305. Et fortassis immeritò certant, cum Codinus disertè notet, Iustinianum varia habuisse Capitis tegmina propria: & nunc vnum, nunc aliud gestasse, pro arbitrio. Notanda verò sunt Curopalatis verba in opere de Offic. aulæ Constantinopol. pag. mihi 100. [Quod nunc appellatur *stemma*, id olim nominatum fuit *diadema*. Id autem erat textile aureum, cum lapillis & margaritis, positum ad Imperatoris frontem, & ponè reuinctum, cerebrum versùs: (quamobrem etiam, dicitur *diadema*:) quod ex eo paulatim mutatum, effectum est quale videtur hodie, & nominatur *stemma*. Quod autem nunc vocatur *diadema*, id olim *militaris zona* dicebatur, honorem indicans: qua olim Tyranni Christianos milites primùm priuabant, tum eos tortoribus dedebant.] Aliqua in his Curopalatae verbis, rectè  
M 3            habent,



94 *De tegm. Cap. mundanorum fastigiorum.*

habent, alia depolcunt censuram. Quod enim vocis *diadema* ethymologiam, à circumligatione & nexu repetit, benè habet. Ineptit siquidem Ioannes Andreas, in Clement. *Romani*, de iureiur. deriuans *diadema*, à *δύο* idest *duo*, & *demo*, quia demit principium & finem, sua rotunditate. Dicitur ergo *diadema*, ἀπὸ τῆς διαδήμης quod est *circumligare* ac *cingere*, vt benè censuit Curopalates. At non benè, *diadema* cum militari zona antiqua permiscet. Neque enim omnes, zonæ militaris iure donati, erant *diademati*, vt est notissimum: Cum *diadema* semper fuerit nota supræmæ potestatis Regiæ, vnde Tryphon. 1. Machab. 3. dicitur sibi imposuisse Asiæ *diadema*; Et pro numero Regnorum, multiplicabantur *diademata*, vt videre est apud Herodianum lib. 6. cum de Artabano. Et lib. 1. Machab. cap. 11. vers. 13. dicitur Ptolemæus imposuisse *duo diademata Capiti suo*; *Ægypti, & Asiæ*, Erat ergo *diadema*, manifestum Regni insigne; & idcirco vel in necessitate, imposuisse Capiti *diadema*, erat crimen læsæ maiestatis, & morte luendum; vt contigit illi nautæ, qui desiliens in mare, vt Alexandri *diadema* in aquas prolapsum educeret, cum illius conseruandi gratia suo Capiti inter natandum illud imposuisset; ita præmio luculento ob receptum *diadema* donatus est, vt mox sit Capite minutus. Rem describit Arrianus lib. 7. Multa de *diademate* collegit Alex. Neapol. lib. 1. gen. cap. 28. & Iosephus Stephanus Opusc. de coronat. Rom. Pontificis, ac in cap. 1. libri primi Machab. ad v. 10.

Perfarum tiara Regius, longè differebat à tiaris reliquorum. Erat enim rectus, tantisper à fronte remotior,

&



& quâ frons media est, exacutus ac fastigiatus in mucronem, vt ex Aristophanis auibus colligitur. Nummi à Goltzio exhibiti, Tiaram Persicum Regium, repræsentant figura erecta, & summa sui parte turrata, cum infulis à posteriori parte pendentibus, & bucculis ad labra vsque ex anteriori parte demissis: Cuiusmodi bucculas, in Magorum quoque Tiaris, describit Strabo lib. 15. Diligenter de hoc Tiara, Paschalius lib. 10. de coro: cap. 2. Erectam tiaræ formam, Regibus Persicis fuisse peculiarem, habetur ex Seneca lib. 6. de benef. cap. 31. & ex Trisapherne apud Xenophontem lib. 2. Cyripæd. huiusmodi rectum tiaram, Zonaras in *Basilio Imperatore*, ait vocari *tupham*, ob typhum quem ingenerat. Et meritò sanè expostulabat Dio Prusæus orat. 14. *in fine*, tanto studio Persarum Regem cauissè ne quis alius rectum tiaram assumeret, illicò interficiendus si assumpsisset: [ Vt autem rectum haberet animum, & nemo alius prudentia eum superaret, nunquam illi curæ fuisse. ] Regium hunc tiaram, cumulabat diadema; idest fascia fronti applicita, non corona: vt contra vulgarem persuasionem benè confirmat Alexander Neapolitan. lib. 1. Gen. cap. 28. Apud Persas ergo, eam fasciam cumulasse tiaram, liquet ex Xenophonte lib. 8. Cyripæd. vbi Cyrum describit in publicum prodeuntem, Regio apparatu conspicuum; [ habentem (inquit,) diadema circa tiaram. ] Idipsum tradit Dio Prusæus orat. 14. Et inter alias quidem gentes, diadema cingebat nudum Caput, & pro *insigni Regio* vsurpabatur, vt loquitur Tacitus l. 2. Annal. & Virgilius i 1. *Æneid.* agens de Rege Tyrrheno, ac Silius lib. 16. agens de Syphace; vbi diadema  
Africanis



96 *De tegm. Cap. mūdanōrum fastigiorum.*

Africanis Regibus fuisse album ostendit, quale etiam fuisse Iulio, habet Sueton. cap. 79. vnde *alba fascia* vocatur à Luciano *in Nauigio*. At apud Persas (de quibus agebam,) diadema ex cæruleo & albo interstinctis constabat, vt habet Curtius lib. 3. quod item volunt, qui illud contexunt ex albo & purpureo. Nam cæruleus color, non rarò *purpureus* dicitur: vt cum mare dicitur *purpureum* idest *cæruleum*. Et viceversa, pro purpureo cæruleum dicitur 4. Georg. & 10. *Æneid.* Reginas quoque, vltali diademate, monstrat Bayffius lib. de re vestiaria cap. 20. & constat ex Plutarcho *in Lucullo*, cum de Monima. Sic igitur confectum diadema, & multiplicatum pro numero Regnorum, (vt disertè habetur de Ptolemæo 1. Machab. 2.) adponebatur tiaræ apud Persas: de quibus proinde potest valere vtcunque, idest materialiter, & propter appositionem, ac nexum, quod falsò aliqui vniuersaliter dicunt; diadema fuisse pileolum cum fascia. Et in eundem sensum accipio Sidonium, qui carmine 23. sic canit de tiara Persico.

*Vt fastu posito tumentis aule,*

*Qui supra Satrapas sedet Tyrannus;*

*Ructans semideum propinquitates,*

*Lunatum tibi flecteret tiaram.*

Et carmine 2. ad Anthemium.

*Flectit Achæmænius Lunatum Persa tiaram.*

Vocat *Lunatum tiaram*, qui reuera Lunatus non erat: ideoque à Bulengero reprehenditur lib. de vestim. Pont. cap. 5. Sed præterquàm quod Sidonius facillè exponi posset de Tiara, in quo efficta aculat appicta esset imago Lunæ, quam Persarum fuisse symbolum dixit Curtius lib. 4. & fuisse



fuisse omen augendi subinde imperij censet Paschal. l. 9. de coro. cap. 18. Præter eam inquam Lunati tiaræ expositionem, optimè dicitur, tiaram Persicum fuisse Lunatum, ratione diadematis tiaræ apppositi, quod erat Lunatum. Erat & aliud Persarum Regibus Capitis tegmen pellitum, ut habetur ex Polluce lib. 7. cap. 13. *Candya* appellabant. Sed hîc cauenda est æquiuocatio. Nam *Candys* alibi, nomen est vestimenti, ut iam ex Dione Chrysostomo retuli, & multis signatis Autorum locis illustrat Brissonus lib. 2. de Regno Pers. Videndus Paschalius lib. 10. de coro. cap. 3.

*Cidarim* idem fuisse quod diadema, censet Budæus in Pandectas, & Pancirol. lib. 1. variar. cap. 9. At *Cidarim*, vix nisi nomine à Tiara discrepasse, notat Alexander Neapolit. lib. 1. genial. cap. 28. & pater ex Curtio lib. 3. qui tegmen Regum Persarum, appellat *Cidarim*. Agathias item lib. 4. Regium Persarum pileum, promiscuè nunc *tiaram*, nunc *cidarim* nominat, agens de Artaxerxe. Itémque agens de Varanne Persa, cui in vtero adhuc latenti, imposita est Regia cidaris recta, idest tiara Regia. Genus erat pilei, è pilis contexti. Pollux lib. 10. cap. 36. ex Herodoto, *cittarim* vel etiam vnico *t citarim* scribit; quod Grammaticale litigiolum non moror, contentus notasse, vsum inualuisse ut *cidaris* dicatur. Mirum videri potest, S. Augustinum q. 123. in Exod. Scripsisse ignorari quid sit *cidaris*; & putare se, non esse Capitis tegmen; ut nonnullos censuisse refert. Benè, quod ipsemet D. Augustinus q. 81. in Leuit. agnoscit *cidarim* esse Capitis operimentum. Vsi sunt hoc Capitis tegmine, Reges Armeniorum, & Ponti: ut de Mi-

N thridate



98 *De tegm. Cap. mundanorum fastigiorum.*

thruidate agens tradit Plutarchus in *Pompeio*. Item Reges Ægypti, ut proditum est in Æsopi vita. Nec dissonat Diodorus Siculus lib. 4. asserens Regum Ægyptiorum ac Æthiopicorum tegmen Capitis, fuisse pileum oblongum aspidibus circumuolutum, ut monerentur omnes, Regij Capitis violatione abstinere, ni vellent patere morsibus mortiferis. Non inquam pugnant ista cum cidari Regibus Ægyptiis attributa. Nihil quippè vetat, cidarim, oblongum pileum dicere. Malè tamen aliqui, de huiusmodi cidari seu pileo, accipiunt illud Martialis lib. 1. epigr. 42.

*Lunata nusquam pellis, et nusquam toga;  
Olidaeque vestes murice.*

Quamuis enim erant plerique Summatum pilei pelliti, quales hodiè Germanis nonnullis Principibus sunt insignia potestatis, ut latè profecquitur Paschalius lib. 9. de coro. cap. 23. Tamen Martialis eo loco qui proferebatur, non spectabat gestamen Capitis, sed pedum in quo erat Lunula, insigne nobilitatis, iuxta illud Iuuenalis Satyr. 7.

— *Nobilis et generosus,  
Appositam nigre Lunam subtexit aluta.*

Videsis prouerbium. *Nobilitas in Astragalis*, quod ab Herode Attico in Bradeam leuirum suum, magnificè crepantem generis nobilitatem, iactatum refert Philostratus lib. 2. Sophist. Agit de simili pedis gestamine, idem Martialis lib. 2. cum de nobilitate non nupera & hesternæ, sed antiqua supertalari luniformi notata, ait,

*Non hesternæ sedet Lunata linguula planta.*

De



*De tegm. Cap. mundanorum fastigiorum.* 99

De eodem ergo tegmine agebat priori illo loco; qui proinde malè ab aliquibus, ad Capitis tegmina est detortus. Medorum Regum Capitis tegmen, quod commune esset Iudicibus Persarum, mox ex Codino describam.

Russorum Imperator, vulgò *magnus Dux Moscouia*, pileum habet quem in hæc verba describit Sigismundus Baro, in rerum Moscouiticarum commentario. [Pileus ipsorum lingua, *Schapka* dictus, quo Vuolodimerus Monomach usus est, & quem gemmis ornatum, aureis item laminis quasi quibusdam spirulis subinde se vibrantibus mirè concinnatum reliquit.]

Magnatum Summatibus inferiorum, tegmina Capitis, peculiaria alicubi fuere. In Imperio Constantinopolitano, magna hac in parte erat varietas. Andronicum creatus est Imperator, detractum esse pullum & acutum pileum, quo antea utebatur, & rubram mitram eius Capiti fuisse impositam, Nicetas autor est libro singulari de Alexij Comnenij Imperio num. 18. Bitretum acuminatum, Nicephorus Gregoras lib. 11. *in fine*, proceribus ætate prouectioribus in usu fuisse, ait, serico reſtis pro dignitate cuiusque, adolescentibus Capite nudato agentibus. Andronicum verò Palæologum omnibus concessisse pileos, & variis varios placuisse, his Latinos, aliis Mysios & Triballicos, aliis Syrios & Phœnicios, prout cuique libebat. Ita ille de pileis in usu communi procerum. Nam tegmina Capitis, quæ erant veluti tesserae ac notæ dignitatis, non videntur abrogata. Apud Codinum lib. de offic. Eccles. & aulæ Constantinop. multa de huiusmodi regminibus Capitis inferiorum Magnatum & Magistratuum legere licet, præfer-

N. 2. tim



tim cap. 3. & 4. [ Tegumentum Capitis ( inquit eo c. 3. )  
quo Despotæ utitur, quod *umbella* seu *umbraculum* appel-  
latur, totum ex margaritis constat. Umbo seu ambitus  
præfert nomina eius qui gestat illud, auroclauatum,  
fimbriatum. τὰ σεία qualia sunt Imperatorij pilei, exce-  
ptis nodo & palmulis. ] Hæc illius pilei σεία, *apicem* ex-  
posuit Iunius. Quid sint, ambigit Gretserus lib. 2. com-  
ment. cap. 4. Notat verò paulò pòst Codinus, de eo  
ipso Despotæ pileo. [ Cum Despotæ adhuc puer est,  
nullum tegumentum fert in Capite dum in palatio ver-  
satur; sed manet aperto Capite. At quando equitat,  
tunc fert eum quem antea descripsimus pileum. Cum ad  
ephebi ætatem processit, tunc fert eum quem ante de-  
scripsimus pileum, idque etiam in palatio. ] Infe-  
riùs, de pileo generi Imperatoris, sic scribit. [ Pilei  
generorum Imperatoris, si sint Despotæ, aurei & coccini  
coloris sunt, & fimbriati, habentque Cruces ex mar-  
garitis, & gyros seu circulos. Pileus Sebastocratoris,  
aurei & coccinei coloris est, & limbarus. Umbo eius &  
τὰ σεία qualia Despotæ, &c. Cæsaris pileus fimbriatus est,  
aurei & coccinei coloris, qualis est Sebastocratoris. Umbo  
& densitas, qualia eiusdem. ] Addit cap. 4. Codinus de  
tegminibus Capitis aliorum Magnatum. [ Pileus magni  
Domestici, aureo & coccineo colore tinctus est; Claua-  
tus cum umbone aureo & coccineo, qui & ipse clauatus  
est. τὰ σεία instar umbonis Chrysococcinea, &c. ] Pileus  
magni Ducis, colore aureus & coccineus est, clauatus  
absque umbone. ] Huic pileo similes fuisse pileos Logo-  
theræ & Magni Stratopedarchæ, ait inferiùs. Subdit  
verò [ Magni Primicerij pileus, fimbriatus est, &c. Pro-  
tosebasti



toſebasti pileus aureo & praſino colore nitet, excepta ſimbria quæ purpurea eſt, &c. Logothetæ generalis ærarij, pileus eſt albus pannus, cum margellis, &c. Protoueſtiariæ pileus, clauatus eſt, &c. Primi Secretarij pileus, eſt blatinus, duplicis coloris purpurei & albi, habens margellica ſimbriata, lata non in Crucis formam, ſed in orbem circa verticem pilei, ambitumque trullæ quæ ſupra habet figuram trifolij, margellis ornatam. Vocat trullam, partem ſummam pilei, qua clauditur & quaſi concameratur; voce ab ædificiis translata. Demum addit [Præſecti exercitus pileus, clauatus eſt.] Erant hæc regmina Capitum Magnatum & aulicorum. De Iudicum verò Pilaticis, mox dicam:

Inter Perſas erat peculiaris tiara Iudicum, de qua Paſchalius. A Medis accerſit, & *Pilaticia* vocat huiusmodi iudiciaria Capitum tegmina, Codinus; ſic ſcribens c. 6. num. 46. [Cum Perſarum gens parua eſſet; & vitam Paſtoritiam ageret; Cyrus, relictis Perſarum moribus, vtebatur ritu & conſuetudine Medorum, vt potè gentis magnæ & magnificæ. Horum verò Iudices ferebant epiloricæ ſeu ſuperulas, & in Capite lineum tegmen, *Phaceolidem* appellatum. Ex quolibet Phaceolio, pendeat à ſiniſtra parte margellium, ſiue ſimbria ex margella, alteram aurem eius qui geſtabat obtegens. Quo ſignificabatur, aurem quidem reſectam accuſatoribus dari; reſectam verò aurem, accuſatis ſed abſentibus reſeruari. Ex collo Iudicum, pēdebant in ſericis filis margellia, cum ſimbria. Longitudo erat ſpithama minor, latitudo vnius palmæ. Quæ Rex Medorum ferebat, ſimiliter & Iudices. Quemadmodum igitur olim, exercituum Duces



ferebant torques, qui erant honoris indices, sic & pilaticia honorem Iudicum manifestabant.]

Apud Sinas, peculiaris est Magistratibus omnibus pileus, quem sic describit Nicolaus Trigaultius lib. 1. expedit. Sinicæ cap. 6. [Omnes Magistratus, siue Philosophici siue militares, infimi iuxta ac summi, eodem pileo insigniuntur. Is est è velo nigro, & vtrique duas velut alas habet; ferè supra aures ouatæ figuræ. Ex ita pileo adhærent, vt tamen faciliè excidant. Hoc aiunt modo, se ad modestè rectaque incedendum cogi; & à Capite leuiter inflectendo, prohiberi: quod si fecerint, Magistratum violant maiestatem.]

---

## SECTION X.

### *Pileus Doctorum.*

**P**ERANTIQVI moris est, vt sit Doctoribus certus habitus, cuius vsu interdicatur iis qui iudicio illorum penes quos est ea potestas, probati non fuerint, ac velut inaugurati. Sic enim Sophistæ olim Athenis, pallium Philosophicum, vnâque Sophistarum dignitatem certis ritibus seruatis assequebantur, vt scribit Olympiodorus apud Photium Cod. 80. Neque sermo duntaxat est de facultate assumendi pallij, quasi ad tyrocinium Scholasticis illico ac aduentabant, facta à Magistris non absque annumeratione pecuniæ, & plerisque ludicris, vt memorat orat. 20. Nazianzenus, liberatum ea pompa Basilium Athenas appulsum describens; sed sermo est de pallio veluti Magistrali, quod concedebatur solis ad docendum



docendum idoneis, qui simpliciter *ἡγεταί* appellabantur; eo quod inter sapientes essent allekti, & legitime inscripti, ut diligenter ex plerisque antiquis notauit Cresolius lib. 3. theatri cap. 16. Et perspicue habetur ex can. 71. Trullano, ubi memoratur usus Ethnicorum in veste certa, candidatis Sapientiæ; & certa item, iam decurso studiorum curriculo assignanda, quod Synodus fieri deinceps vetat (utique adhibitis ritibus illis, è cœnosa Ethnicismi scrobe hauſtis, & alicundè lutulentis.) Inter eas autem Magisterij ac Doctoratus notas, numerabatur corona, quæ ab initiatore myſta imponebatur, ut est apud Aristophanem in Nubibus, cum describitur Strepsiadis inauguratio per Socratem. Et tunc nomen *Sophistæ*, siue Doctorum titulum assequebantur, ut est apud Philostratum lib. 2. de vita Sophist. Præcessisse porro huius tituli delationem, suffragia iudicum ad id autoritate instructorum, docet Lucianus in *Eunucho*, & Eunapius in *Prohæresio*. Quamvis ergo Synodus Trullana, ob mixturas aliquas impuras, vetuerit peragi quas dicebant *cylistras*, & ritus illos Ethnicos qui usurpabantur in Tyronum initiatione, & iam consummatorum inauguratione, retineri noluerit à Christianis, tamen effectus Doctoribus peculiare notas, non prohibuit. Imo cum id spectet ad honorem artes alentem, prohiberi nec decuit, nec debuit. Ut enim bene in hanc rem ratiocinatur Rebuffus tract. de priuil. studio. & Iacobus Middelendorpius lib. 1. de Academiis cap. 13. post Iuvenalem Satyr. 10. & Bionem in Bucolicis, Iamblichum & alios, virtus inhonorata iaceret, nec esset qui vellet labores in literarum adeptione deuorandos exantlare, nisi esca  
præmij



præmij & honoris pelliceretur. Is autem honor, præsertim cernitur in peculiari amictu & peculiaribus externis notis, inter quas eminet pilei concessio. *Birretum* vocat Bertachinus, atque esse signum victoriæ, & gratiæ, nec non Sacerdotij, & superioritatis; & has omnes ob causas meritò concedi Doctoribus cum inaugurantur, addito in vertice hapso, seu flocco, pro Doctorum varietate, coloris diuersi.

Tangit his paucis Bertachinus, compagem, & colorem ac fines pilei Doctoralis, quæ breuiter percurrenda sunt, & distinctiùs exponenda. Et pileus quidem, alicubi; non eiusdem est coloris, tamen apud nostrates semper est niger. Aio alicubi aliter rem se habere, quia vt scribit Middendorpius lib. 1. de Academiis cap. 13. & Maximilianus Sandæus in Theolog. Iurid. commentat. 50. apud Germanos (inter quos ipse scribebat,) solus Doctoralis pileus Theologorum, est nigri coloris, ad innuendum eos esse mundo mortuos. Est quippè nigredo, mortis Symbolum; vt propterea Satyricus, *nigros maritos* dixerit pro *mortuis*. Qui verò apud eam gentem in aliis facultatibus promouentur ad lauream Doctorum, pileos habent alterius coloris quàm nigri. Nempè Iurisperitorum pileus est ruber, eo quod adsint Regibus & Principibus terræ, quorum præcipuum ornamentum, est purpura. Medicorum verò & Philosophorum pileus Doctoralis, est violaceus, aut cæruleus, vt moneantur oculos suos non declinare in terram. Ex Godelmanno lib. 1. de Magis cap. 1. Dæmon in Marchia, specie Advocati objectus, pileum cæruleum prætulit. Hæc igitur est coloris quoad pileum alicubi multiplicitas, quæ apud nostrates



nostrates locum non habet. At floccus, apud nos quoque, pro variis est varius. Eum floccum aliqui superiore seculo, Genevæ, cum ea urbs sub auspiciis Spiritus sancti reformati, omnia fuscæque evertit, porro hortensi mutauere, quem pileis assuerunt vel adiunxerunt: quod quantum bilem, Farello meri Dei verbi pincernæ inter primos strenuissimo, exciuerit, docet in Caluini vita Laingæus cap. 7.

Nunc in tactos ex Bertachino pilei Doctorum fines, eiusque quadratam formam, inquiramus. Victoriæ signum haud iniuria statuitur pileus Doctorum; nec abs re, cum oleastro Olympionicarum confertur ab Adriano Iunio lib. 3. animaduers. cap. 2. quia diligens studium quod necesse est in Doctore præcessisse, perinde est ac lucta & agon cum ignorantia & ignauia. Et quemadmodum Agonistici variè probabantur & examinabantur, priusquam ad certamen & victoriæ viam admitterentur; ita qui Doctorum lauream captant, variis probationibus & examinibus subiaceant necesse est. Proportio est manifesta. Triplicem enim Athletarum coronam, pro triplici eorum gradu, agnoscit Imperator l. *Athletas ita*, C. de Athletis, ubi Bartolus & DD. passim similiter igitur, inter studiosos sapientiæ; alij depositi Tyrocinij insignibus donati, dicuntur *Baccalau- rei*; siue à lauri baccis, ut significetur spes fieri, quod à baccis ad laurum seu plenam lauream denique pertingant; siue à bacillis quorum olim collatione creabantur, ut vult Renatus Barrensis, in Admonitione de Tertulliani dogmatibus. (Quamquam in Italia primum hunc gradum honorum Scholasticorum non requiri ad Do-

O

toratus



Oratoratus titulum & decus adiscendum, notat Quintilia. Mandos. ad reg. Cancell. 16. q. 11.) Alij vltcrius progredientes, denominantur *licentiati*, & *prodoctores*. Tertiò denique alij, ad ipsum prouecti apicem honorum Scholasticorum, *Doctores* plenè & absolutè appellantur. Atque ita, hi Athletæ sapientiæ, seruant proportionem cum antiquis athletis; sicut quoad probationes & examina agonisticis præmitti solita, vt Faber in Agonistico lib. 3. cap. 17. aliique notarunt, ita quoad gradus, & varia externa ligna tanquam laborum præmia, meritò rependenda iis qui probati sint laurea digni, atque notaculo quo ab aliis secerneretur. Videndus Faber eod. lib. 3. cap. 28. Hæc porrò nota, nullibi statui conuenientiùs ac principaliùs potest, quàm in Capite. Inprimis, quia ob necessariam, dum hîc viuimus, intellectus ac phantasiæ in operando connexionem, & phantasmatum inter intelligendum speculationem; Capitis per studia fatigatio, maior fuit, quàm reliquorum membrorum. Præterquàm quod eminentia Capitis, vt supra f. 2. disputatum est, notas victoriæ in Capite collocatas, conspicuas omnibus facit. Quare post luctam & certamen, optimè hac quasi laurea donantur Doctores, imitatione Dei, qui in cælo speciale decus quod *aureola* Doctorum dicitur, conferet Doctoribus probatis, de quo benè differit Carolus Regius lib. 1. Orator. Christ. cap. 22. & Ioannes Bagotius in demonstrationibus Christianis t. 2. lib. 5. disp. 7.

Quod gratiæ simul ac victoriæ notam, pileum Doctoris statuebat Bertachinus, existimo referendum ad probatos mores, & vitæ Sanctitudinem veri Doctoris.

Supponitur



Supponitur enim non excepturus tot labores, quot exantlare necesse est eum qui dignè ad affecutionem huius decoris pertingit, nisi virtute & gratia præcelleret, qua tot illicibus voluptatum & auocamentis à recto, constanter obstiterit. Erasmus sanè Adag. *ad pileum vocare*, existimat, pileum esse notam virtutis spectatæ, & idecirco conferri Doctoribus. Quo etiam pertinet longa disputatio Lucæ de Penna ad l. *Murileguli* C. de murileg. & gynæciar. monstrantis, pileum Doctoris dici *birretum*, quia supponit duplicem rectitudinem in eo cui confertur. Eam verò duplicem rectitudinem ita explicat idem Doctor, ut omnem planè sanctimoniam comprehendat.

Eodem reuoluitur *Sacerdotium*, cuius, pileum Doctorum, tesseram esse, statuebat Bertachinus: & idem habet Mar. Socinus cap. *Quantò*, de Magistris. Disciplinæ enim, etiam humanæ, sub quodam Sacerdotio exercendæ sunt, & facultates, quibus partis decernitur pileus, veluti quædam numina habentur, ut de Iustitia & Iustitiæ administris pronunciauit Vlpianus, quatenus ex Celso dixit, Iurisperitos, boni & æqui Sacerdotes esse, atque adeò iuris atque Iustitiæ. Quod Hotomanus in Epitome ad titulum 1. digestorum, & in commentario renouato ad Institutiones tit. 1. de Iustitia Dea Ethnicorum dictum contendit. *ἑμίστα* aut *θεμιστὴν* vel *δικτὴν* dixere Ethnici, ut ex Eustratio obseruat Budæus ad l. 1. tituli primi ff. Intitire Hotomani vellignis, in eo sensu definitioni ab Vlpiano assignatæ admittendo, Donellus Tomo 1. lib. 1. cap. 4. & Henricus Salmuth ad Pancirolum de rebus deperditis, circa præm. Et quanquam Vlpianus, homo



Gentilissimus & acerba Christiani nominis insectatione infamis, dignus non est pro quo satagamus; tamen longè aliam fuisse eius mentem, cum Iuris peritos dixit esse *Iustitie Sacerdotes*, monstratum est lib. 3. de Virtut. num. 39. & ibid. num. 40. Hoc Sacerdotium in sancta tractatione & dictione iuris consistens, est illustratum. Addo nunc, Iulianum Imperatorem in longo fragmento siue orationis, siue epistolæ, eodem modo ac sensu pronunciantem. [Civiles magistratus, quodam veluti Sacerdotio fungi, quatenus legum sunt custodes] Indèque infert Iulianus, dici posse, parem honorem ac cultum, Sacerdotibus & Magistratibus tribui oportere. Quod approbasse videtur apud Cassiodorum Rex Theodoricus lib. 6. epist. 3. in calce formulæ Præfecti prætorio, cum dixit. [Quod Sacerdotium est, præfecturæ prætorianæ competenter agere dignitatem.] Affine est; quod doctus Poëta 6. Æneid. & viris doctrina præstantibus, & Sacerdotibus, communes post obitum vittas decernit. Ait enim:

*Quique Sacerdotes casti dum vita manebat,  
Quique pii Vates & Phæbo digna locuti;  
Inventas aut qui vitam excoluere per artes;  
Quique sui memores, alios fecere merendo:  
Omnibus his, niueâ cinguntur tempora vittâ.*

En capitibus Sacerdotum & Doctorum, vittæ in Elysiorum camporum beatitate, decretæ; perinde ac si utrique fungantur Sacerdotio; & illi Numinis, hi sapientiæ Antistites statuuntur. Plinius sanè lib. 7. cap. 30. Platoni tanquam sapientiæ Sacerdoti & Antistiti, vittatam namque à Dionysio missam, testatur.

Facit.



Facit huc non incongruè, quod Theon Smyrnæus nuperrimè editus cap. 1. Mathematicorum ex Platone pap. 18. tradit, de initiatione mystarum, respondente traditioni sapientiæ philosophicæ, & initiationi in ea. Præibat enim purgatio. Tum deinde sequebatur traditio Sacrorum. 3. Concedebatur Sacrorum inspectio. 4. Interueniebat scopus & finis inspectionis, hoc est Capitis religatio, & impositio coronæ, inferens potestatem tradendi aliis sacra, Mystæ collata. Hæc proportionem seruata, locum habuisse in traditione potestatis alios imbuendi philosophica, (qui est verè Doctoratus Philosophicus,) affirmat Theon eo capite 1. quod ex Platonis Libris de Republica & Epinomide consarnatum esse, obseruat ibi in Notis Ismaël Bullialdus pag. 215. Ex sensu igitur Theonis Platonem exprimentis, corona Philosophico Doctori imponebatur, tanquam Mystæ perfectè initiato, post examen & probationem, ac veluti expurgationem ab ignorantia. Et sicut corona illa, à Sacerdotibus ad Magistros Philosophos traducta erat, ita pileus Doctorum qui ei coronæ Magistrorum suffectus est, pro Sacerdotali regimine haberi debet. Sunt enim etiam Philosophorum Magistri inter Doctores; & eo nomine iam olim vsos esse pileo, constat ex iis quæ de Philosophis scribit Palladius agens de Serapione Sindonita c. 83. Lausiacæ.

Quod denique adducebatur à Berrachino, de concessione pilei Doctoribus facta; eo quod pileus sit nota superioritatis & potestatis, supponit antiquum vsum quo pileus statuebatur nota libertatis; quam Philosophi & Theologi, præeunte Apostolo, definiunt potestatem

Q 3 suæ



suæ voluntatis, & dominium in actum suum. Esse porro  
 pileum notam libertatis, vulgatissimum est, & fusè illu-  
 stratur à Bodino lib. 1. de Repub. cap. 5. & à Pancirolo  
 lib. 2. var. lect. iuris cap. 220. Inde vocare seruos ad pi-  
 leum, idem est ac vocare ad libertatem, vt videre est  
 apud Senecam epist. 47. & Liuium lib. 34. Suetonium  
*in Tiberio*, passimque alios. Et quoties libertatis expres-  
 sio vel professio facienda fuit, adhibitus est pileus. Sic  
 Henricus II. Gallia Rex, ei publico scripto quo ratio-  
 nem reddebat initi abs se scederis contra Carolum V. cum  
 Mauritio Saxone aliisque Lutheranis, præfixit in scripti  
 fronte, pileum inter duos pugiones, vt scribit Sponda-  
 nus in Annalibus Gallicanis ad annum 1552. num. 6. Pi-  
 leus enim Symbolum est libertatis, quam Gallicis &  
 Germanicis copiis, Germaniæ quæri, prætexebatur eo  
 bello. Imitatione veterum sic factum. Nam Brutus  
 tyrannidis excussor, in veteribus nummis pileum manu  
 præfert. Et in variis nummis Cæsarum, mulier cum pi-  
 leo, imago est libertatis, vt testantur Pancirolus lib. 1.  
 var. lect. iuris cap. 17. & Pierius lib. 40. cap. *de pileo*. Tito  
 Flaminio triumphanti, ciuium Romanorum duo millia  
 affuisse pileata, vt profiterentur se ab eo accepisse liber-  
 tatem, scribit in eius vita Plutarchus. In Neronis obitu,  
 Suetonio atque Victore referentibus, plebs Romana vni-  
 uersa discurret pileata, quasi tum demum donatam se  
 libertate contestans. Terentius Culleo, vt Scipionem  
 libertatis suæ Autorem profiteretur, triumphanti astitit  
 pileatus, iuxta Orosium lib. 4. cap. 19. Mancipia ipsa,  
 vt scribit Seruius ad 8. *Æneid.* cum libertate donaban-  
 tur, rasis Capiribus pileum in Feroniæ templo accipie-  
 bant,



bant, fuisse pileum album, scribit Diodorus, agens de Prusia Rege; qui ut se Romanorum libertum profiteretur, Legatis eorum, raso Capite & pileatus occurrit. Et rasura quidem Capitis, in serui manumissione, nota erat declinatae tempestatis seruituti comitantis. Nam qui è naufragio emerferant, radebantur, iuxta illud Iuuenalis.

— *Gaudet ibi vertice raso,*  
*Garrula securi narrare pericula nautæ.*

Ad illorum ergo similitudinem, qui seruitutem euaferant, radebantur, ait Nonius in V. *pileus*. Et sic rasis imponebatur pileus, vulgata apud Romanos libertatis tessera. Vnde votum mancipij apud Plautum in Amphitr.

— *Quod ille faciat Iupiter,*  
*Ut ego hodie raso Capite calius, capiam pileum.*

Erat igitur pileus nota & tessera libertatis; nisi quod serui contumaces, ut ex Cælio Sabino prodit Gellius lib. 7. cap. 4. pileati prostabant venales, cum eorum nomine nihil vellet præstare qui vñum illos exponebat, quod malè carpit Straccha parte 2. de Mercat. num. 76. Videndus Iacobus Durantius lib. 1. var. cap. 10. Sed hoc ex adiunctis diiudicabatur. Alibi autem pileus, libertatis iam aditæ nota erat. An quia pileus insigne erat iam olim nobilitatis? Vlysses sanè, cuius cum Aiace de nobilitate contentio apud Nasonem prostat, ut nobilis exprimeretur, pingebatur pileatus. Item Dioscurorum nobilitas pileis est adumbrata. Byzantini exules, (ut ait Pierius lib. 40. cap. de pileo,) qui quidem genere nobiles erant, ut nobilitatem suam testarentur, appulsi in  
Italiam,



Italiam, pileos gestabant. An insigne libertatis pileus; quia ingenuis, tamen nudo Capite incedere solerent, ius tamen erat regendi Capita, quo carebant mancipia? Nam mancipiis quandiu seruitutem seruiebant, Caput necessario nudum erat, quicquid demum accideret incommodi; non ita iis qui liberi erant. Quæ est germana expeditio, nodi quem in hac re proponit, nec satis extricat Heraldus ad lib.2. Martialis epigr.68.

Ex his satis superque liquet, pileum fuisse tesseram libertatis, atque adeò etiam potestatis, cum libertas potestate definiatur. Idque fortassis voluit Pipinus concedens decimarum dominium per pileum suum ut tesseram, ut est in Actis S. Momonis, *in fine*. Sunt qui ad Noëmum autorem id referant. Ab eo quippè sub Iani nomine apud Latium regnante, Latinos aiunt donatos pileo post diluuium, in Symbolum libertatis à tot malis, ut scribit Maximil. Sandæus in Theol. Iurid. comment. 50. Mirum igitur non est, donari pileo Doctores, qui exsoluuntur scholastica seruitute; & potestatem accipiunt, siue docendi, siue exercendi certa munera, ad quæ necessaria est eruditio, cuius testimonium publicum accipiunt. Scholastica seruitute exsolutos dixi, quia discipulus alterius fert nomen; nec si sapit, suo ductu, sed Magistri dñigirur; in eius verba iurat, & eius te sententii addicit: quæ tanta est seruitus, & quidem præstantissimæ ac supremæ in homine facultatis, ut fastidient eam additionem quispiam, *Serua pecora* appellarit, qui non aulint ab alienis sensis placitisque discedere. Hanc igitur seruitutem excutiant, & per Doctoratum quasi manumittuntur, qui à doctrina sufficienter instructi deprehenduntur;



prehenduntur; nec ultra indigent ductu Magistri, sed aliis potius dirigendis atque informandis idonei declarantur. Ex ea autem significatione pilei, manauit concertatio de qua Menardus disp. de iure Episcop. cap. 5. an excipere benedictionem à Iudice pileato, pugnet cum exemptione, & benedictoris potestatem supra benedictos alstruat, quia pileus videtur tessera potestatis. Quamquam quoad Doctores, pileus eius tantum libertatis & potestatis tessera est, de qua dixi, Decoratur pileus apice, siue hapso è serico, pro variis facultatibus colore vario; quia apex erat flaminis gestamen peculiare. Doctores autem quasi inaugurati in flamines sapientiæ, quam sanctè & piè tractare debent, iam præmissum est. Hæc igitur est causa, assignati Doctoribus pilei in sua inauguratione, vt notauit Stephanus Paschas. l. 4. obseruat. Francic. c. 7.

Forma pilei Doctoralis, apud varios varia est. Rotundum suo tempore fuisse, notat Petrarcha lib. 1. de remediis dialo. 12. non signata tamen regione. Apud suos Cadomenes esse rotundum, scribit Petrus Lenaudiere tract. de priuilegiis Doctorum parte 1. q. 3. referens hanc tradendi pilei formulam. [Accipite birretum rotundum ad modum coronæ, in signum sanctitatis & veritatis ac doctrinæ, vt tales sitis in mente, quales fueritis in conuersatione; nec à docendo cessaueritis, quia non coronabitur in regno cœlorum, nisi qui legitime certauerit.] Addit idem Autor, delectæ in pileo rotunditatis rationem; quia corona signum est perfectionis, cum sit sphericæ figuræ, angulis carentis, in signum quod absint sordes, quas in angulis non deesse, monuit Glossa Clement.

P

ment.



ment. I. de vita & honest. Clerico. verb. *tonsuram*. Videtur eandem formam pilei innuere, quod Signorellus de Homodeis Consilio 23. num. 7. tractans, Doctoris & militis, vter vtri præferendus sit, prærogatiuas, vocat pileum Doctoris *diadema*, quod figuræ est semicircularis, & sapit rotunditatem; quæ ex eo maximè capite accommodata videtur huic pileo, quod æternitatis Symbolum sit. At Doctorum fama, æternitati adæquanda est, nec labefactanda cum tempore.

Nihilominus forma quadrata, cuius plerisque locis est pileus Doctorum, non minùs commodas aut minùs fœras mysteriis rationes suppeditat. Vt propterea, non modò Italis, (teste Pancirolo lib. 1. var. lect. iuris c. 23.) ea figura in hoc pileo iam olim sit probata, tametsi suo tempore in desuetudinem abiisse non neget; sed etiam Sinæ (vt scribit Nicolaus Trigaultius lib. 1. exped. Sinicæ cap. 8.) eam formam in pileis litteratorum adamauerint; ceteris non nisi rotundorum pileorum vsu concessio. Et est sanè forma quadrata, Symbolum immobilitatis & stabilitatis, vt considerat creditus Augustinus q. 52. ex 65. & S. Gregorius hom. 21. in Ezech. At Doctoris qui verè id nomen impleat, doctrina non est facilè mobilis. Omni quippè doctrinæ vento circumferri, in vitio ponitur ab Apostolo. Idque fortassis expressum voluit, qui Mercurium, Disciplinarum cœlestium iuxta Manilium lib. 1. Astronom. ac etiam eloquentiæ & veritatis præsidem, cubicum & quadratum effinxit, vt ex Leonide refertur lib. 1. Anthol. epigrammate ad Deos agrestes: vbi Mercurium vocat τετραγώνιον. Esto verò, forma illa Mercurij quadrata, aliò iuxta nonnullos pertineat, vt  
refert



refert Brodæus ad locum prædictum Anthologiæ: tamen sensus quem ei subijcimus, non malè quadrat. Eam ergo firmitatem & stabilitatem doctrinæ, forma pilei quadrata, melius adumbrat quam rotunda: cum rotunditas sit Symbolum volubilitatis: ut propterea S. Augustinus in Psal. 83. *Sub initium*, observauerit, pecuniam apud omnes gentes signari rotundam, quia facilè voluitur, & ab vno Domino ad alium transit. Itaque qui propter probatam doctrinam, sententiæ præconceptæ optimè insistit, nec facilè dimouetur de ea; (qualem par est esse qui Doctor publica autoritate renunciatur,) meritò tesseram doctrinæ accipit, non rotundam, sed quadratam; quæ innuat, illum adeò firmum & stabiliter in doctrina constitutum esse, ut nullis aduersis flabris, nullo contrario impetu concutiendus sit, nedum dimouendus aut euertendus.

Hinc perspicuè deprehenditur, quanta sit stoliditas eorum, qui pileum Doctoris carè emunt, malè à doctrina, cuius tessera pileus est, constituti. Quales innumeros iam suo tempore, orbem vacuis nominibus implese, deplorabat Petrarcha l. 1. de remed. cap. 12. & 46. Abusio eius planè germana, qua plerique titulo tenus habentur Christiani, quia Baptismi Sacramento initiati sunt, & Christi caractere insigniti, tametsi professione & vita, nihil minùs sint, quàm Christiani, quos cum Simia personata, meritò confert Gregorius Nyssenus l. ad Harmonium de notione Christiani nominis Nec dissimile est, quod de fele in nuptiali conuiuio refert Nazianzenus Orat. de Episcopis, & accommodat iis quos Scriptura vocat pastores & idola. Haud aliter ergo se

P 2

habent,



habent, qui doctrina vacui, & titulo ac gradu quem emercantur indigni, vacuum Doctorum nomen praeferunt; vasa vacua tametsi Signata, vt Dæmoniacam vocem huc transferam, de homine non Christiano, qui externum Christiani signum usurpauerat. Nihil talibus prodesse quæ ostendant diplomata, nec posse Doctorum priuilegiis potiri, ex Ancharano, Panormitano, Baldo, ac Felino, confirmat Petrus Lenaudiere tract. de priuilegiis Doctorum p. 1. q. 13. Peccati mortalis tetra labe sordere eam insignium Doctoratus postulationem vel acceptionem, tradit Glossa Clement. *cum sit*, de Magistris V. *honorem*: in quam etiam sententiam alios adducit & sequitur Bonus de Curtili Tract. de Nobilitate parte 3. num. 107. Verba quibus Ioannes Ludouicus Vivaldus l. de persecutionibus Ecclesiae id exponit, adscriptu digna videntur. Recenset ille inter Ecclesiae persecutiones, decimam, quæ existit ab indigna Doctoris titulorum assumptione: & post expensam ac illustratam doctrinæ parandæ in futuro Doctore necessitatem, concludit §. *porrò quantus* [Patet itaque ex dictis, quod gradus Magisterij vel Doctoratus, non potest rationabiliter appeti, nisi prius qui talia ambiunt, sub disciplina labores & cædia multa sufferant, & discant ab idoneis præceptoribus, quod postea alios docere valeant: quia teste Vegetio in 1. libro de re milit. cap. 1. nemo facere metuit; quod se benè didicisse confidit. Et per consequens, patet responsio ad quæstionem; & quod Doctores nostri non excusantur à laqueo culpæ mortalis, si indignè assumuntur ad gradum. Contra quos Glossa super Matth. cap. 4 ait: Diabolus multos decepit, honore Magisterij inflatos, quibus



quibus pro mercede ambitionis suæ, si pœnitentiam non egerint, apud Inferos dabitur LVTEOLA, non autem Aureola, quia talis conuenit veris Doctoribus in æterna gloria.] Hæc ille; pro signo Luciferianæ superbiæ statuens, appetentiam Doctoratus, in eo qui verè doctus non sit: Qui tamen in particulari, quoad gradum Magistri in Theologia, tot & tanta deposcit, vt desperanda ferè videatur idoneitas ad eum titulum. Nam teneri qui talis esse affectat, & Grammaticam, & Rhetoricam, & Dialecticam, & Arithmeticam, & Musicam, & Geometriam, & Astrologiam, & Naturalem Philosophiam, & Medicinam, & Iura callere, latè contendit. Nescio an auditurus ipsemet; *Tu es Magister in Israhel, & hæc ignoras.*

Inferre præterea ex dictis de Doctoris pileo licet, quantoperè peccent, qui pro pecunia, Doctoris pileum & titulum, indigno conferunt. Hoc in Medico & Theologo, à peccato mortali non liberat. Caietanus in summa V. *Doctor*, & Fumus eodem V. Et ratio est, quia sunt Medici, ille corporum, hic animarum: ac proinde ingentium damno Reipublicæ, proponuntur authenticè, tanquam digni quibus fidatur, in curatione agnitudinum, siue corporis, siue animæ. Anceps verò nonnihil est Caietanus, quem Fumus de more affectatur, an idem sit pronunciandum de Doctore iuris ciuilis. Esse tamen admodum verisimile, peccare item mortaliter, eos qui in iure ciuili promouent apertè indignos, uterque agnoscit, & diuertè tradit Sà V. *Doctor*; habeturque etiam ex Quintiliano Mandosio ad 10. reg. cancellar. q. 13. & 14. Nec ratio est oblcura. Proponunt enim vt

P 3 dignos



dignos qui Clientum causas suscipiant, aut populis iura dicant, eos qui præ imperitia præstare reuera talia non possunt. Vnde fortuna, & non rarò honor, ac vita Clientum, manifesto periculo exponitur, quantum est in ipsis, attestantibus dignum esse ea munera obire, qui reuera non est dignus. Inter ipsos Ciuilis iuris peritos, peccati mortalis damnat conferre indigno gradum Doctoris in iure, Petrus Lenaudiere Tract. de priuil. Doctorum parte 1. q. 14.

Inferri denique ex dictis potest, diiudicatio agitata non ita multo ante controuersia, sitne pileus Doctoris cucullo Monastico potior.

## SECTIO XI.

### *Integumenta Capitis Sacrorum hominum apud Ethnicos.*

**F**VERE Ethnicis, fuere Hebræis, sunt hodièque Christianis, sacra quædam Numini addictorum Capitum tegmina, quæ consequenter ad hætenus recensita, operæ pretium est attingere.

Quoad Ethnicos, Suetonius l. de genere vestimentorum, obseruat, Romanos triplex pileorum genus habuisse, Sacerdotum & Sacrorum hominum proprium; *apicem, tutulum, galerum*. Apicem, quem alias *pileum Epiroticum*, siue *Albanum* vocari ferunt, Straboni *πίλιννα πνευστήν*, Dionysius Halicarnass. l. 2. agens de Saliis qui sacra in Palatio celebrabant, ita describit. [Gestant etiam Capitibus, quos vocant *apices*, fastigiatos in coniformam



formam pilcos; Græci appellant *Kυγαρίας*.] Non est hæc apicis Sacerdotalis descriptio sic accipienda, quasi solus apex esset turbinatus & fastigiatus in coni aut metæ formam; aut quasi solum id genus pilei, nomen *apicis* proprium haberet. Nam etiam pileum lanatum, cui nomen *tutulus*, metæ figura erat. Et in Albogalero, qui Flaminibus Dialibus vsui erat, & ex pelle hostiæ albæ Ioui cæsæ conficiebatur, teste Festo, ac Gellio lib. 10. cap. 15. Pontificales Codices exseribente, apex affigebatur virgula oleagina: ut proinde liqueat. verum esse quod Viues 2. Ciuit. cap. 15. variis testimoniis demonstrat, apicem quandoque, non pileum totum sonare, sed pilei fastigium duntaxat, ac veluti hapsum. Qui igitur *apex* peculiariter dicebatur, inde à cæteris item turbinatis pileis secernebatur, quod pileum sutile esset, circa medium virga eminente. Eum pileum Flamines, amentis, qui *offendices* dicuntur, sub mentum adductis, religabant: cum ne excideret Capite, tum ut ponè pendere pro libito posset ac regeri: Cum alij Flamines apicem, duntaxat sacra obeuntes, gestarent; Flamen tamen Dialis, eum semper gerebat teste Appiano l. 1. bellor. Ciuil. & Plutarcho in qq. Romanis: quod tamen ex iis quæ Gellius lib. 10. cap. 15. ex Fabio Pictore & libris Pontificalibus excerptis, limitandum est ad Flaminem sub Diuo existentem. Nam sub tecto, liberum erat pileum deponere. Imò necessarium fuisse Flamini morituro illum deponere, ne insigne Sacerdotij esset inter feralia, obseruat superius, Appianus. A pileorum gestatione, dictos *Flamines*, quasi *pileamines*, nonnullorum sententia fuit, cui adscriptus est Picrius l. 40. Alij tamen  
magis



magis probant alias notationes, quas Viues loco allegato, & Lilius Gyraldus Syntagm. 17. pag. 458. proferunt; & omnes reuoluuntur ad aliquid Capiti impositum. Absurdissimè verò Suidas V. *πονηριξ*, Flamines Romanis dictos censeret, quasi *flumines* à cura fluminis, sicut *Pontifices* à *pontis* effectione denominatos, multi sunt arbitrati. Quomodò hic apex ad tutulum se haberet, ac etiam ad galeum, siue albogalerum, à *galeæ* forma denominatum, & ex pelle hostiæ confectum, iam attigi.

Sed non est omittendum, fuisse qui Romanum tutulum confunderet cum phrygio amictu, cuius est mentio apud Maronem eo versu.

*Et Caput ante aras Phrygio velatus amictu.*

Gyraldus Syntagm. 17. histor. Deor. hunc Phrygium amictum accipit de tutulo Romano; quem Fulgentius ad Chalcidum, ait fuisse pallium, quo Sacerdotes ad Sacrificium accedentes Caput tectabant. Sed melius antiquus interpres Iuuenalis, ad illud Satyræ sextæ — *Phrygio vestitur bucca tiara*, ostendit *Phrygium* fuisse tiaram seu galeam Sacerdotis, quæ per malas veniens, mento subligabatur. Vnde lux affunditur Valerio Flacco l. 6. dicenti.

*Subligat extrema, patrium ceruice tiaram.*

Nec non Senecæ, cuius illa sunt in Thyeste Actu 4.

— *Hoc Phrygius loco*

*Fixus, tiaras Pelopis.*

Quod autem Phrygium per malas veniens subligaretur mento, inde factum videtur, ut Andreas Balensis ex Hebræo Christianus, referente Petro Nannio in Notis ad S. Ambrosij expositiones in Exodum, dixerit; in aures  
quas



quas Iacob vnâ cum Idolis sepeliuit & infodit, non fuisse vulgares inanes; (quid enim illæ ad cultum idolorum, vt propterea idolis consepeliri debuerint?) sed fuisse huiusmodi tegmen Capitis Sacerdotum, in cultu idolorum aures tegens, quales fuere apud Romanos insulæ: Eaque inaurium interpretatione, exemptum sibi antiquum scrupulum proficitur Nannius. Sed non deest alia ratio scrupulum omnem eximendi, & inaurium cum idolis nexum monstrandi, etiamsi de inauribus vulgaris sermo esset, vt dicit Theoph. Rayn. lib. de Stigmatismo, sect. 2. c. 7. post D. Augustinum q. 111. in Genes. & Epistol. 73.

Apud alios Ethnicos, certa signantur sacrorum hominum tegmina Capitis. Summus Sacerdos Syriæ Deæ, qui solus erat purpuratus, aureo tiara vsus proditur à Luciano libello de Syria Dea, cuius hæc sunt verba. [Sacerdotes ipsis multi eliguntur; quorum alij quidem hostias maciant, alij autem libamenta ferunt: rursus alij flammiferi vocantur, & alij aræ ministri. Vestis autem rota candida est, & pileum in Capite gestant. Summus autem Sacerdos, alius ac nouus vnoquoque anno subrogatur; solusque hic purpuream vestem gerit, & tiara aurea redimitur.] Sacerdotes Ægyptios & Æthiopicos, Diadorus lib. 4. autor est fuisse pileatos.

Sacerdotes Persarum Sacrificantes, Strabo l. 15. ait gestare solitos tiaras *φιλωτάς καθηκούας ἐκατέρωθεν*. Vnus interpretes vertit *Filtraceas insulas ex vtraque parte dependentes*. Repræsentato contextum ex altera interpretatione. [In Cappadocia, (etenim maxima est ibi Magorum multitudo, qui *Pyrethi* vocantur, & multa Persicorum Deorum templa)

Q non



non cultro sed stipite quodam mactant, tanquam malleo verberantes. Sunt & pyratheia, septa quædam ingentia, in quorum medio ara est. In ea Magi, & cinerem multum & ignem perennem seruant, & eò quotidie ingressi, imprecationes faciunt, per horam ante ignem virgarum fasciculum tenentes, pileis infulis velati ex vtraque parte dependentibus; adeò vt vittæ, labia conregant ac malas.]

---

## SECTIO XII.

### *Tegmina Capitis Sacrorum hominum, apud Hebræos.*

**A**LIVD apud Hebræos fuit tegmen sacrum Pontificij Capitis, aliud Capitis Sacerdotum; tametsi Lxx. & S. Hieronymus, communi *cidaris* nomine vtraque illa tegmina designant, vt notauit qui de ea voce diligenter differit Ribera in c. 3. Zachariæ à num. 14.

Pileum Sacerdotalem; (quem tamen Pontificibus quoque communem statuit, saluis appendicibus de quibus mox, soli Pontifici propriis,) S. Hieronymus ita describit in Epistola ad Fabiolam de vestitu Sacerd. [Quartum genus est vestimenti, rotundum pileolum, quale pictum in Vlisseo conspicimus, quasi sphaera media sit diuisa, & pars vna ponatur in Capite, hoc Græci & nostri, *τίζων*, nonnulli *galerum* vocant, Hebræi *Mizneferb*: Non habet acumen in summo, non totum vsque ad comam Caput regit, sed tertiam partem à fronte inopertam relinquit: atque ita in occipitio vitta constrictum est, vt non faciliè labatur ex Capite. Est autem byssinum, & sic

fabrè



fabrè opertum lintcolo , vt nulla acus vestigia appareant. ] Quid illud vt in Vlyssæo? Erasmus diuinavit has in re aliquid iure à Mariano rejectum. Vera illius vocis notio est , porticus in qua gesta Vlyssis depicta cernebantur. Vlysses autem cum pileo depingi solitum , ex Plinio habetur l. 35. c. 10. Nicomachus enim Aristodemi filius , Vlysses pileo primus operuit. Pileolus itaque qui in Vlyssæo multiplici Vlyssis imagine exornato cernebatur , similis ex parte erat pileo Summi Hebræorum Sacerdotis , iuxta Hieronymum. De eodem Hebrei Pontificis pileolo Iosephus l. 3. antiquit. c. 8. *alias* 11. hæc in eandem sententiam habet. [ Super Caput , gestat pileum , non fastigiatum , neque totum Caput comprehendentem , sed paulo plus quàm medium. Hic vocatur *masna emphithes*. Est autem tali paratu , vt videatur vitæ linea sæpè in orbem replicata & consuta , quam superne alia tela integit , vsque ad frontem descendens , & per superficiem verticis futurarum deformitatem occultans. Hic adaptatur accuratè , ne inter sacrificandum delabantur. ] Corruptè codex Iosephi , non Latinus modò , sed & Græcus , vocem Hebræam cidaris Sacerdotalis , ait esse *Masna emphithes* cum legendum sit *Masnephthes* , vel *Misnephthes* , vt inuestigato themate è quo ea vox prodit , rectè aduertit Ribera Zach. 3. n. 14.

Cæterùm vt appareat , quid cidaris Pontificia supra Sacerdotalem proximè ex Iosepho expressam haberet , audiendus est idem Iosephus , mox de proprio Summi Sacerdotis ornatu differens , & tegmen Capiti eius impositum , describens. Sic porrò habet Iosephus. [ Pileo quali cæteri Sacerdotes , utebatur : super quem extabat

Q<sup>2</sup> a lius



alius confutilis, ex hyacintho variatus. Hunc aurea corona triplici ordine circumdabat, in qua spectabantur calyculi aurei, quales videmus in herba, quæ apud nos vocatur *daccharus*, apud Græcorum herbarios *hyoscyamus*. Quod si quis, aut visam aliquando non satis animaduertit, aut nomine tenus auditam de facie non nouit, huic etiam describere eam non grauabor. Herba est tres palmos sæpè in altitudinem excedens, nâpo similem radicem habens: vix enim hac parte, est alia similior; folia verò apio-hæc è ramis emittit calyculum ipsis inhærentem, vestiturque tunica quadam, quam exiit fructu ad maturitatem tendente. Calyculus autem est, quantus articulus minimi digiti, circumferentiam habens crateri similem. Quod ipsum clariùs faciam propter ignorantes. Ina sui parte circa fundum, dimidiato globo est rotunditate similis, mox in processu, paulatim coarctatur; donec in extremitate rursus dilatatus in labrum exeat, mali punici umbilico incisuris simile, cui operculum orbiculare inhæret, quasi de industria tornatum, eminentes habens incisuras quas dixi, vt in malo punico, aculeatas, & in acutos mucrones desinentes. Continet autem sub operculo fructum per totum calyculum, herbæ Sideritidis semini similem. Florem verò fert, qui papaucris videri possit. Eiusmodi corona, ab occipitio circum tempora vtraque, procedebat: nam frontem isti calyculi non ambiebant; Sed ceu lorum quoddam latum aureum, quod Sacris characteribus Dei nomen incisum habebat.]

Videtur Iosephus coronulas soli Pontificiæ cidari adscribere, cum hæc eas expresserit, non item describens  
cidarim



cidarim Sacerdotalem. Lyranus tamen in c. 39. Exodi, in Sacerdotali quoque cidari, agnoscit coronulas; non quidem aureas, quales erant Pontificiæ, sed byssinas. Quod videtur disertè habere Scriptura Exodi 39. v. 25. vbi sic mandatur. *Facies & tunicas byssinas opere textili, Aaroni & filiis eius, & mitras cum coronulis suis ex bysso.* Quid clarius? Et ex his Sacerdotum coronulis byssinis, denominari potuere coronati. Qua ratione expedire fortassis liceat, nodum quem Prosper. Stellar- tius in opere de Coronis, habuit pro Gordio, in D. Au- gustini serm. 13. de tempo. Ait enim ibi S. Augustinus. [Tunc ille Simeon senex, famosus, annosus, probatus coronatus, tunc cognouit, tunc adorauit, infantem.] Hæret Stellartius, quomodò dictus Simeon, coronatus. Hoc puto de multis Simeonis meritis accipiendum con- sentaneè ad locum ex vita S. Epiphaniij §. de Philosopho conuerso. [O qui gestas coronam, Epiphani.] Idest ô vir multorum meritorum: fauet item locus in vita Si- meonis Sali 1. Iulij de corona solitudinis toleratæ, & de corona animarum Deo oblatarum meritis & labore sa- pientis illius fatui. Est enim corona Symbolum merito- rum; vnde qui inibant coniugium, coronabantur in sig- num seruatæ illuc vsque pudicitæ, & victoriæ de hoste interno per conseruatam corporis integritatem. Ideo- que cum celebrabantur secunda nuptiæ, præter alium apparatus qui deerat, mittebantur quoque coronæ nuptiales, vt S. Chrysostomus tradit Tractatu altero ad viduam iuniorem, siue libro de non iterando coniugio pag. mibi 339. Erat ergo ea corona in primis nuptiis, symbolum insignis virtutis, & præclarorum meritorum,

Q 3 ob



126 *De tegm. Cap. Sacr. apud Hebraeos.*

ob seruata[m] ad eum diem castimoniam. Et similiter qui multorum esse meritorum significatur, potest dici *coronatus*. Qua ratione (vt dixi,) Simeonem senem, multorum meritorum virum, dictum esse ab Augustino coronatum, alibi censui. Sed fortassis potest quoque, ex doctrina proposita, de coronato Sacerdotum Iudaicorum Capite, erui ratio alia eiusdem denominationis. Non enim est improbable Simeonem fuisse Sacerdotem, vt S. Cyrillus Hierosol. homil. de occurso Dom. & S. Epiphanius l. de Prophetarum vita, tradiderunt; quamuis Maldonato & Iansenio secus visum sit, ob silentium Lucæ de ea prærogatiua: quod tamen non est adeò firmum argumentum, vt probabilitatem sententiæ contrariæ prorsus excludat. Inhærens ergo ei sententiæ D. Augustinus, Simeonem inter Sacerdotes habere potuit, atque adeò *coronatum* denominare. Est enim sua Sacerdotio corona, iuxta illud Rabbi Simeonis in Capitulis Patrum. [Tres sunt coronæ; corona Legis, Sacerdotij, & Regni: corona autem boni nominis, ascendit supra omnes.] Apud ipsos quoque Ethnicos, *coronatum*, idem sonare quod gerentem Sacerdotium, probat Paschalius l. 4. de Coro. c. 13. ex eo quod Theopis apud Plutarchum de Socratis Dæmonio, iugulans Cabirichum Sacerdotem Tyrannorum fautorem, dixit; [Iace cum his quibus es adulatus: Neque enim liberis Thebis, tu coronabere:] idest *Sacerdotium geres*. Addit enim continenter; [Neque posthac sacrifices illis diis, quorum Numina periurio violasti, dum sæpè pro hostibus vota fecisti.] Tertullianus item l. de Idol. memorat aureas prouincialium Sacerdotum coronas: & Prudentius corona repexum aurea Sacerdotem



Sacerdotem describit. Est enim regium quid, aut etiam regio principatu multò sublimius, Sacerdotij maiestas: ut proinde mirum videri non debeat, auream coronam tametsi regium insigne, adscribi Sacerdotibus. Potuit ergo D. Augustinus ei inhærens sententiæ, quæ Simeonem censuit Sacerdotem, denominare eum *coronatum*, quia verè apud Hebræos, coronabantur Sacerdotes: sin minus omnes corona aurea quæ summi Pontificis propria erat, at lanæ, ut dictum est.

Pontificem autem Hebræorum, ob præcellentiam supra Sacerdotes reliquos, aurea corona splendere par fuit, ut quanto aurum lanæ præstat, tanto ipsum cæteris præstare Sacerdotibus, fieret manifestum. Celebrat magnificè eam Pontificiam Hebræorum cidarim, Siracides, c. 45. v. 14. quem locum ex Iosepho proximè adducto, illustrat ibi Iansenius. Vocat Siracides tegmen illud Pontificium, *gloriam honoris*, idest claritatem & veluti emphasim ac præcellentiam honoris, tantæ sublimitati meritò debiti. Vocat præterea *opus virtutis*, siue fortitudinis; quia erat opus, representans auctoritatem & potestatem Pontificiam. Addit fuisse *desideria oculorum ornata*, quia micabant in eo opere quæ visum mirabiliter pascerent ac oblectarent. *Sic pulchra, ante ipsum*, (Aaronem primum Hebræorum Pontificem,) *non fuerunt talia, usque ad originem*. Fuerunt tamen post ipsum pulchriora, ut mox attingam.

## SECTIO



## S E C T I O   X I I I .

*Quæ Nostrorum Pontificum , Cardinalium , & Episcoporum Capitis tegmina.*

PONTIFICIA Hebræorum cidaris proximè tacta, non obscuram præferebat imaginem cidaris Pontificiæ Christianæ, ut dicitur, in præfatione ad opus de attributis Romani Pontificis, cui titulus *Corona aurea super mitram*. Continet enim Pontificium hoc insigne, triplicem coronam, supra simplicem Episcoporum inferiorum mitram. Inuentum ut plerisque visum, Bonifacii VIII. in quo multa mysteria detegunt Antonius Mazaronus libello de tribus Pontificiis coronis, & Carolus Paschalius l. 9. de Coronis c. 14. & l. 4. c. 21. Fuisse tamen hoc gestamen antiquius quàm ipsi arbitrentur, nec à Bonifacio adinuentum, vel ( quod alij sunt arbitrati, ) à Paulo II. primùm inductum; sed à Paulo cum exoleuisset, fuisse reuocatum, monuit Iacobus Cardinalis Papiensis l. 2. Commentar. de rebus Pauli II. Sed quando coronas hinc iam pridem ablegauimus, non est in ista hærendum, sed obiter duntaxat dicendum, eam nunc, vnico texto, mitram & diadema comprehendere, ad binas Pontificis potestates insinuandas, æquè ac in Pontifice a Hebræorum cidari, idem expressum esse, notauit Iosephus 3. antiq. c. 8. & attingit etiam Philo l. 3. de vita Mosis. Siue autem operis maiestatem, siue mysteria comprehensa quis attendat, vel perfunctoriè; liquidò deprehendet, tantò magnificentius esse hoc nostri Pontificis



tificis gestamen supra Aaronicum, quanto differentius præ Hebræo Pontifice, nomen hæreditauit.

Sed his in præsentia dimissis, integumentum Pontificij Capitis quasi vsuarium, est *camelaucus* : Ita legendum, non vt apud Suidam *camelauxin*; vel vt apud Bedam l. 3. de tabernac. c. 8. *camelaucum*, vel *calamacum*. Nec magis cōmodè Achmet Onirocriticus c. 219. vocat *calymauchium*. Ethymologicon, deriuat eam vocem *καλὸν καὶ ψυχρὸν καὶ χιτῶνα*, quod *prohibeat calorem*. A Beda supra, dicitur esse pileus, in modū paruulæ cassidis; extēsus supra summitatē Capitis. Huiusmodi ergo Capitis tegmine, vti solitum Romanū Pontificē, scribit Anastasius in *Constantino Papa*, cuius magnificentissimum ingressum Constantinopolim, describens, ait. [ Pontifex & eius primates, cum sellaribus Imperialibus, sellis & frænis inauratis, simul & mappulis, ingressi sunt Ciuitatem : Apostolicus Pontifex cum camelaugo, vt solitus est Romæ procedere. ] Non videtur hoc tegmen Capitis tum Pontifici vsuarium, aliud fuisse quàm pileolus purpureus, quo semper operitur; cuiusmodi Camelaucis vsos item Imperatores, docemur ex Constantino Porphyrogenito in Chorographia. Alterius materiæ erant, quæ eo nomine passim apud Italos donabantur Capitis tēgmina, quæ Cedrenus in 1. ita memorat. [ Est & aliud genus Sportæ, quæ pilei loco Capiti imponitur; Italis *Camela* dicta, vnde & *Camelaucia*. ] De Camelaucio, pluscula Rosueydus in Onomastico V. *Camelauchium*.

Secundū Pontificem, eminent in Dei Ecclesia Cardinales, vt latè probat Manfredus l. de Cardinalibus c. 6. & Albanus de Cardin. q. 6. Cardinalibus ergo pileus &

R galerus



galerus ruber, concessus primùm ab Innocentio IV. in Concilio OEcumenico Lugdunensi anno 1241 vel anno 1245. (vt Spondanus in Breuiario statuit.) in perugilio Natalis Domini, creatis 12. Cardinalibus eo loco dignissimis, inter quos Hugo de S. Caro Ord. Prædicatorum, scriptis gestisque notissimus. Non desunt tamen qui multo antiquiorem pilei rubri vsum fuisse contendunt, & initio omnibus Episcopis fuisse communem statuunt. Ita Erasmus l. 3. de ratione concionandi; eo referens factum D. Augustini, qui repudiavit pileum *pyrrhum*, idest *rubrum*, dicens talem byrrhum decere Episcopum, at non decere pauperem Augustinum. Ita vir Sanctus serm. 50. de diuers. Verùm neque D. Augustinus repudiavit pileum *pyrrhum*, vt absurdè refertur: neque byrrhus quem ob pretiositatem repudiavit, erat merum Capitis tegmen, cuiusmodi est hodiernus Cardinalium pileus, atque galerus. Æquè extra rem est quod Pancirolus l. 1. thesau. var. lect. iuris c. 81. ait *byrrhum* significare pileum quadratū, quod probat ex Actis S. Cypriani, qui Capite minuendus byrrhum deposuit. Sed quid hoc ad pileum quadratū, vel etiam ad pileum? Non minùs absurdè vetus Iuuenalis Scholiastes ad illud Satyræ octauæ.

— *Si nocturnus adulter*

*Tempora Santonico velas adoperta cucullo.*

Existimauit his verbis significari, quem Græci Κόκκον, Latini *byrrhum* appellant. Absurdè omnino. Nam *coccus*, granum est valdè rubens; vnde vestes *coccineæ*, vel neutro genere *coccina*, apud Martialem l. 2. epigr. 43. aut *coccea*; vt habet lectio emaculata apud Ieremiam, eo versiculo, *qui nutriebantur in cocceis* (vulgo minùs aptè,) *in croceis, am-*  
*plexati*



*plexati sunt stercora.* Quid igitur cocco & byrrho? cum coccus grani vel coloris nomen sit, byrrhus verò indumenti, quod poterat non esse pretiosum, quale semper est coccineum? Nam *byrrhum* fuisse quoque pauperibus accommodatum, Augustini proposita verba demonstrant, nec non Acta S. Deicoli c. 4. & habetur etiam ex illo Persij versu Satyra 1.

*Scis comitem, byrrhi tetra donare lacerna.*

Nec non ex illo Aufonij ad Drepanium.

*Nobilis horribili iungatur purpura burra.*

*Burrum* enim dicebant antiqui, Festo teste, quod postea *ruffum*, vel græca voce *byrrhum* est dictum. Quamquam S. Gregor. l. 7. reg. epist. 5. *byrrhum albam*, in baptismo datam agnoscit. Denique in Cod. Theodos. cum habitus cuique pro conditione definitur. lib. 14. l. *sine exceptione* tit. de habitu, in hunc modum legimus. [Seruos omnium, (quorum tamen Dominos sollicitudine constat militiæ non teneri,) aut byrrhis uti permittimus, aut cucullis] Vbi vides, *byrrhum* aliquem, fuisse vile indumentum, & seruis accommodatum. Esto possint item dari byrrhi pretiosi, quales à se ablegabat D. Augustinus, & à Monachis Isidorus in regula c. 14. nec non Cassianus l. 1. c. 7. E contrario, Episcopis in usu fuisse byrrhos, legimus: ut S. Athanasio ex Palladio in Lauf. c. 51. S. Nonno ex Actis Pelagiæ pœnitentis c. 12. S. Briccio ex Gregorio Turonensi l. 2. histor. Franc. c. 1. & ex Honorio serm. de S. Briccio. Item S. Cypriani acta ferunt, cum plectendus esset, exuisse *byrrhum*; inde Dalmaticam, & sic in linea expectasse spiculatorem. Alibi dicitur exuisse se *lacernum byrrhum*. Vbi iunguntur *byrrhus*

R 2 &



& *lacerna*, quæ Seuerus i. Dial. c. 14. discriminat, byrrhum rigentem statuens, lacernam verò fluentem. Erat ergo byrrhus in vsu Episcoporum; proindeque potuit esse pretiosus: vnde in Concilio Gangrensi c. 12. compescuntur sub anathemate, Monachi qui palliis vrentes, damnabant vrentes byrrhis cum reuerentia. Quod Cujacius ad lib. 11. Cod. tit. 8. de vestib. holos. *byrrhos* fuisse sericas vestes censuit, quas Græci *Buress* appellabant, vt aiunt Zonaras, & Theodoretus ab eo adducti, non placet: Cum byrrhum fuisse genus vestis quod seruire esse poterat, nec pretiosum necessario erat, sit demonstratum. Plura de byrrho Laurentius Landmeter l. 1. de vet. Cler. Mon. parte 1. c. 12. Salmasius ad Vopisci Carinum, Rosuedius in Onomast. V. *byrrhus*. Molanus l. 3. de Canonjc. c. 8. Lælius Bisciola tom. 2. subsec. lib. 16. cap. 8. & Pennotus l. 1. histor. Canon. regul. c. 22. qui concludit, *byrrhum* fuisse cappam cum caputio, cuiuscunque demum esset coloris. *Palliolum* vocat Gregorius Turonensis agens de S. Brictio, qui in suo byrrho prunas collocauit ad innocentie suæ assertionem; vt suspicio esse possit, byrrhum fuisse pallium multo breuius, quale super albam tunicam gestant Episcopi. Qualecunque verò indumentum fuerit; (venit enim nomine vestis, & eius definitionem admittit, ex Martiano Capella de nupt. Philol. l. 4.) longè aliud fuit à pileo rubro, nec fuit solis Episcopis peculiare Capitis tegmen, vt blaterabat Erasmus.

Pileum itaque & galerum rubrum, qui ex Innocentij IV. decreto quod referebam, Cardinalibus in vsu est, nunquam fuisse proprium Episcoporum, ratum esto. Quanquam



Quamquam aliquos Antitistes extra Cardinales, post Innocentium IV. id genus tegminis sibi arrogasse, intelligitur ex Pauli II. decreto, & pœnis in delinquentes statutis, ut Platina qui aderat, scribit in Paulo II. Vñs tamen legitimus, Cardinalium duntaxat semper fuit: quos Martinus Polonus qui Innocentij avum attigit, testatur purpureo illo Colore donatos, ut meminissent, si res ferret, occumbendum sibi esse pro Ecclesia, & ceruices gladio messori subiiciendas. Acris enim hyems à Federici II. Imperatoris malignitate, Ecclesiam infestabat, nec deerat Martyrij occasio. Eodémque reuoluitur, quod ait Ludou. Viualdus in Opere Regali, Tract. de 12 persecutionibus, in suasionem ad Carolum de Carreto creatum Cardinalem. [Pileus (inquit,) rubeus datur Cardinalibus, quia igne amoris & charitatis, pro Ecclesia Christi ardere debent, & ex Charitate omnia facere, ut mente ac spiritu, etiam Martyrio non deficient.] Idem fortitudinis & charitatis siue incentiuum siue monimentum, ex attributo Cardinalibus purpureo Colore, proponit S. Antoninus 3. p. summæ maioris titulo 21. cap. 1. §. 2. & Ciaconius in Innocentio IV. Et eodem recidunt quæ in hanc rem profert Petrus de Alliaco l. de potest. Eccles. par. 1. c. 3. Possumus etiam meditari cum Facundo Hermianensi l. 12. c. 4. Zenonem Imperatorem admonente, purpuræ colorem, significare flammam curarum, quibus perpetuò circundari debent Cardinales. [Si hoc ipsum (aiebat Zenoni Facundus,) quod tibi omnia licent, caminum esse tuæ probationis intelligeres, etiam ipsius purpuræ qua vestiris, specie, idest color-

R 3 re,



re, semper admonitus, velut in medio flammæ te crederes constitutum.]

Germanissima tamen ratio purpuræ Cardinalibus attributæ, petenda videtur, ex significatione participij, aut potius vicinæ, potestatis Cardinalium ad summam & Regiam Pontificis in Ecclesia potestatem. Fuit enim purpura iam olim, Regium indumentum: ut idcirco Constantinus Magnus, usum purpuræ Pontifici Romano in signum Regiæ potestatis attribuisse legatur, & eo privilegio caruisse Patriarcham Constantinopolitanum testetur Balsamon in prima Melera: [quia (inquit) non coronatur loco Regni: & idcirco neque cocco tinctis calceis se spectandum præbet, neque alio privilegio veteris Romæ utitur.] Apud Nicetam Choniatem l. 1. histor. Alexandr. datis purpureis calceis designatus est Imperator, similiter apud Nicephorum Gregoram l. 4. Irene filia Alexij, quia destinata hæres Imperij, iubetur rubras inducere. Literæ rubro sigillo & serico munitæ & conchæ sanguine pictæ, propriæ erant Imperatoris. Videsis Nicetam Choniatem l. 1. de gestis Manuelis *ferè initio*, & Georgium Logothetam in Chronico Constantinopol. Ipsi Domestici Imperatoris ut spectare ad eius familiam agnoscerentur, Clauo purpureo vestem inoculabant, ut affirmat S. Dorotheus doct. 1. Ut ergo innueretur coniunctio Cardinalium cum Romano Pontifice, tanquam Ecclesiæ Principum cum Rege, donati sunt purpura. Et videre est apud Georgium Logothetam in Chronico Constantinopol. *pag. mihi 399.* Pelagium Romani Pontificis Legatum, (utique Cardinalem,) ante  
Inno



Innocentium IV. habuisse talaria purpurea, & vestem, ac sagum, ac etiam frœnum purpurei coloris; in signum participatæ Regiæ in Ecclesia potestatis summi Pontificis. Eodem ergo spectat pileus, & galerus purpureus Cardinalium ab Innocentio IV. attributus. Nam vestem purpuream, communem omnibus Cardinalibus, fecit post Innocentium IV. Bonifacius VIII. vt in eius vita asserit Ciaconius, & Hieronymus Albanus de Cardinal. q. 8. quanquam plures tribuant Paulo II. à quo id statutum dicunt anno 1464. Sabellicus Ennea 9. l. 6. Platina, & Volaterranus. Quanquam Azor Tomo 2. l. 4. c. 3. q. 18. coccineum duntaxat pannum ad ephippiarium instragulum à Paulo Cardinalibus concessum, tradit.

Et congruit sanè Cardinalibus vestis eo colore, tum ob coniunctionem cum Summo Pontifice nunc tactam, tum etiam quia eorum est Duces agere in præliis Domini. At præliantibus & maximè Ducibus, apposita est vestis rubra & purpurea, idque est quod Plinius lib. 22. cap. 2. coccum ait Imperatoriis dicatum paludamentis. Et ita olim tulit vsus, quod de Laconibus agens sic tradit Ælianus l. 6. var. histor. c. item 6. [Purpuram in præliis induere, necessitas fuit. Color ipse habet nescio quid augusti. Deinde fluorem sanguinis è vulneribus occulit. Denique cum purpuræ aspectus acrior sit & terribilior, hostem percellere potest.] Sic rectè, eum locum ab alio Interprete luxatum, exprimere par est. Carthaginensibus pugnantibus idem color placuit, ex Silio cuius illa sunt l. 3.

— *Rubra velamine vestis,*  
*Ars erat in pugna fusum occuluisse cruorem.*

*Flu.*



*His rector fulgens ostro super altior omnes  
Germanus nitet Annibalis.*

Iberes purpureis vestibus in pugna amictos more patrio, fuisse hostibus terribiles, prodit Polybius lib. 3. Potuit ergo hanc quoque ob causam, præter aliam iam propositam, attribui Cardinalibus purpura, tanquam Ducibus in bellis Domini; aut Triariis in præliis Ecclesiæ, contra Satanam & Dei hostes.

Si quis malit ad dignitatem in Ecclesia veluti Senatoriam, usum purpuræ Cardinalibus attributæ referre, non refragabor. Senatorum quippè Ecclesiæ munus, dignitate Cardinalitia conferri, Palæotus in Opere de sacris consultationibus, & alij tractantes de Cardinalibus, agnoscunt. At purpura Senatoribus in usu erat. Idque est quod Plinius l. 9. c. 36. ait, purpuram distinguere ab Equite Curiam. Nec illud ab hoc loco alienum, quod Plinius ibidem ait, purpuram Diis placandis aduocari, omnemque vestem illuminare; nimirum quia prætexebatur. Addit Hieronymus Catena, dissertatione de concedendo Cardinalibus è Religione assumptis, pileo rubro; qui inter Philosophos sapientiæ laude fuere celeberrimi, purpura esse amictos, Empedoclem, Hippiam, Gorgiam, Porphyrium, & alios: quod vnde habuerit, mitto quærere. Hæc omnia ad purpuram Cardinalibus attributam, non difficile possunt accommodari; & nominatim ad pileum purpureum, cuius usus ad Gregorium usque XIV. negatus Cardinalibus è Monachismo assumptis ad istos quoque ab eo Pontifice extensus est anno 1591. Nono Iunij.

In pileo Crux supernè efformatur, æquè ac in pileo Clericorum.



Clericorum. Vnde etiam monentur Cardinales, tesseram hanc Regiæ suæ dignitatis, non minùs Crucem & Martyrium præferre, quàm coronam Regiam, cui nomen *Martyrij*, in scriptura inditum, notavit Procopius in l. 4. Reg. ad c. 11. Sanè S. Carolus Borromæum, quo flagrabat Crucis amore, nunquam purpureum pileum suum Cruciatum, deponere solitum, & in ipsa etiam ægritudine extremos trahentem spiritus, eo amictiri voluisse, produnt eius Acta pleniora. De hoc pileo, librum edidisse fertur Scapius, hætenùs mihi non visum.

Vnum singulare pilei huius priuilegium proferunt aliqui, vt si alicui reo dum ad supplicium deducitur, super caput ab obuio Cardinali imponatur, liber dimitti debeat, effugiaturque supplicium. Non secus ac olim, vestales, referente Plutarcho in Numa, si casu incidissent in reum morti addictum, exolvebant illum & subducebant cruciatibus. Tradunt quod dixi de Cardinalibus, Bald. in l. addictos C. de appellat. & ibidem Abbas & Salyc. & Paulus de Castro. Cepola cautela 2. Barbat. Tract. de præstant. Cardin. q. 9. Iason §. *pænales*. Instit. de action. Hippol. de Marfil. singul. 273. Martinus Laudensis Tract. 1. de Cardinal. q. 6. & tract. 2. q. 47. Felin. ad c. *querenti* de Offic. deleg. Tiraquellus de pœnis causa 55. Marquardus de Susanis tract. de cœlibatu Sacerdotum non abrogando cap. 9. num. 26. Hieron. Albanus de Cardinal. q. 42. qui vnum adducit in contrarium Antonium Corsetum in suis singularibus vris. *Cardinalis*, & singula eius argumenta dissoluit Fatetur tamen Albanus, excipi crimina quædam, vt lætæ maiestatis, & falsi;

S Idem



Idem de crimine falsi, notant plerique adducti à Cenedo  
p. 2. collectan. ad Decretales, Collect. 26. & 115. num. 4.  
ac 139. num. 10.

Cæterum quod de pileo rubro dictum est, æquè ap-  
tari potest ad rubrum galerum, quo item vtuntur Car-  
dinales. Et simili galero rubro ob similem finem dona-  
tum piissimum Regem Scotorum Vuillelmum ab Inno-  
centio III. insuperque ense, scribit Hector Boëthus.

Episcopis peculiare Capitis tegmen est, viridis gale-  
rus, & mitra. Vtuntur quidem mitra alij quoque; sed  
vel prout Episcopi, vel ex priuilegio: quod in Abbati-  
bus improbabat Petrus Blef. Epist. 90. & S. Bernardus ad  
finem Epist. 42. Viridi autem galero, vtuntur soli Epi-  
scopi, ita vt in Clero Christiano, hæc sit nota gradus in  
religione sublimioris, sicut Petrus Bellonus l. 3. obseru.  
cap. 24. notauit, apud Tureas, viridem tiaram, esse ma-  
joris religionis insigne, nec caligarum aut vestium viri-  
dium vsum vlli concedi, præterquàm iis inter ipsos no-  
bilibioribus, qui ad Mahumetem genus suum referre pos-  
sint. Nolo ego ex adeò cœnosa scrobe haurire vsum  
Christianum, hac in parte vigentem. Sed malim dicere,  
viridem colorem admonere vigentis studij, quod viui-  
dum sit, nec marcescat. Sicut plantæ quamdiu virent,  
vigent; nec vel à colore sub nube torrente tabescunt, vel  
ab vligine nimia putrescunt. Quid si etiam viror, qui  
in herbis nota est propagationis, iuxta illud Genes. 1.  
*Germinet terra herbam virentem, & facientem semen.* Com-  
moneant qui eius coloris galerum præferunt, non esse  
illis otiaandum; sed eorum esse, propagare sobolem  
sanctam Deo, in agro Ecclesiæ? Viderint verò quibus  
venustas



venustas muneris Episcopalis arridet, ne significatum sit illis hunc esse virorem mox exsiccandum. Sicut corpora pulchritudo mox marcens, caducitate fœni virentis mox exsiccati, adumbratur in Scripturis, vt perpulchrè prosequitur S. Ambros. 3. hexaëin. c. 7.

Mitra Episcopalis bicornis, & patulo curuamine superne hians, responder pileo cornuto priscorum Sacerdotum Ethnicorum, quem in Nabide Ammonis Sacerdote, sic describit Silius l. 15.

*Ardebat gemma garamantide, cerula vestis:  
Ut cum sparsa micant stellarum lumina cœlo,  
Et gemmis galeam clypeumque accenderat auro:  
Caside cornigera dependens infula, sacros  
Pra se terrores Diuumque ferebat honorem.*

Cornuta item erat Bachi mitra, vt meminit Lucianus in Bacch. indèque Bacchus Κεράσφορος siue corniger, est denominatus. Non nemo mitram vocat *infulam*. Imo Hugo Victorinus l. 1. de Sacram. c. 55. mitram, tiaram, infulam, pileum, pro eodem accipit. In rigore tamen, aliud fuit *infula*, aliud *mitra*. Infula enim erat fascia lanea, partem Capitis capillo rectam ad bina tempora aperiens, vtrinque astricta ac dependente vitta; vt propterea vittæ & infulæ sæpè confundantur; in quam rem. differit copiosè & eruditè Bernartius ad l. 5. Thebaidos Statij ad V. 678. ac proinde idipsum erat *infula* in Pontifice, quod *diadema* in Rege: Videfis Paschaliū l. 4. c. 22. At mitra aliter se habet, vt notum est. Non rarò mitra, *phrygium* dicitur. Vt cum S. Cælestinus I. dicitur misisse S. Cyrillo *phrygium*. Baronius quidem anno 430. id accipit de pallio, indice plenissimæ potestatis. Nicepho-

S 2 rus



rus autem l. 14. c. 34. id accipit de mitra. Nam eodem modo accipitur phrygium in Edicto Constantini, quod agnoscit ea in parte Leo IX. Epist. ad Michaellem & Leonem cap. 13. Item S. Isidorus l. 19. Orig. c. 31. *phrygium* interpretatur, pileum Caput protegentem. Optime Sugerius Abbas in vita Ludouici Crassi. [ Circundantes Capiti eius phrygium ornamentum Imperiale instar galeæ circulo aureo concinnatum, imponunt ] Et optime quoque ex ipsis Græcis hanc Phrygij notionem illustrat Eugubinus sub finem libri primi contra Vallam pag. mihi 263. Phrygium ergo à Cœlestino transmissum Cyrillo, est mithra phrygio opere constans; quali fortassis post Constantini donationem utebatur Romanus Pontifex. Quod enim in eo donationis Constantini edicto, Balsamon, *lorum* cuius ibi quoque fit mentio, accipit pro mitra, rectè reiicitur à Gretsero ad Codinum l. 1. c. 16. n. 12. Disertè enim in edicto illo, *lorum* secernitur à *Phrygio*, quod mitram sonare non est dubium. Nouum porrò videri non debet; quod mitram à Cœlestino transmissam dicamus ad S. Cyrillum, cum constet Gregorium VII. transmisisse B. Anselmo Lucensi [ mitram Capitis sui, tanquam potestatem suam ligandi & soluendi, ] vt refert Baronius anno 1085. Similiterque Innoc. II. ablatam de Capite suo mitram, Capiti S. Malachiæ imposuit, indicem plenitudinis potestatis. Sic igitur sentio de phrygio ad S. Cyrillum transmissio, à Cœlestino Papa, quo postea vsos S. Cyrilli successores, prodit Nicephorus. Ex quo vides, vsum mitræ esse in Ecclesia perantiquum, quamuis recentius sit, vt auro, & attextis gemmis exornetur : quod non ante  
annos



annos sexcentos accidisse, scribit Onuphrius in calce libri de vocibus Ecclesiasticis obscurioribus. Et sanè mitra S. Sylvestri, Auenione Romam transmissa, linea erat & alba, eamque procedentem gestasse Eugenium IV. scribit in eius Actis Platina. Et verisimile est, fuisse mitram, qua ante phrygium à Constantino acceptum, utebatur S. Sylvester; vel certè fuisse mitram minùs solemnem, & quasi vsuariam. Qui autem scripsit, vsum mitræ ante annos sexcentos fuisse Ecclesiæ incompertum, vel ex hoc exemplo satis reuincitur. De significatione geminorum cornuum mitræ Episcopalis, varij varia statuunt. Petrus Gregorius l. 15. Syntagm. cap. 12. existimat insinuari binis illis cornibus, necessariam Episcopo cognitionem vtriusque Testamenti. Paschalius l. 4. de Coro. cap. 21. putat significari geminas dotes præcipuas, Episcopo consentaneas; scientiam videlicet, & sanctitatem. Quo eodem iure dicere licet, significari charitatem in Deum & in proximum, Episcopi propriam quarto modo. Vel certè significari sui & aliorum curam. Eo quippè Blesensis serm. 40. refert binos cereos ardentes, quos ait adhiberi, cum Pontifex Romanus, aliquem inaugurat. Quodcunque horum eligatur, perinde est ad rem nostram.



## S E C T I O   X I V .

*Pileus Sacerdotum & Clericorum.*

**R**ELIQUO Clero communis est pileus, quem etiam Episcopi extra solemnitates usurpant. Alicubi tamen non Clerus vniuersus; sed soli Sacerdotes, aut qui in Clero eminent iam insigniti sacro ordine, pileo vtuntur. Ita seruatur in Ecclesia Metropolitana Lugdunensi, in qua nulli infra Sacerdotes, siue in choro, siue extra chorum, conceditur vsus pilei, præterquàm iis è prima nobilitate Canonicis, (Comites passim audiunt, titulo ei gradui confertò,) qui iam subdiaconatu sint initiati. Cæteri omnes, ac ipsi etiam Comites nondum sacro ordine insigniti, nudis Capitibus in choro adsunt, & domum nudis regrediuntur Capitibus, vt me vir Doctus Comitum primarij frater Ioannes à S. Albino admonuit. Affine est, quod item apud Gotthos soli Sacerdotes, omnibus laicis exclusis, sunt pileati. Audi enim Iornandem l. de rebus Gotthicis num. 35 [Dicerus Gotthus è Gotthorum gente, elegit nobilissimos & prudentiores viros, quos Theologiam edoctos, fecit Sacerdotes, nomen illis *pileatorum* contradens: (vt reor,) quia opertis Capitibus tiaris, quos *pileos* alio nomine nuncupamus, litabant: reliquam verò genrem, *Capillatam* dicere iussit; quod nomen, Gotthi pro magno suscipientes, adhuc hodie luscantionibus reminiscuntur.] Viderit Curiosus Lector cui sano D. Augustini Codice frui contigerit, num tale quippiam de Africanis ab eo insinuetur, Tract. 7. in Ioan. cum de seductione Christianorum, per adhibitum



bitum dolosè nomen Christi. Nam noster quidem Codex fœdè corruptus est, nec bonus sensus elici potest ex illis verbis. [Noui aliquo tempore, illius pileati Sacerdotem, solere dicere; & ipse pileatus, Christianus est.]

Forma pilei Clericalis, inter Christianos non est ubiuis eadem. De extremis orbe toto Moschis, ita Sigismundus Baro Commentario de rebus Moscouiticis. [Sacerdotes vestitum propè laicorum habent, extra biretum paruum & rotundum, quo rasuram tegunt, pileum amplum contra calorem & imbres superimponentes: aut pileo oblongo ex castorum pilis, colore grisco vtuntur] vsus huiusmodi oblongorum pileorum, frequens est Clericis in oris Septentrionalibus. Alicubi forma pilei Clericalis est rotunda, vt videre est apud Barbosam allegat. 9. Passim alibi vsurpatur forma quadrata, quam pilei formam ad Clericos Christianos deriuatam esse à Regibus Persarum, Armeniorum, ac Medorum, affirmat Pancirolus l. 1. var. lect. iuris c. 21. Persas quoque & Lydos Dynastas, pileo quadrato vsos, ait Caracciolus ad regulam Theatinor. parte 2. cap. 2. §. *pileus* adducto Dionysio Halicarnasseo l. 3. Sed Dionysius non agit de regimine Capitis, sed de veste quam Lydis & Persis fuisse quadratam, (cuiusmodi apud nos est Diaconorum,) obseruat Hadrianus Iunius l. 1. animaduers. c. 13. Verba Dionysij rem clarè conficiunt. Describens enim reditum Legatorum Ethruriæ, ad Tarquinium, ait eos attulisse. [Principatus insignia, quibus suos Reges ornare consueuerant; coronam Regiam, & sellam eburneam, sceptrumque in summitate habens aquilam, & purpuream tunicam auro distinctam, purpureumque amiculum varium;



144 *De Pileo Sacerdotum & Clericorum.*

rium, qualia Lydorum atque Persarum Reges gestarunt: nisi quod non quadrata, ut illa, sed figura erat semicirculi. Hoc vestimenti genus, Romani *togam*, Græci *τηβέννον* appellant.] Nihil ut vides, apud Dionysium est, pro pileo quadrato ad Lydos vel Persas referendo. Allegantur verò in eandem sententiam à Pancirolo c. illo 21. Plutarchus in Artaxerxe, & in Antonio, Arrianus l. 6. gestor. Alex. Curtius l. 3. Athenæus l. 12. c. 3. & Alexander Neapol. l. 1. c. 28. Sed quod hi autores de veste quadrangula dixerunt, cur ad pilei formam quadratam sit relatum, non aduerto: Et fortassis, ab hoc Autore in errorem impactus est, prior quem adducebam. Neque tamen inficior; formam quadratam in pileo Clericali esse perantiquam. Argumentum ducit Caracciolus ad regulam Theatinor. parte 2. c. 2. §. *pileus*, ex effigie Tertulliani quæ eum pileo quadrato opertum exhibet, cui triplex pilula seu globulus, fortè ad Trinitatis adumbrationem inseritur. Idem ferè pileus cernitur Romæ, in perantiqua pictura S. Sylvestri, astante Sacerdote pileato. Item quod Pierius l. 40. c. de pileo ait, sua ætate renouatum esse pridem antiquatum Romanorum morem, pileos è frustis confutis concinnandi Sacerdotibus, si de Romanis Christianis, & quadratorum pileorum apud eos pro Clericis usu intelligatur, bellè fauet antiquæ formæ huiusmodi Clericalium pileorum: quicquid sit an usus ille sub ætatem Pierij, (hoc est ante seculum) exoleuisset: quod ægrè admiserim; & fortassis à Pierio refertur non ad formam, sed ad materiam nostratum pileorum, ex pannis confutis concinnatorum.

Cur quadrata sit pilei forma, variæ causæ excogitari possunt.



possunt. Plerique ad Crucis expressionem in pileo referunt : atque ita in Crucis formam Clericalem pileum efformatum volunt. Qua ratione non aliqui duntaxat Clerici essent Cruciferi, sed omnes : contra quàm apud Græcos, aliqui tantùm à Cruce in pileis efformata dicebantur *Cruciferi Cardinales*, ut notat Spondanus anno 1438. num. 12. Facit verò ea Crucis expressio in pileo, ne unquàm excidat Christi in quatuor orbis plagas Dominatus per Crucem comparatus, ut philosophatur S. Prosper in Opere de promiss. p. 2. cap. 10. exponens virgam nucinam Aaronis, & monstrans nucem continere septum medianum in formam Crucis quod Christi crucifixi dominatum in quatuor orbis plagas bellè repræsentet. Videntur sic accepisse quadratam huius pilei formam, ut sit formæ Crucis expressio, Homobonus 1. p. tract. 3. q. 7. (referens tamen quatuor pilei angulos ad quatuor ligna è quibus Crucem compactam ferunt,) & Caracciolus ad regul. Theat. p. 2. c. 2. §. *pileus* : inde admonens, & manè cum sumitur pileus, & vespè cum deponitur; figendum esse pileo osculum. Pierius ad quatuor mundi cardines, quadrangulam pilei formam refert, ut mox subiungam.

Quid si dicamus insuper, eandem esse huius formæ quadratæ rationem, quæ quondam quadrati, quod viris aut ex muneris quod obibant debito, aut virtutis eximie decore perfectis, quondam supra verticem collocabatur? Hoc verò fuisse superstitem indicium, dixit Ioannes Diaconus l. 4. vitæ S. Gregorij c. 34. ita ut ex usu pictorum illius temporis, homo cui ea tabula appingebatur; significaretur adhuc vivere, & superstes po-

T fuisse



146 *De Pileo Sacerdotum & Clericorum.*

fuisse v. g. alterius monumentum. Quod Alemannus dissert. de parietinis Lateran. cap. 7. Sexcentis p[ri]scarum imaginum testimoniis confirmari posse scribit; etiamsi perrarò vita quoque functis adhibitum id genus ornamenti esse contigerit more erga viuentes seruato, ad defunctum quempiam, extenso, per oscitantiam vel imperitiam apponentium id genus ornamenti. Cum autem idem cap. 9. ex innumeris antiquis imaginibus confirmet, iis tantum qui cum dignitate ac imperio essent, puta Pontificibus Maximis, Episcopis, nonnunquam Monachorum Præsulibus, Imperatoribus, ac Regibus qui cum potestate populis præsent, adhibitam esse huiusmodi tabulam, quid vetat arbitrari, hanc fuisse veluti mortis aliquando consecuturæ monelam, quæ postea, vt fert abusus in plerisque ad pompam ex necessario usu translatis, degenerauerit in vmbellam solis Principibus adhiberi solitam? Mortis monelam dico, idest operculum loculi condentis cadauer, qua planè ratione efformatur illud quadratum: (sic dicatur à quatuor angulis, tamen si reuera erat altera parte longius, non exquisitè quadratum.) Sicut ergo triumphatori ponè affidebat, qui mortis & caducitatis fortunæ submoneret, ne efferretur; ita viro Principi, aut sub potestate constituto, dum viueret, & tumoris periculum ex potestate ingrueret, videri potest esse adhibitum illud quadratum, operculi mortuarij formam referens, quod mortis commoneret. Vnde non malè à Ioanne Diacono dictum est *iudicium superstitis*, quia Defuncto superuacua foret ea monitio. Non video cur hæc coniectura debeat vana videri. Neque tamen obluetabor pertinaciter, si cui hæc sit tanquam



quam nota præcellentia, eodem modo quo nunc umbella quadrata, confidentibus viris Principibus superponitur. Qui fortassis vsus, mutato situ collocationis tabulae, ex illo de quo ago manauit, & ad ipsam quoque Diuinam Majestatem inter nos exhibendam est traductus. Videmus enim super diuinam Eucharistiam cum circungestatur, deferri umbellam, quæ vulgo dicitur *baldachinum*. Super eam item in altari asseruatam; & subinde super altaria absque asseruata inibi Eucharistia, attolli huiusmodi umbellam, & operimentum quadratum. Cuius rei luculentum exemplum recitatur in Actis S. Theoctistæ Lesbiae, cum agitur de altari in templo B. Mariæ in Insula Paro. Ex quibus colligitur, illud quod dicebam, quadratum, significasse videri viros illos esse tetragonos, qua ratione Methodius l. de virginit. actione vitæ & consilio *ἄνθρωποι τε νόμοι τε τετραγώνους quadratos* dixit, viros perfectæ virtutis. Nec aliter Christianum perfectum, *quadratum* esse oportere, S. Gregorius tradit homil. 21. in Ezech. Et affinia habent Origenes ligna arcæ quadrata ad Christianos sapientes accommodans hom. 2. in Genes. & qui eum expressit S. Ambrosius l. de Noë & Arca c. 6. nec non Nyssenius l. de vita Mosis. In pictura certè Lateranensi, Constantini Magni, quatuor virtutum distinctè exhibitarum tetractis, Capiti eius imminens, expressa est, iussu Leonis tertij. Eodem igitur, symbolice (si lubet) referatur quadratum viris præcellentibus apictum, & consimilis sit quadratæ pilei formæ causa.

Quærit porrò loco supra allegato Pierius, quorsum in quadrata huius pilei forma, desideretur ferè semper quarta costa. Neminem quippè fugit, huiusmodi pileum è

T 2      quatuor



quatuor costis assugere, quibus Crux integra, extans efformaretur, nisi quarta intorsum versa lateret. Rationem ducit idem Autor, ex significatione quatuor mundi Cardinum per costas illas: unde quarta in plicam desidit, quasi describens polum quem sub pedibus styx atra videt, manesque profundi. Vt ergo significetur, nos semper cœli memores esse oportere, eius figura quadam Caput contegimus. Quamuis autem supponamus cum aliis, quadrangularem formam pilei, Crucem exhibere, dici potest, Crucem non extare supra totum pileum, nisi imperfectam, ut significetur, nostrum esse adimplere quæ desunt passionum Christi, ut Paulus dixit. Esse inquam Clericorum, subiungere mortificationem suam, perfectionibus Christi. Physica verò ratio sic efformandi pileum, ut una costa subsidat, est, ut structura pilei sit firmior, nec costæ omnes concidant intorsum, & grauent Caput.

Alio Schemate mystico, pileum quadratum quo in sacris duntaxat vtuntur, expressere nuper Sinæ Neophyti; ut lego in annuis literis Sinensibus anni 1621. pag. 236. In quam rem est recolendum quod supra attigi, apud Seres, siue Sinas, nefas, & saltem apprimere inurbanum esse, Capite vnquam esse nudo. Is enim est habitus eorum qui ad patibulum rapiuntur. Itaque Sinæ Christiani, tunc tantum Capita aperiunt, cum de peccatis confitentur. Tunc enim ut se criminosos ac reos profiteantur, nudant Capita. Cum ergo esset apud eos probrosum, quod Sacerdos sacrificans, esset aperto Capite, institere apud Paulum V. ut pateretur eos seruire consuetudini, nec Sacrificium dehonestari vellet nudatione Capitis, Sacerdotis



dotis sacrificantis. Annuit Pontifex, dummodò tegmen Capitis, super Sacrum duntaxat & rem Diuinam, vsui esset; & à profano discreparet. Quare Neophyti, nouum genus pilei ingeniosè sunt architectati, quod esset in superiori parte perfectè quadratum, & à vertice vsque ad medium vnus cuiusque è quatuor eius angulis, pendente filo pretioso tripartito ornatum: ita vt in toto regmine, appareant duodecim partes, ad inuicem seiunctæ. Ad quamlibet partem, extat porta acu facta, Phrygio opere. Sic exhibere voluerunt Hierusalem sanctam in quadrato positam, & duodecim portis insignem.

Clausulam apponam, si obiter retulero potiùs quàm discussero solemne dubium de laicis ad sacra ministeria non destinatis, & vt est per se euidentis à literarum professione alienis, qui in quibusdam Clericorum Regularium cœtibus, sicut communi toga vtuntur, ita & pileo. An is vsus ad abusionem pertineat, iure ambigi potest, non modò quia à principio non fuit sic; sed etiam quia gestatio insignium probatæ doctrinæ, vel sacri ordinis, aut destinationis ad illum, non debet falsitate & reali mendacio laborare. Adhæc, origo huius vsus, fuisse videtur, superbia laicorum affectantium supra gradum suum eminere, saltem externa specie; Et accessit mollires eorum qui huiusmodi laicorum obsequia propensiora captabant. Tandem in talium insignium doctrinæ vel ordinis, gestatione, per laicos, non deest periculum implanationis simplicium. Nihil enim procliuus est, quàm vt alij laici cernentes personam pileo Sacerdotali decoratam, adeant ad eam tanquam ad alterius condi-



tionis personam, consilia petitori, vel etiam exquisitori suam cum Deo conciliationem per Sacramenta, ad quæ conferenda inidonei sunt Religiosi laici. Et utinam nunquam euenerit, aut nunquam euenturum iure timeri possit, ne per immanitatem sacrilegij nunquam satis detestandam, pullus onagri in superbiam erectus, refugiens agnosci quod est, tentet e mentiri quod non potest. Indignitas est, falcem seueritatis Apostolicæ meritò interpellans.

Non videntur laici Templariorum, dedisse occasionem talia timendi; & tamen cum inter eos aliqui, vestem albam militum propriam assumpsissent, sic in eos decretum est in regula Templariis à S. Bernardo conscripta cap. 21. [Hoc quod erat in domo Dei, ac suorum militum templi, sine discretionem ac consilio communis Capituli, obnixè contradicimus, & funditus; quasi quoddam vitium peculiare, amputare præcipimus. Habebant enim olim famuli & armigeri alba vestimenta, vnde veniebant damna importabilia. Surrexerunt namque in ultramontanis partibus quidam Pseudofrateres & coniugati, & alij, dicentes se esse de Templo, cum sint de mundo. Hi nempe tantas contumelias, totque damna militari ordini acquisierunt, & clientes remanentes, plurima scandala oriri inde superbiendo fecerunt. Habebant igitur assidue nigra. Sed si talia non possunt inuenire, habeant qualia inueniri possunt in illa prouincia, in qua degunt, aut quod vilius vnius coloris comparari potest, videlicet burella. Nulli ergo concessum est, candidas chlamydes deferre, aut alba pallia habere, nisi nominatis militibus Christi.] En quanto studio Templarij, initio



tio probatissimi Religiosi suos laicos arcuerint ab usurpatione vestis propriè militum Templi absolutè dictorum. Affine est, quod Claudius de la Sangle, Magnus Magister Ordinis S. Ioannis Hierosolymitani in suo Ordine cauit quoad Donatos, (vt ipse loquitur,) siue Confratres, vetans ne Crucem albam quadrimembrem deferrent, qua equites absolutè dicti vtuntur; sed non nisi trimembrem præferrent dempto stipite superiori, vt habetur in statutis Ordinis S. Ioannis Hierosolymitani tit. 2. cap. 31.

## SECTIO XV.

### *De Camelauchis & Cucullo Monastico.*

IAM supra sect. 12. attigi, quid sit *Camelauchum*, vel *Camelauchium*: (vtrumque enim legitur in Glossariis.) Paruam Cassidem quæ supra Capitis summitatem extendatur referre, dixit Beda l. 3. de tabernac. c. 8. Extendiverò etiam aliquando supra faciem, ita vt operta huiusmodi Camelauco subduceretur prospectui aliorum, & in eum finem usurpatum esse à Monialibus, legimus in vita Mariæ, Neptis Abrahæ, quæ est inter opera S. Ephrem. Ibi c. 5. sic habetur. [Camelauchium quoque longum Capiti suo, vt facies eius velaretur, imposuit.] Et cap. 9. [Auferens quoque Camelauchium, à Capite suo.] Sicut ergo cucullis vsas quoque Moniales, mox dicemus, ita vsæ etiam sunt oblongis hisce Capitis integumentis, quæ subducerent eas conspectui externorum. Antiquos item Canonicos almutia in eundem  
finem



152 *De Camelauchō & Cucullo Monastico.*

finem adhibuisse quæ nunc Canonici seculares brachio immittunt, monstrat Molanus l. 3. de Canon. c. 5.

Commune per multis Monasticis cœtibus Capitis tegmen, est cucullus; & quam *cucullam* à *cucullo* secernit Autor Vitæ S. Deicoli c. 2. tamen *Cucullam* æquè dicere liceat, cum S. Hieronymo in Hilarione, de quo ait: [Omnes divitias suas ei derelinquens, Evangelium scilicet, & tunicam saccineam, cucullam, & palliolum.] Mox etiam addit, iussisse S. Hilarionem, se sepeliri sicut vestitus erat, in tunica cilicina, & cucullâ. Item S. Paulinus carm. 13. ad Cytherium de homine Dei Martinianum naufragum excipiente;

*Donumque tunica qua Sodalem ornauerat,*

*Geminat cuculla munere.*

Ennodius item l. 9. Epist. 17. cucullæ ad se transmissæ tanquam religionem profitenti, meminit. Idem haberi in Manuscript. Cassiani libris, ait Ciaconius in Onom. *Cuculla* ergo vel *cucullus*, plerisque ut dicebam, Monasticis cœtibus est attributus. Cucullum S. Simeonis Stylitæ, missum ab ipso ad Leonem Imperatorem, Sergius Monachus dedit S. Danieli Stylitæ. Apud Abassinos, ex solius cuculli gestatione internoscuntur Monachi, cœteroqui profanissimi ex Godino l. 1. c. 34. Apud S. Sidonium l. 7. epist. 16. quæ est ad Chariobaudum Abbatem, mentio est transmissi ad eum villosi cuculli nocturnalis, quo membra confecta ieiuniis, inter orandum cubandumque dignanter tegeretur. Hinc vides, vocem *cuculli* non semper sonare solum Capitis tegmen, sed vestem multo diffusorem. De qua cuculli notione apud posteriores Monachos, plenè autor disquisitionum Monasticarum



carum lib. 3. tract. 3. disquis. 1.

Proprie, cucullus est regmen Capitis infantilis. Itaque ut Religiosi docerentur simplicitatem & mores quasi modò genitorum infantium, inductum est in vsum Monachorum, gestare cucullum. Audi Cassianum l. de habitu Monachi cap. 4. [Sunt quædam in ipso Ægyptiorum habitu, non tantum ad curam corporis, quantum ad morum formulam congruentia, quo simplicitatis & innocentiae obseruantia, etiam in ipsa vestitus qualitate, teneatur. Cucullis namque perparuis vsque ad cervicis, humerorumque demissis confinia, quibus tantum Capita contegant, indefinenter diebus vtuntur ac noctibus: scilicet ut innocentiam & simplicitatem paruulorum iugiter custodire, etiam imitatione ipsius velaminis commoncantur. Qui reuersi ad infantiam Christi, cunctis horis cum affectu ac virtute decantant; *Domine non est exaltatum cor meum, neque elati sunt oculi mei, neque ambulauit in magnis, neque in mirabilibus super me. Si non humiliter sentiebam, sed exaltaui animam meam. Sicut ablaetatus est super matre mea.*] Eadem Nicephorus l. 9. c. 14. infra adducendus. Hanc rationem attributi Monachis cuculli, S. Dorotheus doctr. 1. num. 17. iungit cum alia, ex beneficiis cuculli in pusionem deprompta. Sic igitur habet. [Gestamus & cucullum, quod Symbolum quidem est innocentis animi, puri, & verè humiliati. Pueri enim infantuli & innocentes, cucullum gestare solent, non viri perfecti. Nos autè præterea illum gestamus, ut malitia simus paruuli, ut ait Apostolus; *Nolite pueri esse mente, & sensu; malitiâ estote paruuli.* Quid verò est, paruulum esse malitia? Paruulus absque malitia est. Etiam si contem-

V natur,



154 *De Camelauchō & Cucullo Monastico.*

natur, non irascitur. Si honore afficitur, non in vanam gloriam effertur; si rebus suis spoliatur, non dolet. neque affligitur. Parvulus enim est malitia. Non ulciscitur iniuriam, non gloriam affectat inanem. Est etiam cucullus, divinæ gratiæ symbolum. Quoniam quemadmodum cucullus tegit ac fouet pueruli Caput, ita & Dei gratia mentem nostram tuetur & fouet; ut maiorum nostrorum monimenta testantur. Est igitur cucullus, signum gratiæ Saluatoris nostri Dei, mentem nostram tuentis, ac protegentis, nec non simplicitatem nostram & innocentiam, quæ in Christo est, circumfouentis, propter eos qui nos quotidie vulnerare ac deuorare conantur.]

Potuit præterea in cucullo Monachis assignando, haberi ratio vilitatis huiusmodi operimenti. Erat enim cucullus tegmen Capitis simul & humerorum, aut etiam reliqui corporis, ad genua usque protensum, quo serui utebantur, & viles personæ: Cuiusmodi etiam hodie sunt penulæ cucullatæ mulionum & rusticorum, præsertim pastorum, ad arcendos imbres & frigus repellendum excogitatæ. Sic apud Columellam l. 1. c. 8. & l. 2. c. 1. legimus, usum veterum tulisse, ut familiam haberent munitam Sagis cucullatis, aduersus imbres & algotes. Vnde Martialis l. 10. epigr. 76. expostulans de fortunæ iniquitate, *pullum cucullum* pro seruili habitu posuit, dicens,

*Pullo Mæuius alget in cucullo;*

*Cocco Mulio fulget Incitati.*

Mæuius siquidem, vir bonus, & Poëta lingua vtraque disertus, cucullo mulionico præ egestate utebatur; cum è contrario mulio, curator equi cui nomen erat *Incitato*, splendidissimè



Splendidissimè vestiebatur. Nam talis nominis equo, prius Caius Caligula, præter cætera infani affectus argumenta, & destinatum consulatum, familiam illustrem, ac splendidam supellectilem assignarat ut Suetonius cap. 55. memorat. Et ad eum equum & equisonem, alludere videtur sub Domitiano, Mulionem vel agasonem aliquem splendidè habente, Martialis. Vel certè designat aurigam nomine *Incitatum*; ut significatur l. 11. epigr. 1. Expostulans, quod is coccineis vestibus, admodum pretiosis, uteretur; non cucullo, (sive ut Lampridius in Heliogabalo appellat *cucullione*) qui fuisset mulioni conuenientior, & humilitatem personæ ac conditionem seruilem redolens. Et idcirco Tacitus l. 13. Annal. Neronem veste seruili ad dissimulandam personam suam, amictum describens, exhibet illum, noctu præcurrentem lupanaria, atro pallio, cum cucullione adopertum. Quod aliter dixit Iuuenalis Sat. 8. Neronem fugillans sub Damasippi nomine.

— *Quo si nocturnus adulter,*

*Tempora Santonico velas adoperta cucullo.*

Incommodè igitur Suetonius in Nerone c. 26. Has ipsas nocturnas Neronis discursationes describens, pileo & galero contextum proponit. Sed confirmat quod dixi, Capitolinus in Vero. Nam de similibus eius discursationibus ait. [In tantum, vitiorum Caianorum, & Neroniarum fuisse æmulum, ut vagaretur nocte per tabernas ac lupanaria, obtecto Capite, cucullione vulgari viatorio.] Id quod æquè de spurcissimo Elagabalo, aut ut vulgus vocat Heliogabalo, notat Lampridius, dicens sic discursasse tectum cucullione mulionico, ne agnosce-

V 2 retur.



156 *De Camelauchō & Cucullo Monastico.*

retur. Quem porrò *cucullum Santonicum* vocabat Iuuenalis *bardocucullum* à Martiale dictum lego l. 14. epigr. 117. alias 128. quod sic habet.

*Gallia Santonico vestit te bardocucullo,  
Cercopithecorum pænula nuper erat.*

Libro 1. Epigr. 46. aliàs 54. vocat *lingonicum*, à regione æquè Gallicana, Lingonum. Componens enim versus suos cum versibus Fidentini, ait non minùs internoscenda esse sua Carmina à Fidentino sublecta, ab iis quæ ipsemet confecisset, & suis admiscuisset, quàm internoscitur crassus & barbarus Lingonum *bardocucullus*, Tyriantinæ purpuræ admistus. Is est sensus illorum versuum.

*Sic interpositus villo contaminat vincto  
Vrbica Lingonicus Tyrianthina bardocucullus.*

Iuuenalis Satyra 7. *Cadurcum* dixit, utique ab alia Galliæ Regione in qua etiam in usu erat. Est ergo *bardocucullus*, idem quod *cucullus*, crassus, & rupicibus ac petronibus, (qui ferè sunt crassi ingenio & bardi,) accommodatus. Vnde à Martiali, opponitur *urbicis* idest Romanis purpuris, perelegantibus ac pretiosis. Caterum *bardocucullus*, non sicut *cucullus* tegebat Caput duntaxat, sed penulæ attexebatur, ulterius regenti corpus: iuxta illud de hoc ipso indumento apud eundem l. 1. epigr. 93.

*Cerea si pendet lumbis & trita lacerna;  
Dimidiâque nates, Gallica palla tegit.*

Quæ est *bardocuculli* Gallicani periphrasis. Fuit qui ad epigramma 117. libri 14. iam allegatum, scriberet, *bardocucullum* esse pallium viaticum, attexto cucullo: à *Bárdos* quod Gallorum lingua *viam* sonat apud Hesychium,



chyum, inemendatum. Nam sana lectio βαρδοι δαιδει  
πρεα γαλάταις. Hoc est *Bardi vates* apud Gallos, de qui-  
bus ex vetere Glossario Heraldus ad lib. 4. Martialis  
epigr. 4. & memorantur etiam à Lucano l. 1. illis carmi-  
nibus.

*Vos quoque qui fortes animas, bellōque peremptas,  
Laudibus in longum vates dimittitis ævum,  
Plurima securi fudistis carmina Bardi.*

Alij à Bardaicis siue Bardæis militibus, quibus ea crassa  
cum penula suo cucullione vsui erat, deriuant hanc vo-  
cem: vt propterea *bardaicus cucullus*, aliquando dicta le-  
gatur, vt apud Capitolinum in *Pertinace*. Vt vt sit, con-  
stat ex dictis, bardocucullum & cucullum, fuisse humile  
& crassum vestis genus, accommodatum vilibus perso-  
nis, ac seruis priuatorum vilioribus, vt Lipsius animaduer-  
tit l. 1. elect. c. 25. Videndus item Petrus Faber 2. semestr.  
cap. 20.

Ob hanc igitur causam, haud abs re, cucullus Religio-  
sis Monachis Attributus est, vt significaretur humilitas  
status eorum, & conditio seruilis. Non dico Religio-  
sum, respectu superioris, quem super Caput suum habet  
impositum, annumerandum esse seruis: quod rectè dif-  
fitentur Suares Tract. 7. de Relig. lib. 6. cap. 2. num. 18. &  
Basilii Poncius quodlib. 3. Scholast. c. 5. & qui contra-  
rium existimantes, Dominatum exercent in sacris cœti-  
bus, Tyranni audiunt, Iudice Ioanne Sarisberienfi in  
Polycr. l. 8. c. 37. Hoc igitur non assero. Sed tantum  
contendo, Religiosos, respectu Dei, seruire gloriosam  
seruitutem, & humilem subiectionem profiteri: ac idcir-  
co, meritò præferre seruilem habitum. Et quia nemo  
V 3 potest



potest duobus Dominis seruire, ac qui se Deo in seruum addicit; mundum & quæ mundi sunt, calcare & despuere tenetur, propterea S. Germanus in rerum Ecclesiastic. Theoria, declarans mysteria habitus Monastici, ait cucullum significare, impleri à Monacho quod dixit Apostolus, *Mihi mundus crucifixus est, & ego mundo.*

Tantum de fine attributi Monachis cuculli. Materia, tametsi vbique vilis, tamen variis locis ac temporibus varia fuit. Lineam insinuant illa S. Hieronymi ad Heliod. [Caput opertum linteo, galeam non recusat.] Icones Monachorum Monasterij Sula Constantinopoli, talia linea amicula, capitibus præferunt. Clarè idem habet Nicephorus l. 9. c. 14. agens de Tabennesiotis. Iisdem tamen, laneum cucullum assignat Sozomenus l. 3. c. 13. vbi præfatus, monachos Tabennesiotas sub S. Pachomio aliud indumentorum genus assumpsisse, quàm quo vterentur reliqui Ægyptij Monachi, nempe quoad totam complexionem indumentorum, numerat cucullum inter eorum vestes. [Caput (inquit,) integumento quod cucullum appellare solent, operiebant; quo ostenderent, se vitam perinde simplicem ac Synceram degere, atque pueros lacte nutritos, quorum Caput quod in membris obtinet principatum, eiusmodi tiaris obuoluitur, ut tum tegatur ab æstu & frigore, tum vndique foueatur.] Et mox. [Si quis cum ipsis habitare cuperet; ut primò omnium, ad triennium grauioribus laboribus exerceretur; & ita eorum conuictus particeps fieret, mandauit: Et ut vestiretur pellibus, & Caput tiaris laneis tegetet: Has autem tiaras, tanquam punctis purpureis notari iussit.] Cuiusmodi essent hæ purpureæ notæ, sic exponit



nit Palladius c. 38. Lausi agens de Pachomio Monachos suos informante. [Fecit eis cucullas molles, tanquam pueris, in quibus etiam iussit imponi figuram Crucis purpureæ.] Quas *laneas tiaras* dixerat Sozomenus, Palladius *molles* nominat, quales esse puerorum solēt; hoc est *laneas*. Ex qua etiam materia, Sidonius, Chariabaudō Abbati cucullū, his verbis transmittit l. 7. Epist. 16 [Per liberos tuos, nocturnale cucullum, quo membra confecta ieiuniis inter orandum cubandumque dignanter tegeres, transmissi. Quanquam non oportune, species villosa, mittatur hyeme finita.] *Speciem villosam*, atque adeo non lineam, sed laneam, cucullo hyemali conficiendo adhibuerat Sidonius. Sicut etiam S. Benedictus c. 55. reg. *alias* 62. indicit, [cucullam in hyeme villosam, in ætate puram, aut vetustam.] S. Danielis Stylitæ cucullum, ex pelle fuisse confectum, narrant eius Acta. Vix autem arbitror, hunc fuisse illum S. Simeonis Stylitæ cucullum, quem ab eo transmissum ad Leonem Imperatorem Sergius illius Discipulus non valens ad Leonem penetrare, tradidit S. Danieli, cui fuit pretiosissimus. Ac proinde vix eo usus passim esset S. Daniel. Non plura de cuculli materia.

Formam cuculli antiqui, cetero licet ex illis Nicephori verbis l. 9. c. 14. [Capitis verò tegmen acuminatum, ut simplices sint, & iniurias non vident, puræque & innocentem viuunt, lactentium puerorum instar, quorum Capita eiusmodi lineis mitris operiri solent, quæ partem, rationis principatum imperiumque obtinentem tegunt atque fouent.] Expende voces illas *mitra*, & *tegmen acuminatum* Euagrius i. histor. c. 13. *tiaram* vocat. Ex quo patet, fuisse Κορυμβος. Et verò cucullus, propriè dicitur de papyraceis illis inuolueris forma pyramidalis qui-



160 *De Camelauchō & Cucullo Monastico.*

bus pigmentarij & propolæ aromatum, obuoluunt suas merces, iuxta illud Martialis ad suum libellum lib. 3. epigr. 2.

*Festina, tibi vindicem parare :  
Ne nigram citò raptus in culinam,  
Cordyllas madido tegas papyro;  
Vel thuris, piperisue sis cucullus.*

Vbi Raderus, cum Scaligero ad Catullum, Scombrom laxas tunicas è chartis subsannantem, *cucullum* dici notat, chartam sic inuolutam vt conum inuersum exprimat. Talis ergo erat forma cuculli. Eius longitudinem iam exhibui ex Cassiano, qui cum ait, ad ceruicis tantum & humerorum confinia, fuisse demissum. Posterioribus tamen plerisque Monachis, fuit protensior. In sancti namque Benedicti Anianensis vita, sic lego. [Monachos in habitu dissimiles, fecerat multorum consuetudo. Siquidem nonnullis vsque ad talos cucullæ pendebant. Quamobrem Vir Dei, vniformem cunctis tenendum Monachis instituit modum; vt non ampliùs à duobus cubitis excederet mensura vel vsque ad genua pertingere posset.] Ea mensura duorum cubitorum in cucullo, probata est in Additione 1. ad Capitularia Regum Franco. cap. 21. Antiquum cucullum profanum, apud Gallos, dimidias regentem nates, iam supra ex Martiale retuli.

De protensione ac forma cuculli Franciscanorum, acris & longa iam pridem est contentio. Verum est, initio S. Franciscum aliquando incessisse ritu Pastoralì, aperto Capite, capillis promissis, & diffluentibus; Et verum item est, Minoritas eodem Pastoralì modo incessisse vsque ad S. Bonauenturam, qui Narbone in Comitibus Generalibus



neralibus anno 1260. caputium tunicæ adiecit, vt habet Volaterr. l. 21. Anthropol. & Galefinius in vita S. Bonau. cap. 9. Ita igitur ferè vestiebantur Minores, initio, ex vsu S. Francisci: tamen & ipse S. Franciscus, & planè primi Fratres, vsurparunt aliquando cucullum; de quo (vt dicebam,) est contentio: quibusdam affirmantibus formam cuculli à Sancto Francisco vsurpati, fuisse pyramidalem. Ita latè Zacharias Bouerius Tract. de habitu Minorum, qui adiunctus est Tomo 1. Annalium Cappucinatorum. In quam rem profert multas antiquas picturas, & imagines musiuo opere expressas; in Basilica Lateranensi, & S. Mariæ maioris, & alibi Profert præterea, oculatos testes ipsiusmet vestis S. Francisci, qui pyramidale ei vesti fuisse Caputium testentur. Quæ narratio non est obnoxia cauillo, quo aliqui eum cucullum longiorem, referunt ad laxatam per Fratrem Eliam, superstite S. Francisco disciplinam, & immutatum præscriptum à viro Sancto habitum; vt ex Mariano habet Vuadinghus anno 1208. n. 6. Et præmiserat num. 5. visum abs se Assisij, in æde Clarissarum, & alium esse in monte Aluerniæ, ac etiam Florentiæ, ipsiusmet S. Francisci habitum, cuius caputium esset quadrata propè forma, tantisper acuminatum. In qua etiam sententia de vera forma Caputij Franciscani, est Frater Arturus à Monasterio, Autor Martyrologij Franciscani ad 3. Augusti. tractans à §. 10. de caputio pyramidalī assumpto à B. Matthæo Bascio. Fortassis non improbabilitèr quis dixerit, S. Franciscum, bardocucullum pastoritium & rusticanum, ad sui contemtionem vsurpasse, cui esset Capitis regmen acuminatum; eoque vestis genere ab initio Conuersionis assumpto, semper

X

deinceps



162 *De Camelauchō & Cucullo Monastico.*

deinceps vsum esse : sed interdum pro offerentium liberalitate , magis vel minùs acuminatum & oblongum caputium habuisse : vnde ea varietas extare potuit , quæ in antiquis picturis , ipsisque etiam Sancti viri vestimentis , ad hæc vsque tempora asseruatis , notatur. Sanè F. Bonauentura Columbi , in Apologia Seraphica c. 10. ex antiquis picturis , & vestibus huc vsque asseruatis , contendit , verum S. Francisci caputium , ex quo is Religionem suam fundauit , fuisse rotundum , quale nunc habent conuentuales. Quod non videtur posse aliter extricari , quàm eo modo quem attigi.

Non videtur quoque posse aliter expediri , quod apud Cardinalem Vitriacum habetur in historia cap 32. Is in perillustri elogio quod contexit Ordini Minorum , hæc de illis verba habet. [ Non vtuntur pellibus , neque lineis ; sed tantummodo tunicis laneis capputiatis , non cappis , vel palliis , vel cucullis. ] Et poterat hic autor certa scribere , cum testetur se vidisse S. Franciscum ; cum Ordine iam constituto , Ægyptum petiit , Euangelij diffeminandi gratia. Quomodò ergo de S. Francisci cucullo litigatur , cum oculatus hic testis , neget , suo tempore Minores , atque adeò ipsum S. Franciscum , habuisse cucullum ? Sensus Vitriaci est , non habuisse Minores cucullum ; per se , ( vt sic dicam , ) coherentem , & à veste exemptilem , cuiusmodi est cucullus Monasticus in plerisque cœtibus , & in plerisque familiis S. Francisci. Habuisse tamen cucullum assutum togæ , quem vocat *caputium*. Id quippè aperte admittit Vitriacus , eo ipso quòd admittit , tunicas Minorum sui temporis fuisse caputiarias. Contrarium latè contendit F. Bonauentura Columbi



lumbi in Apologia Seraphica, contra asserentes S. Franciscum fuisse aliquando Augustinianum, cap. 9. affirmans, omnia quæ proferuntur pro cucullo assuto togæ, spectare ad primum statum S. Francisci cum vixit more Eremitarum secularium. Ex quo autem Ordinem suum instituit, habuisse caputium à toga seiunctum, quod probat ex verbis regulæ Seraphicæ, & ex nonnullis locis Chronicorum, ac ex antiquis statuis. Verum pleræque antiquæ statuæ & picturæ, apertè exhibent S. Franciscum, vel primos illos Minoritas, cum cucullis assutis, ut videre est in ea imagine S. Francisci, quam Ioachimus Abbas spiritu prophetico confici curauit, seruaturque Venetiis, in templo S. Marci. Idem cernitur Assisij, in imagine Fr. Eliæ ad pedes Crucifixi. Et de plerisque ipsius S. Francisci antiquis iconibus, id ipsum admittit idem F. Columbi. Testimonium quoque probatum ex Cardinale Vitriaco qui S. Franciscum in Ægypto satis diu post constitutum Ordinem vidit, suffragatur cucullo consuto: ut proinde S. Franciscus, etiam iam Religiosus, videri possit in hoc fuisse varius: Vel aliquos Minoritas quos eæ imagines exhibeant, vel qui eas ad suum sensum aut gustum effici curauerint iam ab initio à cæteris in hoc puncto discrepasse. Sicut negari non potest, deflexisse aliquanto post à prisca forma habitus Minorum, & ipsius S. Francisci; Minores illos quos Aluarus Pelagius, & ipse Minorita ac summi Pontificis Ioannis 22. Pœnitentiarius l. 2. de planctu Eccles. cap. 76. refert & expostulat, capitia habuisse usque ad nates protensa; & in ea visos exultatione esse, ut qui longius & diffusius caputatus esset, Sanctior & religiosior haberetur, persuasione sanè vana & insulsa.



insulsa. An verò omnes quoque Religiosæ propagines Ordinis S. Francisci, quæ nunc in Christi vinea fœliciter sobolescent, descuerint à vera forma cuculli & habitus S. Francisci, quod affirmat E. Arturus supra n. 17. pronuncient alij.

Satis de Religiosorum cucullo, & de Caputio quod reuoluitur in cucullum assutum togæ, vel vnus cum ea texturæ. Nunc addendum est; Moniales quoque, iam olim, ob easdem causas quibus Religiosi, vsas esse cucullis. Ita enim habetur ex S. Athanasio libro de Virginitate, & ex Palladio in Lausiac. cap. 41. cum agit de Anonyma Virgine, quam S. Pitarum diuino monitu sibi prælatam agnouit. Etiam inter Moschos, Moniales cucullam induunt, vt scribit Sigismundus. Neque id absolutè carpit S. Hieronymus Epistola 22. *sub medium*, damnans in quibusdam Sanctimonialibus fabricam cucullorum; idque annumerans iis quæ mox vocat argumenta Diaboli; ineptiis inquam variarum muliercularum speciem pietatis habentium, virtutem autem eius abnegantium. Hieronymi verba sunt, ad Eustochium. [ Sed ne hoc ipsum tibi iactantiam generet, quod sæculi iactantiam contempsisti: ne cogitatio tacita subrepat, vt quia in auratis vestibus placere desisti, placere coneris in sordidis: & si quando in conuentum fratrum veneris, vel sororum, humilis sedeas, scabello te causeris indignam: vocem ex industria, quasi confectam ieiuniis, non tenues: & deficientis imitata gressum, humeris ne innitaris alterius. Sunt quippè non nullæ, exterminantes facies suas, vt appareant hominibus ieiunantes: quæ statim, vt aliquem viderint, ingemiscunt, demittunt supercilium, & operta  
facie,



facie, vix vnum oculum liberant ad videndum. Vestis pulla, cingulum sacrum, & sordidis manibus, pedibûsque, venter solus, quia videri non potest, æstuat cibo. His quotidie psalmus ille canitur; *Dominus dissipabit ossa hominum sibi placentium.* Aliæ virili habitu, veste mutata, erubescunt esse quod natæ sunt, crinem amputant, & impudenter erigunt facies Eunuchinas. Sunt quæ ciliciis veltiuntur, & cucullis fabrefactis, vt ad infantiam redeant, imitantur noctuas & bubones.] En quo loco habere videatur S. Hieronymus Sanctimonialium cucullos; vt illis vtentes, iungat illis aliis adeò turpiter impingentibus. Sed dicendum est, S. Hieronymum ibi, carpere duntaxat ostentationem fictæ Sanctimonix, & hypocrisis, ex qua nonnullæ Sanctimoniales, vel ceteræ Agapetæ, eo tempore non ex communi alicuius cœnobij lege, sed ex priuato studio vanitatis & singularitatis, assumebant cucullos. Qua ratione alia nonnulla, cùm in viris, tum in fœminis, reprehendit ibi S. Hieronymus, quæ piè obiri posse, non est dubium, vt nudipedem in patientia frigoris esse, hircinam barbam atque promissam præferre, & nigro amiciri pallio; catenis ad carnis macerationem assumptis grauari, crinem amputare virgines sacras, & nonnulla alia. Hæc tametsi per se pura & sancta, idcirco tamen ibi à S. Hieronymo sugillantur, quia ex vanitate fiebant, atque adeò fauillatæa Pentapoleos poma referebant, quæ oculis tenuis poma, cinerescebant contacta, Tertulliano teste c. 40. Apolog. Cæteroqui pleraque ex eis, purè & religiosè obita, alibi effusè celebrantur ab ipsomet S. Hieronymo.



## S E C T I O . X V I .

*De Galero Pontificia benedictione Sacro.*

**H**ic, nudum sectionis numerum consignasse contentus, transilio. Nam de huiusmodi sacro galero quæ hîc brevius aliàs ac pressius dixeram, seponere visum est, eo quod iusta tractatione postea sim executus illustrationem sacri illius ritus, eo opere cui titulus est, *Splendorum nascentis Christi, emblematica insignia; Galerus Sole ac columba intextis, cum appposito gladio, Pontificia benedictione consecratus, in nocte Natalis Domini.* Ne ergo in Tractatione de Sacris tegminibus Capitis, hunc galerum præterisse videremur, retinere nudum numerum capitum placuit, Tractatione in illud alterum opus dimissa.

## S E C T I O . X V I I .

*De Sudario Capita Mortuorum operiente.*

**P**ercurramus tegmina Capitis quorumcunque mortaliū superstitum. Nunc priusquàm excedamus, attingenda sunt tegmina capitis mortuorum. Est enim eorum mentio Ioan. 11. & 20. Cum enim narratur resurrectio Lazari è sepulchro prodeuntis, dicitur fuisse ligatus manus & pedes institis, & faciem eius sudario fuisse ligatam. Item cum narratur Apostolorum aduentus ad monumentum Christi, nominatim annotatur, sudarium quod fuerat super tumulati Caput, repertum esse non cum



*De Sudario Capita Mortuorum operiente.* 167

cum lineaminibus positum, sed separatim inuolutum in vnum locum. Quo utroque loco, linteum operimentum Capitis hominis demortui, appellatur *Sudarium*. Itaque frustra Sopranis tractatu de re vestiaria Iudæorum disp. 2. cap. 1. §. 3. expostulat, *Sudarium*, Capitis tegminibus esse annumeratum à Sanctio in cap. 19. Actor. num. 5. Id enim ille de mortuorum Capitibus, verè pronunciauit.

Non assero omne *Sudarium*, fuisse ad vsum mortuorum. Cum enim vox ipsa *Sudarij*, vsum eius ad tergendum sudorem aliósque superfluos humores naribus, oculis, ore effluentes præferat, nec is vsum in Defunctis habeat locum; liquet, vocem *Sudarij* latiùs patere, quàm ut ad mortuos restringi possit. Sicque videmus Actor. 19. memorari Pauli viuentis sudaria ab eius corpore delata, quibus mira edebantur. Et idcirco S. Proclus orat. 19. (quæ est Pauli encomium,) ait Pauli Epistolas fuisse salutis retia; linguam, *Crucifixi tubam*; plagas, *uniuersi orbis medelam*; Sudaria, *falces morborum*. Nec dissimiliter S. Nilus in Ascetico, præfert Regum diadematis hæc sudaria, quod diademata nunquam expulerint mortem, sicut fecerunt sudaria Apostolorum. Præterea Lucæ 19. Seruus piger & incurius, refert Domino suo mniam, quam ait se habuisse in Sudario repositam. Suetonius in Nerone, ait eum plerumque, ligato circa collum Sudario prodiiisse. Iuxta Nonnum in paraphrasi Capitis vndecimi ac vigesimi Ioannis, vox *Sudarij*, est Syrorù popularis ad significandum cingulum Capitis, Ζωνὴ καὶ κεφαλῆς. Et à Theophrasto Actor. 19. inde secernitur sudarium à Semicinctio, quod sudarium Capiti imponatur; Semicinctium verò



168 *De Sudario Capita Mortuorum operiente.*

verò manu teneatur ab iis qui *oraria* gestare non possunt: sicut sunt qui Cōsulares<sup>9</sup> gestant stolas, siue *Gubia*. Vbi vox Græca *ἀνδρῶν* sonat sudarium à semicinctio distinctū. Et semicinctium tamen & sudarium, Suidas *φανεόλιον* esse dicit. Italicè *faccioleto*. Verisimilius tamen est, semicinctium idipsum fuisse quod Plautus *cincticulum* seu *cinctulum* appellat, vulgò *gremiale* aut *ventrale*, vel *Epigonatium*; cuius ad fasciæ modum præcincti, & per limbum manu prehensi, atque sursum absque solutione elati, vsus operariis plerunque sit, ad humores detergendos. Diligenter de his Grammaticis minutalibus Lorinus, & alij Interpretes Actor. 19. v. 12. & Vincentius Ricardus ad orat. 19. S Procli, ac Iacobus Chiffletius de Lintheis Christi sepulchralibus cap. 5. obseruans Catullum *Setaba Sudaria* celebrasse, à Setabi oppido Hispaniæ; cui olim in Europa, lini palma dabatur. In Sacris, *manipulum* pro *Sudario* accipi multorum testimoniis firmat Steph. Durantus l. 2. de ritib. c. 9. num. 16.

Non pertinent porrò ad præsens institutum, pleraque sacra Sudaria quæ memorantur in hac significatione; pro linteolo nimirum faciei extergendæ accommodato; *Strophium* passim appellant. Arnobius l. 2. à muci deterfione vocat *mucinum*; vnde Gallica vox *mouchoir*; sicut Italica *Fazzoletto*, à faciei deterfione. Eiusmodi est Sudarium Edessenum, quod Abagaro Toparchæ à Christo ipso submissum, impressa suæ faciei effigie, produnt Damascenus 4. fid. cap. 17. & Euagrius l. 4. c. 27. Estque etiam eiusdem Sudarij mentio in secunda Nicæna Synodo actione 5. Plura de eo inter tractandum anomalias sacrarum imaginum, cùm de imaginibus non manufactis. Affine est, Sudarium



darium Veronicæ, Romæ, in sancti Petri Ecclesia asseruatum. Piam hanc Matronam, Christo in Caluariam tendenti, & undecunque sudore diffluente, lineum Capitis sui peplum, ad extergendam faciem porrexisse, & in eo imaginem faciei Dominicæ fuisse exquisitè expressam, scribit Adricomius in descriptione vrbis Ierusalem num. 44. & omninò multi quos notauit Malonius ad cap. 1. Palæoti de S. Sindone num. 12. Scripsit tamen S. Birgitta l. 4. cap. 81 ex Christi ipsius reuelatione, hunc sudorem exisse de Christi facie, *propter qualitatem rogantis Christum, ad consolationem futurorum*: quasi Veronica, ad solamen posterorum, sudarium porrexerit ea mente, ut Christus effigiem suam imprimeret illi linteo, etiamsi non egeret extersione, neque sudor extergendus ex diuina eius facie offlueret. Quod ægrè admittendum video, etiamsi ex abundanti, ea posterorum consolatio, proposita Christo videri possit.

Negabam hæc sudaria ad præsens negotium spectare: tum quia non fuere mortuorum, tum quia non fuere tegmina Capitis simpliciter dicti, sed duntaxat faciei, quam operiebant, admotæ ad extergendum sudorem vel lauationem adhibitæ. Et idem dico de Sudario quo oblectum Neronem prodiisse Roma, quatuor duntaxat comitantibus, scribit Suetonius, quod nuperus Scriptor de sudario mortuali accipit: quasi Nero habens se pro conclamato, tegmen mortuarium assumpserit. Qua ratione dicendum esset, cum reliquam quoque vestium quibus defunctorum corpora amiciebantur, varietatem assumpsisse, quod liquet esse commentitium. Prodiit ergo cum sudario, non ut mortuus, sed ut lateret, & fuga

Y non.



170 *De Sudario Capita Mortuorum operiente.*

non præpediretur. Atque ita illud sudarium, est extraneum ab hac disputatione. Idem dico de Sudario, quo dato S. Salvinus incendium Ambianense restinxit. Iacebat in lecto vir sanctus febribus æstuans, & injectis per Satanam flammis urbs penè tota conflagrabit. Accurrentibus autem ciuibus & aduersùs tantam calamitatem præsidium exposcentibus, tribuit vir sanctus sudarium suum, iubens ignibus obici: ad cuius obiectum, illico flamma resedit. Neque de hoc sudario, ( quippè minimè mortuali ) agimus.

Nobis hìc, vox *Sudarij*, vsurpatur prout in re funebri habuit locum, vt notatum est ex Ioannis 11. ac 20. Ex eo autem c. 20. manifestum est, Sudarium, à sindone corpus totum contegente aut obuolvente, esse secernendum. Nam seorsim Lintheamina exhibita sunt, & seorsim Sudarium quod fuerat super Caput. Mira de isto refert Beda l. de locis Sanctis cap. 5. ex relatione Arnulfi Episcopi. Inuentum enim ætate Bedæ, & iussu Regis Saracemorum igne probatum, mansit illæsum; & cum cui hæreditate obrigerat, ditauit affatim. E contrario autem qui eius possessionem præ aliis bonis neglexerat, ad extremam est redactus inopiam. Hoc Sudarium, quod super Christi in sepulchro iacentis Caput est positum, M. Attilius Serranus in Syllabo reliquiarum quem adiunxit tractatui de 7. urbis Ecclesiis, ait asseruari in Basilica Lateranensi. Verùm cum Beda loco allegato, addat, hoc Sudarium habuisse longitudinis pedes octo, verisimile admodum est, visum nonnullis hoc Capitis Christi inuolucrum illud ipsum esse, quod Vespertione apud Sequanos magna cum veneratione asseruatur. Est enim  
cuius



cuius longitudo octo pedum. Taurinense autem, Sudarium (quod Alfonsus Palæotus c. 1. de Sacra Sindone vult esse hoc Sudarium Capitis Christi in sepulchro iacentis,) est longum pedes duodecim. Ac proinde Sudarium Taurinense, aliud est à Sudario quod fuerat super Caput Domini; cuius longitudo à Beda assignata, quadrat exquisitè in Sudarium Vefontionense, vt Chiffletius supra c. 8. plenius confirmat: Sumens tamen Sudarium Capitis pro linteo alteram tantum cadaueris partem à Capite ad pedes vsque contegente, & superinducto toti antico corpori, sed tæniis ad collum religato. Quod autem institis supra hoc Sudarium circumuolutis à collo ad imas vsque calces, sola huius Sudarij pars faciem operiens & Caput obtegens extaret, dici potuit Sudarium obuoluens Caput, & Sudarium faciei resupinæ iacentis Christi. Circa quem tamen nihil in hac re factum est singulare, cum Ioannes cap. 19. disertè notarit, Sanctos pollinctores accepisse corpus Christi è Cruce depositum, & ligasse illud linteis cum aromatibus, sicut mos est Iudæis sepelire. Itaque communi more quo cæteris apud Iudæos, inuolutum est sanctum Christi corpus demortuum, quamuis in sindonis munditia, & Sudarij pretiositate, potuerit esse differentia, sicut erat magna differentia in quantitate & pretio aromatum, pro varietate personarum, condiendis corporibus adhibitorum.

Hoc Sudarium faciem ligans & super demortui Caput positum, non est cogitandum eiusdem fuisse formæ cuius velum illud breue, quod ex more morientium vt loquitur S. Gregorius homil. 37. in Euang. S. Cassius Nainensis dedit assistentibus, vt sibi contra faciem tenderetur.



172 *De Sudario Capita Mortuorum operiente.*

Quali etiam velo, Monachus Engolismensis describens funus Caroli Magni, ait faciem eius operitam fuisse sub Diademate. Et Græci ut est in Euchologio, Sacerdotis mortui faciem, velant breuiori illo velamine quo panem & vinum, ad futurum sacrificium contegi ex usu erat. Erit qui eodem referat, operimentum madefactum expassum ab Hazaële super faciem Benadad Regis Syriæ, de quo 4. Reg. 8. v. 15. Quanquam id operimentum, & ut vulgatus vertit *stragulum*, i. villosum pannum, superstiti iniectum est, non demortuo. Quod autem faciei mortuorum superiiciebatur, panniculus erat ad faciem duntaxat operiendam, ne vel tetro obiectu, vel incondito motu, spectantes offenderet, ad quod sat erat æquans faciem latitudo. At Sudarium obuoluens Defunctorum Capita, erat multo amplius atque prolixius, iisque affine oblongis linteis quibus pœnitentium sodalium, cum apud nos linteati incedunt, operiri Capita vndecunque, & adpectus vsque protendi, ex usu est: nisi quod in istis, Sudarium huiusmodi sacco lineo reliquum corpus operienti assuitur, quod in Hebraico mortuorum Sudario non habebat locum; vnde Sudarium quod Christi demortui sacrum Caput obuoluerat, à reliquis linteaminibus separatim inuolutum, ab Apostolis est repertum. Et de huiusmodi Sudario accipiendum esset, (si veritate niteretur,) quod Gregorius Papa apud Bedam in Opere retractationum in Acta Apostolorum, ad cap. 19. interrogatus à quodam Britanno, quid esset semicinctium; dixit, fuisse Sudariū genus tegminis quo Caput ab Hebræis operiebatur, quod restringendum est ad Capita mortuorū. Nam viuorum Capitibus, tegmen illud non adhibebatur.

Fuit



Fuit Gregorius ille tunc Archidiaconus; postea superstiti Beda, Romanus Pontifex, Gregorius II. potius quam Gregor. III. ad cuius initium pertigisse Bedam centenario maiorem, existimat Card. Baronius anno 732. Dixi ergo, responsum Gregorij postea Papæ, circa semicinctij notionem à Sudario non discrepantem, si placeat eam admittere, accipiendam esse de Sudario, quale proposui: quamvis reuera non putem admittendam talem semicinctij notionem; cum semicinctium esset viuentium operimentum, nec cingeret vndecunque Caput, vt ipse vocis cortex præfert: Sudarium autem Capiti tegendo in mortuis additum, obuolueret illud omni ex parte.

---

SECTIO XVIII.

*De Tegmine Capitis Sanctorum.*

NON agitur de operimento quo Sancti in cælo Capita contegent. Nam in cælo, beatos, neque Sol per diem vret, neque luna per noctem. Itaque non egebant umbella, aut tutela Capitis. Quinimo sub pennis illucentis sibi Solis iustitiæ, erit sanitas, vt Malachias affirmavit. Multo sanè liquidius esse debet, quod Sancti sint futuri in cælis nudo Capite, cum cætero corpore futuri sint nudi, vt rectè statuit Lessius l. 3. de summo bono n. 63 & Antonius Ludouicus l. de pudore *sub finem*. Nam si Adam & Eua, in statu innocentie nudi erant, & non erubescabant, quanto magis non erubescant beati in statu gloriæ, etiamsi inuestes planè sint, ac nudi prorsus? In ipsis Angelis quos corporea specie exhibemus, Scripturæ

Y 3

&



& Patres, analogiam aliquam vestimentorum nostratium agnoscunt, & ut illis appingantur permittunt: videmus tamen, semper pingi ac describi intactos Capite, nec vel S. Dionysium, vel Tractatores Symbolicæ Theologiæ, inter alia corpora Symbola quæ Angelis appingunt, recensere unquam pileos, aut galeros, vel simile quodpiam Capitis tegmen. Itaque non est (ut dixi,) hoc loco quæstio de cælesti tegmine Capitis Sanctorum. Nec est item quæstio, de tegmine Capitis, quod Sancti dum hîc superessent, adhibuerunt. Vñ enim sunt integumentis Capitis, receptis in oris quas incolebant. Et si alicubi non erat usus tegendi Capita, nudis erant Capitibus, quod de Christo Domino pro more Iudæorum inter quos vivebat, receptum passim videtur.

Quod ergo hîc exponendum suscepimus, spectat ad tegmina quæ passim videmus apponi Capitibus Sanctorum in picturis ac statuis. Passim quippè exhibentur Capitibus umbella radiante opertis, & veluti scuto fulgente contextis. Essetque hoc tegmen Sanctis peculiare, usus docet. Nam quod Alemanius in dissertatione de Lateranensibus parietinis cap. 9. negat eam esse sanctitatis notam, difficile suadetur. Et quod vnum opponit, de imaginibus Constantini & Salomonis; quorum neuter est probatæ in Romana Ecclesia sanctitatis; facile enodatur. Nam Constantinum, Græci passim, & Latinorum plerique, habent pro Sancto. Salomonem quoque, S. Ambrosius disertè *Sanctum* nominat, cui omnino multi, eius pœnitentiam habentes ratam, sunt astipulati. Itaque ex ea sententia, potuit orbiculatum diadema, appingi Romæ Constantino, iis locis quos notavit autor Operis

ris



ris de Sanctitate Illyriana; cum de Constantini rebus differit. Et ex eodem sensu, Romæ in Sacello S. Sylvestri, ad ædem SS. quatuor Coronatorum, potuit Salomon eo orbiculato diademate insignis exhiberi, tanquam Sanctus, in eorum qui sic exhibebant sententia.

De hoc ergo Capitis Sanctorum tectorio, Iosephus Scaliger in Catalecta Virgilij pag. mibi 475. approbante Henrico Salmuthio in Notis ad Panciroli vetera deperdita cap. de fibula, existimavit, aliud non esse, quàm *πυρίσκη*, siue umbellam lunatam, Capitibus statuarum impositam apud Ethnicos, ne auium stercorebus inquinarentur. Quod damnum sibi ab albis coruorum stercorebus, imprecabatur Horatianus Priappus. Adducit in eam rem Scaliger, locum Aristophanis in *Auibus*, ubi Scholiastes, ita expressit hanc vocem; tametsi quod notavit Henricus Stephanus in Thesauo V. *πυρίσκη*, apud Aristotelem, Polybium, Hesychium, & alios, vox illa non sonet quod ex Aristophane præmisimus. Hunc usum breui umbella contegendi statuarum Capita; à statuis extantibus, ad imagines, pictorum errore, & Catholicorum (scilicet,) ruditate, transisse, pronunciant prædicti Sectarij, Sugillantes Ecclesiam, quæ tanquam honoris causa, approbet vel sinat apponi super Sanctorum Capita, quod à Gentilibus inductum primò est, ad auertendam idolorum suorum iniquationem, per auium stercorea.

Negari non potest, quin aliquando Patres, Ethnicis exprobrauerint eam simulachrorum fœdationem per auium stercorea. Lactantius 2. instit. cap. 4. aues, quas Ethnicj



Ethnici terrore falcis, alteriusve Priapo adiuncti abigi existimarent, simulachro illi fabrefacto, ac cæteris, insidere, & ibi nidificare, sordésque egerere, subfannans dixit. Arnobius item lib. 6. [Non videtis sub istorum simulachrorum casis, stelliones, sorices, mures, blattæque lucifugas, nidamenta ponere, atque habitare? Spurcicias huc omnes, atque alia vsibus accommodata conducere, semirosi duricias panis, ossa in spem tracta, pannos, lanuginem, chartulas, nidulorum in mollitie sollicitè miserorum fomenta pullorum? Non in ore aliquando simulachri ab araneis ordiri retia, atque insidiosos casses, quibus volatus innectere stridularum possint, impudentiumque muscarum? Non hirundines denique intra ipsos ædium circumvolantes tholos, iaculariter stercoris plenas, & modò ipsos vultus, modò numinum ora depingere, barbam, oculos, nasos, aliasque omnes partes in quascunque se detulerit deonerati proluviæ podicis? Erubescite ergo vel serò, atque ab animantibus mutis, vias rationis accipite, doceantque vos eadem nihil numinis inesse simulachris, in quæ, oblectæna ducere neque metunt, neque virant; leges suas sequentia & distincta veritate naturæ.] Eò igitur spectasse vult Scalliger, operculum illud Capitem statuis appositum, ut arceretur inquinatio ab aibus: & inde manasse ad Christianos abusum similis tegminis, Capitibus Sanctorum, non expressis tantum, sed etiam pictis apponendi.

Hoc stercoreum spurciloquium, procul amandandum est. Neque enim vel Ethnici regmen statuis imposuere ad abigenda ab aibus conspurcamenta; vel vllus Catholicorum



Catholicorum cogitavit vnquam, de hac Capitis Sanctorum tutela ad arcendas sordes ab auibus præteruolantibus, aut insidentibus. De Ethnicis res est perspicua, quia si id intendissent; oportuisset eos non summo duntaxat vertici tegmen adhibere arcens auicularum fœculentias, sed etiam toti faciei, ac reliquo corpori inducere aliquid aptum regendo simulachro, quod vndecumque conspurcari contingebat, vt modò ex Arnobio audiui-  
mus. Deinde vt notauit S. Isidorus l. 19. Orig. c. 31. Ethnicis, circellum illum dixere *nimbum*. Id quod etiam habet Seruius ad illud tertij Æneidos,

*Et Lunam in nimbo nox intempesta tenebat.*

Idem habet ad librum 2. eiusdem operis, vbi de Pallade Tritonia, quæ summas arces iam infederat nimbo effulgens, & Gorgone sæua. Spectabant ergo in eo circello adhibendo Ethnicis, expressionem nimbi effulgentis, vt ætherium & cœleste quippiam insinuarent; non autem vt spurcicias à simulachris prohiberent. Quomodò verò umbella superponi potuit aut debuit, ad auertendas sordes à Capite statuae, in illo Idolo quod S. Augustinus tract. 7. in Euang. Ioannis, ait fuisse pileatum? Idolum quippè fuisse constat, quia habebat sacerdotem; & ita rectè agnoscunt ad eum locum Louanienses: qui quod *paleatum* putant legendum, idest è paleis contextum, vel paleis opertum, non consonat cum vetustis Codicibus: vt nec lectio ingesta ab aliquibus, qui volunt legi, *paleatum* idest *cælum*, ex vsu quorundam Latinorum de quo D. Augustinus 7. Civit. c. 8. ita vt sensus sit, Sacerdotem *Paleum*, idest Dei cœlestis Afrorum, seducere simplices; fingendo, benè Deo suo cum Christo conuenire. Qua  
Z ratione,



ratione, idolum de quo D. Augustinus agebat, non fuisset pileatum. Sed ut dixi, ea lectio dissonat omnibus antiquis Codicibus, qui constanter legunt *pileatus*, vel per librarij errorem *pilleatus*. Capiti itaque Idoli pileati, non timebatur conspurcatio per aues; ac proinde non eguisset ad eum finem umbella Scaligeri, sed aliquis alius erat usus operculi statuis Numinum apud Ethnicos apppositi. Liquida verò præsertim est inanitas Scaligeriani commenti, in imaginibus non extantibus siue eminentibus, cuiusmodi sunt imagines pictæ, quibus ridiculè apponeretur huiusmodi aliquod Capitis tegmen. Accedit quod in templis ritè obseratis, non plus timendum fuisset Capitibus idolorum, à stercorebus auium, quàm nunc timeamus operculis Capitis nostrarum statuarum Sacrarum; quæ opercula, quis vnquam questus est conspurcari ab auibus?

Quod ergo notauit Lazius l. 9. commentar. Reipub. Rom. c. 19. apponebant Ethnici statuarum Capitibus circulum, specie dimidiæ sphaeræ, tanquam coronam. Sic enim in hanc rem philosophatur, describens varias formas statuarum, [Cum ahenea Sphaera statua; ut hodie simulachra Sanctorum exprimauntur; supra quorum Capita circulus semisphaeram referens necebat, quod & ipsum erat coronationis statuarum genus, à Christianis postmodum receptum, & simulachris quæ Martyribus & Sanctis Dei, ob merita in religionem ponebantur, impositum. Meminit Marcellinus lib. 17. de obelisco è Thebis Romam perlato à Constantino, sic locutus. [Per arduum inane protentus, diuque pensilis, hominibus millibus multis tanquam molendarias rotantibus.



tibus metas, cauea locatur in media; eique Sphaera superponitur aenea, aureis laminis nitens; qua confestim vi ignis Diuini contacta, ideoque sublata facis imitamentum in figura aereum itidem in auro imbractearum, veluti abundantis flamma canentis.] Idem lib. 25. *sub finem*. [Antiochiam venimus, ubi per continuos dies veluti offenso Numine, multa viscebantur & dira, quorum euentus fore luctificos, gnari rerum prodigialium praecinebant. Nam & Maximiani statua Caesaris locata in vestibulo Regiae amisit repente sphaeram aeneam, formatam in speciem Solis, quam gestabat.] Ad huiusmodi coronas, siue Solares quibus maiores nostri Sanctos Dei expresserunt, alludit etiam Velleius Paterculus, his verbis de Octauio Caesare scribens. [Cui aduentanti Romam, immanis amicorum occurrit frequentia. Et cum intraret urbem, Solis orbisque super Caput eius curuatus aequaliter circumdatusque in colorem arcus, velut coronam tanti mox viri Capiti imponens, conspectus est.] Et sic patet causa, (concludit Lazius,) quomobrem in hodiernum diem Sanctorum imagines cum tali semicirculo & pinguntur & sculpuntur.]

Prædictum ergo morem Ethnicorum, pie æmulatam esse Ecclesiam, Sanctorum Capitibus radios aut coronas superponentem, censet Lazius. Neque enim refugit Ecclesia, sicubi deprehendit inter sordes Ethniciſmi, aliquid honestum & utile, exprimere illud imitatione, vel potius ab iniquis possessoribus repetere ea quibus illi abutebantur; & in usum pium conuerrere; quod multis exemplis illustrat Baronius ad annum Christi 44. *sub finem*, & Martinus à Roa l. de die Natali c. 1.

Z 2 Teguntur



Teguntur itaque Sanctorum Capita tectorio referente coronam gloriæ qua potiuntur. Si enim reducibus è nauigatione, imponebatur *corona salutis*, de qua Paschalius lib. 2. de coro. cap. 9. *sub finem*; quanto iustius coronantur Sancti, tot perfuncti periculis in huius vitæ mari? Planè hæc est *corona felicitatis*, de qua idem lib. 7. cap. 7. & *corona gloriæ ac diadema speciei* apud Isaiam: nec non Corona Cruci olim circumpingi solita, ex S. Paulino epist. 12. ad quem locum multa & benè Rosuedius. Significabat autem ea Crucem cingens corona, posteriores glorias ad quas per Crucem pertingitur. Et quia umbella Capitis Sanctorum, cœlestem Coronam significat, idcirco ea Corona passim appingitur radiata, vt insinuetur gloriæ splendor quo Sancti potiuntur ex Dei visione, & peruentione ad optatam requiem, post labores. Sicut enim plerisque Sanctorum, iam ex hac vita, dum in tantis tenebris reptarent, facies radiauit, perspicuo argumento splendoris interni, vt variis exemplis declarat Bosius lib. 15. de signis cap. 5. éstque manifestum de Moyse, cuius facies cornuta, idest radians visa est, ex consortio & familiaritate cum Deo: Ita iisdem Sanctis in plena iam luce constitutis, meritò appingitur ea gloriæ emphasis, quæ Capitibus coronatis & radiatis continetur. Et verò fuisse Deitatis tesseram quandam, radiare tempora, & coronam habere radiatam, de Ethnicorum etiam sententia, tradit Dausqueius ad l. 3. Silij Italici ad illum versum;

*Syderei iuxta radiabant tempora nati.*

Vbi obseruat, Domitianum affectatorem Deitatis, Capite radiato, (quod Deorum insignè erat,) pingi ac effingi



effingi amasse, ut ex antiquis nummis docet. Eiusdem vanitatis, Persarum Reges insinuat Petrus Chrysologus serm. 20. tractans dictum Apostoli Rom. 12. *Nolite configurari huic seculo.* Ait enim, vetari præter cætera ab Apostolo, [ne simus ut Persarum Reges, qui subiecta nunc pedibus suis sphaera, ut polum se calcare per vices mentiantur, nunc radiato Capite ne sint homines, Solis resident in figura; nunc impositis sibi cornibus, quasi viros se esse doleant effœminantur in Lunam; nunc varias velut Syderum sumunt formas, ut hominis perdant figuram; & nihil supernæ claritatis acquirant.] Vallaris item corona, erat radiata, ut ex Livio l. 10. & 30. habetur. Quare corona radiata perbellè quadrat in Sanctos, vallum mortalitatis, magno impetu ac violentia transgressos.

Cæterum minùs aptè Troilus Maluetius l. de S. S. Canonizatione dub. 1. num. 19. & 20. distinguit inter *radios* & *coronam*: siue (ut vocat) *diadema*: affirmans, radios appingi beatis, iis scilicet quorum æterna felicitas nondum est Ecclesiastica vindicatione planè comperta: Coronam verò tribui Sanctis, idest iis qui donati sunt canonismo. Quam minùs congruam beatorum & Sanctorum distinctionem, nullo usu probatam, cumulat idem autor grammaticali ineptitudine, qua eam Sanctorum Coronam, *diadema* dici supponens, addit, nomen esse ductum à *dia*, quod est *duo*, & *demo*: quia caret perfecta rotunditate, ob dimidietatem circuli adeptam. Has notationis insulsæ gerras, Grammaticis conuerrendas & euentilandas permitto.

Maluerè alij, umbellam Capitibus Sanctorum super-

Z 3 positam,



positam, interpretari scutum, seu clypeum. Quo pertinere potest, quod Paulinus describens extrema S. Ambrosij tempora, cum dictante S. Antistite, Paulinus ipse exciperet, ultimam ideoque incompletam lucubrationem eius in psalmum 43. [Subito in modum scuti brevis, ignis Caput eius cooperuit; atque paulatim per os ipsius, tanquam in domum habitator ingressus est, & facta est facies eius velut nix: postea vero reuersus est vultus ad speciem suam.] Symbola hæc erant Sanctimonix B. Ambrosij & afflatus Spiritus Sancti. Dimissis vero cæteris, insistamus scuto, quod Capiti hominis Dei visum est incubare. Neque abs re, Sanctorum Capitibus impositus clypeus dicitur; [quia Sancti Dei, protectione Diuina fruuntur: vnde cantant gratulabundi, *Domine vt scuto bonæ voluntatis tuæ coronasti nos*.] Verba sunt Gulielmi Durandi de hac Sanctorum umbella differentis, l. 1. ration. cap. 3. num. 20. Idemque habet S. Thomas; nisi quod scutum denique reducit ad coronam, distinguítque de scuto. Tractans enim illud Psalmi quinti, *Domine vt scuto bonæ voluntatis tuæ coronasti nos*, cum præmisisset, bonam Dei voluntatem esse velut scutum contra omnia mala, addit: [Vel est hic, vt scutum protegens, in patria vero vt scutum coronans. Consuetudo namque fuit Romanis antiquitus, vti scutis rotundis; & in illis habebant spem victoriæ; & quando triumphabant illorum scuto utebantur vt corona. Et inde Sancti pinguntur cum scuto rotundo in Capite, quia de hostibus adepti triumphum, scutum rotundum, ad instar Romanorum, gerunt in Capite pro corona. i. dicit ergo; *Scuto bonæ voluntatis tuæ coronasti nos*; quasi dicat, pro scuto



scuto coronationis nostræ, habemus bonam voluntatem tuam, quæ nos hîc defendit & ibi coronat.] Subscribit ad eundem Psalmi 5. versiculum Aygvanus, & Molanus l. 4. de imag. c. 26.

Scriptor per omnia eruditus, Laurentius Pignorius in tabulæ Ifiacæ expositione, (*pag. mihi 23.*) hodiernum diadematis nomen, penes solum Deum & Sanctos locum habere demonstrans; quorsum beatis cælestibus appingatur, rationem reddit, ex usu antiquo orbem Capiti circumscribendi, venerationis ac maiestatis indicem. Obseruasse namque se ait, Imperatoribus quos supra mortalitatem elatos statuebant, Prouinciis item ac urbibus primariis, & Deorum animalibus circumpositum huiusmodi orbem. Domitiani radiatum Caput, Plinius in Traiani Panegyrico subsannat. Erat autem id Statij pro Domitiano votum. Sic enim accipit Bernartius illud ex 1. Thebaidos.

*Ipse tuis altè radiantem crinibus arcum,  
Imprimat.*

Adulatur enim Papinius Domitiano, cui ex insano veterum usu, Principum statuis apponendi quæ sunt signa Deorum propria, arcum radiantem, idest coronam radiantem, apprecatur, qualis Augusto apposita est, ut nummi plerique docent. Suetonius item in Augusto his verbis suffragatur. [Sequenti nocte, statim videre visus est filium, mortali specie ampliorem, cum fulmine ac sceptro, exuuiisque Iouis Opt. Maximi, ac radiata corona.] Antonini & Constantij numismata quæ exhi-

bet



bet Pignorius, tali circulo circumdata Capita præferunt. Iustiniani & Theodoræ Augustæ imagines, Rauennæ in æde S. Vitalis, hodièque musæo opere residuæ, eodem circulo ambiuntur Capita. In notitia vtriusque Imperij, & in tabula itineraria per M. Vellerum edita, videntur Prouinciarum & urbium imagines, sic diademata. Eademque specie exhibetur pavo, quem Æternitas manu gestat, in antiquo nummo Faustinae Augustæ. Ægyptij eum orbem summo Capiti simulachrorum suorum circumdabant. Ab illis id mutuatos Romanos & habita decoris ratione variasse, quod Capiti cui Diuinum quid inesse putabant, eo situ corona aptaretur conjectat Pignorius; addens eum ornatum insequentium Principum moderatione, tacitoque omnium consensu, Deo & sanctis eius in totum cecidisse, retento antiquo *diadematis* nomine. Absunt ista à stercoreis Scaligeri Sectarij, de Sanctorum vimbella cogitationibus, quàm longissimè.




INDEX





INDEX AVTORVM,  
*Qui in hoc opere laudantur vel emendantur.*

<b>A</b>		<i>Sanctus</i> Antoninus
<i>Petrus</i>		Appianus
	Belardus	Apulcius
	Bbas Pa-	Aristophanes
	normitan.	Arnobius
	Acron	Arrianus
	Adricomius	Artemidorus
	Ælianus	Arturus à Mo-
<i>Hieronymus</i>	Albanus	nasterio.
	Alcuinus	<i>Sanctus</i> Asterius
<i>Nicolaus</i>	Alemannus	<i>Sanctus</i> Athanasius
	Alexander Nea-	Athenæus
	politian.	<i>Sanctus</i> Augustinus
	Alexāder PP. III	<i>Rufus</i> Avienus
<i>Leo</i>	Allatius	Aufonius
<i>Petrus de</i>	Alliaco	Ayguanus
<i>Sanctus</i>	Ambrosius	Azor
	Ammianus Mar-	
	cellin.	<b>B</b>
	Anastasius Bi-	<i>Ioannes</i> Agotius
	bliothecar.	<i>Lazarus</i> Baiffius
	Ancharanus	Baldus
	Annellus Persic.	A a Balsamon



## INDEX AVTORVM.

	Balsamon		C
	Barbatius		
	Barbosa		<b>C</b> Aictanus
<i>Cæsar</i>	Baronius Cardi-		Card.
	nalis.	<i>Quintus</i>	Calaber
<i>Renatus</i>	Barrensis	<i>Henricus</i>	Canisius
<i>Ioannes de</i>	Barros	<i>Antonius</i>	Capella
<i>Sanctus</i>	Basilius		Caper
	Beda		Capitolinus
<i>Robertus</i>	Bellarminus	<i>Philo</i>	Carpathius
	Cardin.		Carracciolus
<i>Petrus</i>	Bellonus		Cassianus
<i>Sanctus</i>	Benedictus	<i>M. Aurelius</i>	Cassiodorus
<i>Sanctus</i>	Bernardus	<i>Paulus de</i>	Castro
<i>Ioannes</i>	Bernartius	<i>Hieronymus</i>	Catena
<i>Philippus</i>	Beroaldus		Catullus
	Bertachinus		Cedrenus
	Bion		Cenedus
<i>Sancta</i>	Birgitta	<i>Iacobus</i>	Cepola
<i>Lelius</i>	Bisciola	<i>S. Petrus</i>	Chifletius
<i>Ioannes</i>	Bodinus	<i>S. Ioan.</i>	Chrysologus
<i>Hector</i>	Boethius		Chrysostomus
<i>Thomas</i>	Bosius	<i>M. Tullius</i>	Ciaconius
<i>Zacharias</i>	Bouerius		Cicero
	Brassicanus		Clemens Ale-
	Brissonus		xandrin.
	Broidæus		Codinus
<i>Guillelmus</i>	Budæus	<i>Ludonicus</i>	Cœlius Rhodig.
<i>Iulius Cæsar</i>	Bulengerus	<i>Landolphus</i>	Collenutius
<i>Ismael</i>	Buliadus.	<i>Bonaventura</i>	Columbi
			Columella



# INDEX AVTORVM.

*Antonius* Columella  
Corsetus  
Cresolius  
*Iacobus* Cuicius  
Curopalates  
*Bonus de* Curtili  
*Quintus* Curtius  
*Sanctus* Cyprianus  
*Sanctus* Cyrillus Hiero.  
solymit.

D

*Sanctus* **D** Amasce-  
nus  
Dausqueius  
Delrio  
Demosthenes  
Diodorus Sicul<sup>9</sup>  
Dion Prusaeus  
Donellus  
*Sanctus* Dorotheus  
*Guillielmus* Durandus  
*Iacobus* Durantius  
*Stephanus* Dionysius Hali-  
carnassens.

E

*Sanctus* **E** Nnodius  
Ephram

*Desiderius* Epiphanius  
Erasmus  
Estius  
Euagrius  
Eugubinus  
Eunapius  
Eusebius  
Eustathius  
Eustrathius

F

*Petrus* **F** Aber  
Facundus  
Hermianens.  
Felinus  
*Octavianus* Ferrarius  
Festus  
Feuardentius  
*Albinus* Flaccus  
Fortunatus  
Fulgentius  
Fumus.

G

**G** Alefinius  
Gauanus  
Gelasius PP.  
*A.* Gellius  
*Sanctus* Germanus  
Giergouitz  
Godelmanus



# INDEX AVTORVM.

	Godelmanus		Hotomanus
Nicolaus	Godinus		Hugbaldus El-
	Goltzius		nonensis
	Gratianus		I
Sanctus	Gregorius PP.		Iacobus Card.
Sanctus	Gregorius Na-		Papiensis
	zianzenus		Iamblichus
Sanctus	Gregorius Nys-	Cornelius	Iansenius Episc.
	senus		Gandauensis.
Petrus	Gregorius Tolo-		Iason
	sanus	Sanctus	Ignatius
	Gregorius Turo-		Innocentius PP.
	nenfis		Ioannes Diacon.
	Gretserus		Ioannes Gram-
Antonius	Guainerius		maticus
Lylins	Gyraldus.		Ioannes Sarisbe-
			riensis
	H		Iornandes
Benedictus	H Acstenus		Iosephus
	Hériques	Paulus	Iouius
	Heraldus		Isaac
	Herodianus	Sanctus	Isidorus Pelu-
	Herodotus.		sota
	Hesichius.		Iulianus Imper.
Sanctus	Hieronymus	Adrianus	Iunius
	Hildebertus		Iuo Carnutensis
	Hippocrates		Iustinus Histori-
	Homobonus		cus
Signorellus de	Homodeis		Iuuenalis.
	Horatius		K
			Kirchmannus
			Lactantius



# INDEX AVTORVM.

129

## L

**L** Actantius  
 Laingæus  
 Lambinus  
 Lampridius  
*Laurentius* Laudmeter  
 Laymannus  
 Lazius  
*Leuinus* Lemnius  
*Petrus* Lcnaudiere  
*Sanctus* Leo  
*Leonardus* Leonides  
 Lessius  
 Lippomanus  
*Iustus* Lipsius  
*Titus* Liuius  
*Georgius* Logotheta  
 Lorinus  
 Lucanus  
 Lucianus  
 Lucretius  
*Antonius* Ludouicus  
 Luitprandus  
*Cremonens.*  
*Nicol.* Lyranus

## M

*Sanctus* **M** Acarius  
 Macrobius

Magius

Maldonatus

*Troilus* Malucius

*Quintilianus* Mandosius

Marianus

*Hippolitus de* Marsiliis

Martialis

*Martinus* Martinus

Martinus Lau-

*dunensis*

Martinus Polo-

*nus*

*Sanctus* Maximus

*Antonius* Mazaronius

*Franciscus* Meinardus

Methodius

*Joannes* Meursius

*Iacobus* Middēdorpius

*Antonius* Mizaldus

Molanus

*Petrus* Monodus

## N

*Petrus* **N** Annius

Nicepho-

rus *Calixtus*

Nicephorus

*Gregor.*

Nicetas *Chonia-*

*tes*

Nicolaus



# INDEX AVTORVM.

	Nicolaus P.P. I.		Philo Iudeus
<i>Sanctus</i>	Nilus		Philostratus
	Nonnius		Photius
	O		Pierius Valeria-
			nus
	<b>O</b> Nuphrius	<i>Laurentius</i>	Pignorius
	<i>Panninius</i>		Pineda
	Optatus Mile-		Pithæus
	uitanus	<i>Fulg.</i>	Placiades
	Origenes		Platina
	Orosius		Plato
	Olorius		Plautus
	Ouidius Naso		Plinius
	P		Plutarchus
<i>Alphonsus</i>	<b>P</b> Alæottus	<i>Iulius</i>	Pollux
	Palladius		Polybius
	Pamelius		Polydorus Virg.
	Pancirolo	<i>Basilus</i>	Pontius
<i>Carolus</i>	Paschalius	<i>Hieronymus</i>	Prado
<i>Stephanus</i>	Paschasius	<i>Sanctus</i>	Proclus
<i>Sanctus</i>	Paulinus		Procopius
<i>Aluarus</i>	Pelagius		Propertius
<i>Lucas de</i>	Penna	<i>Sanctus</i>	Prosper
	Pennottus		Prudentius
	Persius		Quintilianus
	Petrarcha		R
	Petronius		<b>R</b> Abanus
	Petrus Blesensis		Raderus
	Phauorinus	<i>Claudius</i>	Rangolius
			Raymandus



# INDEX AVTORVM.

191

Raymondus  
*Theophilus* Raynaudus  
*Petrus* Rebuffus  
*Carolus* Regius  
*Beatus* Rhenanus  
 Ribera  
*Vincentius* Ricardus  
*Nicolaus* Rigaltius  
 Riolanus  
*Martinus à* Roa  
*Heribertus* Rosueydu  
 Rupertus  
 S  
*Emanuel* **S**  
 Sabellicus  
 Salazar  
*Claudius* Salmasius  
*Henricus* Salmuth  
 Saluianus  
 Salustius  
 Salycetus  
 Sancius  
*Maximilian.* Sandæus  
*Claudius de la* Sangle  
 Sanlouinus  
*Andreas* Saussayus  
 Scapius  
*Iosephus* Scaliger  
 Scheckius

Scortia  
 Seneca *Philos.*  
 Seneca *Tragicus*  
*Attilius* Serranus  
*Sulpitius* Seuerus  
 Seuerus *Alexan-*  
*drinus*  
*Honoratus* Seruius *Maurus*  
*Petrus* Seruius  
 Sidonius *Apolli-*  
*naris*  
 Sigismondus  
*Baro liber*  
 Silius *Italicus*  
*Rabbi* Simeon  
 Simeon *Theffalo-*  
*nicensis*  
*Marianus* Socinus  
 Solinus  
 Sophronius  
 Sopranis  
 Sozomenus  
 Spondanus  
 Stadius  
*Prosper* Stellartius  
*Henricus* Stephanus  
*Iesephus* Stephanus  
 Strabo  
 Straccka  
*Franciscus* Suares  
 Suetonius



# INDEX AVTORVM.

Suetonius	V
Sugerius Abbas	Lucas <b>V</b> vadinghus
Suidas	Valeris Fl.
Marquardus de Sufanis	Valerius Max.
Symmachus	Valla
Synesius	Varro
Syricius PP.	Velleius Pater-
T	culus
Cornelius <b>T</b> Acitus	Vegetius
Tertullian.	Marcus Velferus
Theodoreus	Vgolinus
Theon Smyr-	Iosephus Vicecomes
neus	Victor Vienses
Theophanes	Aurelius Victor
Nicenus	Hugo Victorinus
Theophilactus	Virgilius
Theophrastus	Vitrianus Card.
Sanctus Thomas	Ioan. Ludovic. Vivaldus
Thucydides	Viues
Tiraquellus	Raphael Volaterranus
Testatus Abu-	
lensis	Xenophon
Trigaultius	
Adrianus Turnebus	<b>Z</b> Onaras
Turrianus	Zozimus.

FINIS.




us  
Fl.  
6.

7.

tes

d.







CFMAGL 2675

KONSERVIERT DURCH  
ÖSTERREICHISCHE FLORENZHILFE  
WIEN

005267287